

LISTORIA

DEI RUM

1500

133.3

M989








733.3
H 989

VIRTUTIS REGIA MERCES




Skene Library.
J. K. Loh. sc. Abbr.

H 2.7

2/4

7/12



133.3

119

HISTORIA
DEORVM
FATIDICORVM:
CVM EORVM ICONIBVS.

Mussard

THIS TORN

D. J. O. R. V. M.

RECTORIA

ON. J. O. R. V. M.

HISTORIA

DEORVM FATIDICORVM,

VATVM, SIBYLLARVM,


PHOEBA DV M,

APVD PRISCOS ILLVSTRIVM:

Cum eorum ICONIBVS.

Præposita est dissertatio

DE DIVINATIONE ET ORACVLIS.



COLONIÆ ALLOBROGV M,

Sumptibus PETRI CHOÛËT.

M. DC. LXXV.

ALCOHOL

65763

ALCOHOL

Dn. *** A M I C O Pl. C.

P. MVSSARDVS S. D.



VM inter nos incidisset nuper sermo, de variis præstigiis quibus Cacodæmon miseros olim mortales fascinabat; diximus errorem non mediocriter promovisse, quod de rebus futuris per oracula, harios & sagas, pronunciare impurus ille spiritus attentavit.

Quanquam enim ista emunctioris naris homines non fecerint flocci; Peripatetici imprimis qui Aristotelem secuti, Sibyllas, Pythonissas; atque adeò Enthusiastas omnes, mente lymphata furere, aut atra bile commotas, nonnulla præsagire credebant: hi tamen erant scholarum duntaxat susurri, quos in publicum edere piaculum fuisset: quippe persuasissimum erat vulgo, mulieres eiusmodi Deo plenas esse, ipsumque Iovis vel Apollinis numen, præsens illis adesse. Istud enim non mediocriter animos percellebat, nec pa-

rum ad Divinitatem accedere videbatur, non modò quæ præsentia sunt & velut in oculis posita cernere, sed eventus futuri caligine obvolutos & procul diffitos, prospicere.

Itaque postquàm hanc sententiam sermonibus aliquot agitassemus, operæ pretium facturum dixisti, qui ista scripto consignaret; méque ad id audendum excivisti. Sanè quànquàm id mihi non sumo, vt aliquid à me expectatione tua dignum, præstari posse sperem; onus tamen non detrectavi, vel maximè eo nomine vt tibi obsequar; tum etiam vt dum humaniora studia, quibus in adolescentia aliquantùm deditus fui, recolo & memoria repeto, operam non omninò inutilem aut ingratam publico navem. Nec me ab instituto dimovit, quod scio hoc argumentum luculenter à Doct. Boissardo fuisse pertractatum. Nam & perrarus est eius liber, magnique voluminis ac precij; & in non paucis ab illo nunc dissentiunt Docti, ex quo facem prætulerunt magni Viri, Blondellus, Obsopæus, Vossius. Nimum enim ille tribuit scientiæ
Dæmonum;

Dæmonum ; pseudepigrapha pro genuinis exosculatur ; & quæ diu post rerum eventus à quibusdam Christianis , consilio fortè non malo, ficta sunt , ea à Sibyllis , multis retrò seculis, prædicta esse opinatur. Satis multa præterea hîc nova reperient Lectores , vt huius lectionis eos non pigeat. Commodùm verò offendi in Bibliopolio *D. Petri Chouët*, (hominis promovendæ rei literariæ cupidissimi) varias effigies, æri satis eleganter incisas, Deorum , Vatum , Sibyllarum , & Phœbadum, quæ huic opusculo illustrando non parùm conducent.

Rem totam hoc ordine disposui. Præmisi brevem dissertationem de Divinatione & Oraculis, déque variis modis quibus Dæmones futurorum præscij esse possunt. Tum subjeci historicam narrationem Deorum & Vatum , in qua quæ de iis maximè memorabilia produnt veteres Scriptores , proposui. Tu hunc qualemcunque conatum , æqui bonique consulito , méque tui amantissimum amare perge. Vale.





DE RERVM FVTVRARVM

PRÆCOGNITIONE,

Vaticinatione, & Oraculis.



OGNITIONEM & rerum futurarum prædictionem, vnius Dei ius præcipuum esse, omnes consentiunt. Hinc fit. vt vulgò *οἱ θεοί, i.e. Divini* appellentur, qui futurorum profitentur scientiam; quia quod sibi arrogant, tanto intervallo superat ingenij humani captum, vt prorsus ignoretur ab ijs qui non sunt *θεοδιδαντοι*. Esse tum in rebus naturalibus, tum in moralibus, quædam futurorum eventuum præsagia, nemo diffitetur; qualia sunt de quibus Christus Matthæi 24. *Quum ramus tenerascit & folia germinant, nostis propé*

esse æstatem. Item Matth. 16. *Quando serum est diei, dicitis, Serenitas erit, rubet enim calum.* Possunt sanè homines, multòque magis Dæmones, coniectura augurari multarum rerum eventus, ex earum indicijs quasi prodromis. Ejusmodi sunt omnes illæ prædictiones quibus sibi famam compararunt Pseudoprophetæ apud Ethnicos & Mahometanos, aliq; omnes qui vel solis ingenij viribus, vel impulsu Cacodæmonum inspirati sunt. Verùm vnus Dei est, ea prænoscere quæ non à naturæ statis legibus, sed à voluntate sua, aut libero hominis arbitrio pendent; vt mysteria supernaturalia, nec-non gubernationes & mutationes Regnorum ac Rerumpublicarum, (sunt enim corda Principum in manu Dei, qui solus illa versat vt libet;) Item quæ pendent ex arbitrij humani libertate; vt quid cras sim facturus vel cogitaturus. Solus, inquam, Deus ea prænoscit ab æterno, solusq; per Prophetas prænunciare potest; idque non aliquot mensibus aut annis, sed innumeris ante eventum seculis, cùm nullæ causæ aut vestigia animadvertiebantur; nec obscurè aut titubanter, sed claris & apertis verbis. Ideoque hoc sibi vni vindicat apud Esaiam, vbi de eiusmodi prædictionibus

nibus verba faciens, iubet istâ notâ explorari Deos Paganorum: *Annuntiate, inquit, quæ futura sunt, & sciemus quod Dii estis.* Dum enim illos sic prouocat, clarè ostendit istam quam illis denegat, sibi vni competere præscientiam. Hoc, solo naturæ lumine agnouerunt Ethnici, *Si enim homines quoque res omnes post futuras præcognoscerent*, inquit Fauorinus apud Gellium, *tollitur quod maximè inter Deos & homines differt.* Gell. l. 14
c. 1. Ac si anè, vtcunq; Vatum prædicta, & commentitiorum Deorum oracula iactauerint Gentes, nulla tamen, si ad hanc normam exigantur, genuina comperies. Dederunt scilicet consilia ambigua, & responsa perplexa ac dubia, super pugnae alicuius eventu; super excidio Imperii cuiusdam vel Reipublicæ; morte aut sanatione ægroti, aliisque eiusmodi casibus, quorum prognostica in causarum proximarum dispositione, Dæmonibus cernere promptum erat. Sed nullum legas qui ante quingentos aut sexcentos annos, eventum aliquem clarè & certò prænunciauerit. Solius Dei est, & eorum quibus eius Spiritus lumen affulsit, in abdita seculorum penetrare, & futura eadem perspicuitate & certitudine, ac si præsentia aut præterita essent, enunciare.

Vnde patet Veteris & Noui fœderis Scriptores, non à spurijis istis & fictis Diis, qui Gentibus imposturis suis illuserunt, afflatos esse; sed à summo & vero illo Deo qui supremus est Dominus ac Moderator omnium temporum & partium Orbis, cuiusq; scientia & essentia sunt infinitæ. Diuini enim hi Authores, innumera prædixerunt, quæ neque acies mentis humanæ, neque Dæmonum sagacitas pervadere valebat: Exempli gratia, ortum & futuram sortem multorum virorum ac Imperiorum, fraudes Hæreticorum, Antichristi imposturas, superbiam ac furores, aliaq; innumera; quatuor, quinque, sex, septem, octo &c. seculis ante euentum.

Meritò itaque Moses dehortatur populum, ne credat Pseudoprophetis qui eum auocare student ad Deos alienos, etiamsi contingat vt ea quæ prædixerunt reverà eveniant; *Quia Deus id permittit quò nos prober an ipsum timeamus; Monetq; ne quis discat Astrologiam, aut ab Astris sibi timeat, quæ sunt vanæ leges infidelium.* Quanquam enim in prævisione futurorum non semper fallantur Dæmones eorumq; Ministri, semper tamen eò dirigunt sua vaticinia, vt fallant, & homines ab vnius Dei legitimo cultu

cultu avocent, atque ad se alliciant.

Verùm quanquam solus Deus ex se & per se, omnia futura cognoscit, eaq; certò prædicat; Satan tamen eius operum æmulus, mirè miseris mortalibus illudit responsis suis, quibus illis plurima eventura prænunciavit, quorum nonnulla evenerunt. Vt cùm Theagenes Mathematicus, Octavio prædixit imperium, Suet. in August. c. 24. tanta fiducia, ut statim atque genituram suam illi Octavius edidit, exiliverit Theagenes, eumq; adoraverit. Eiusmodi fuit prædictio Trasyllo, qui mortem sibi instare Tiberio dixit, quam reverà hic illi, re cum nullo communicata moliebatur. Tale præsagium ipsius Tiberij de Sergio Galba tum Consule, quem accitum, ut verbis Taciti utar, & diuersis sermonibus pertentatum, postremò verbis Græcis in hanc sententiam allocutus, *Et tu Galba quandoque degustabis imperium*; feram ac breuem potentiam significans, scientia Chaldæorum artis, quam à Trasyllo magistro habuit. (Suetonius hoc præsagium non Tiberio, sed Augusto tribuit; nec de Galba Consule, sed puero. Verùm à Tacito stant Iosephus & Dio.) His subnecti potest Ascletarionis vaticinium, qui Domitiani proximam cædem prædixit, de

Tac.
Ann. 16

Dio lib.
55.

quo Suetonius : *Hunc*, inquit, (Ascletarionem Mathematicum) *delatum*, nec inficiantem iactasse se quæ providisset ex arte ; sciscitatus est Domitianus quis ipsum maneret exitus, & affirmantem, ut brevi laceraretur à canibus ; interfici quidem sine mora, sed ad coarguendam temeritatem artis, sepeliri quoque accuratissimè imperavit. Quod cum fieret, evenit ut repentina tempestate deiecto funere, semiustum cadauer discerperent canes. Addi possent alia exempla eorum, quibus summæ dignitates prædictæ sunt ab Oraculis & Astrologis.

Hic igitur obseruandum, futura bifariam cognosci posse, aut in se ipsis, aut in suis ipsorum causis. In se ipsis cognoscuntur, cum perinde certò prævidentur quæ nondum sunt, ac si iam præsentia & in conspectu posita viderentur. Hoc modo Deus prævidet omnia ex se suoque proprio spiritu; eius item Prophetæ & Apostoli, varia prænoverunt, non ex suo proprio, sed ex afflatu diuini spiritus. In ipsorum verò causis præcognoscuntur res futuræ, cum ex inspectione cognitioneque præsentium causarum, colligitur tales futuros effectus. Sic agricola cum florem oleæ videt, baccam quoque se visurum putat, non sine ratione ille quidem, sed nonnunquam tamen fallitur.

Sic

Sic insidias Imperator, tempestates gubernator, sæpè provident. Sic Medici suas habent prognoseis, id est artificiosas cognitiones futurorum eventuum & mutationum in morbis, constantes certis signis, habentibus connexionem naturalem cum re significata : earumq; ope cognoscunt, utrùm æger à morbo sit evasurus, vel illius vi periturus. Habent enim suos effectus morbi, qui symptomata vulgò dicuntur, ex quorum diversitate manifestum fit artis regularum & præceptorum gnaris, quis ægritudinis eventus sit sperandus. Signa tamen illa, fatentibus ipsis Magistris, & ipsâ teste experientiâ, non sunt adeò certa quin fallant aliquando: Ideòque vetus sermo verus, *Præstare à sexaginta Medicis, quàm Triumviris capitalibus damnari & morti addici.* Habent etiam Astronomi coniectationes suas, siue iudiciariam ex Astris mathesin, quâ ex constantissimo syderum cursu & motu, varia provident Sic Solis defectiones, itemq; Lunæ, prædicunt in multos annos; Planetarum stationes, retrogradationes, aspectus, coniunctiones, oppositiones & similia, ex artis principiis veris & immutabilibus, norunt. Hinc ortæ Ephemerides. Verùm quàm certa est Astronomia,

tam vana & fallax Astrologia, quæ prædicat effecta euentuum futurorum non necessario-
rum, sed contingentium. Potest quidem
Astrologus ex Lunæ & Solis vario colore & a-
lijs phænomenis, ventorum, pluviarum, fe-
renitatis & eiusmodi vicissitudinis tempesta-
tum euentus probabiliter prædicere, quia vt-
plurimum hæc accidunt. Hinc Arati, Hesiodi,
Ciceronis, Virgilij, aliorumq; de Phænome-
nis carmina: sed sæpè ob peculiare aliquas
causas hominibus ignotas, impediuntur hi
effectus: Ideoque quotidie videmus quantum
aberrant Astrologi cum totius anni reuolutio-
nes, belli & pacis euentus, pluvias aut sicci-
tatem, frigus & calorem, frugum vbertatem
vel inopiam, morbos, aliaq; prædicere
attendant.

Suas præterea habent coniectationes pro-
babiles, Nautæ, Pastores, Lignatores, Physio-
gnomi, Chiromantes, & Oneiropolæ; qui ex
Elementis, Meteoris, Plantis, Brutis, linea-
mentorum inspectione, somniorum interpre-
tatione, nonnulla aliquando prævident.

Sed dubium non est quin ista longè perfe-
ctius cognoscant Dæmones, qui rerum causas
intimiùs perspiciunt: itaque non mirum si
multa

multa prædixerunt futura , quæ & certò evenerunt. Diligentissimè enim observant causas naturales & earum effecta : cùm verò etiam accedat longa & perpetua experientia , quæ norunt quid solitum sit ex tali causarum dispositione provenire , & quid non ; facilè possunt de omnibus hisce rebus aliquid certi pronunciare.

Deinde multa etiam sciunt prædicta fuisse à Prophetis ex Spiritu Dei, quæ illi arripiunt & suis cultoribus prædicunt, quasi ex se ista præviderint. *Dispositiones enim Dei*, inquit Tertul- Tert. A-
 lianus, *& tunc Prophetis concionantibus excerpunt*, po. c. 22.
& nunc lectionibus resonantibus carpunt. Ita &
hinc sumentes quasdam temporum sortes, æmulantur
divinitatem, dum furantur divinationem. Sic præsci-
 vit Diabolus ex Danielis oraculis, Alexandrum Dan. 8.
 M. superato Dario potiturum Asia vniversa, &
 translaturum Imperium à Persis ad Græcos. Hinc
 haud difficile vati Delphicæ, Alexandro
 eam consulenti respondere, *Invictus eris.* Hinc
 eodem Alexandro ad extremum cum Dario
 confligente, aquila è sublimi supra eius verti-
 cem sese librare, & in adversos hostes trajicere
 visa est. Sic prænovit Dæmon ex Esaiaæ pro-
 phetijs , fore vt Tyrus destruatur ab iisdem

Macedonibus; ille enim ait Cap. 23. *Onus Tyri. Ululate naves maris, quia vastata est domus unde venire consueverunt: De terra Chittim revelatum est eis.* Terram verò *Chittim* Macedoniam esse, & ab Homero Κλωτείδης Macedonas vocatos, asserunt Docti. Ex iisdem Esaiaë & Danielis vaticinijs, præscivit impurus Spiritus, fore vt Assyriorum Monarchia in Persarum potestatem redigeretur, & quidem à Cyro cuius nominatim meminit Esaia capite 44. Vnde & coniectatus est regnum quoque Lydię periclitaturum; ideòque Cræsum fallaci oraculo ad bellum Cyro inferendum impulit, à quo & victus est. Hinc Delphicum oraculum respondit paulò ante id bellum, Gygis τὸν πέρμελλον ἀπόγονον, *abnepotem*, qui in Cyri tempora incidebat, amissurum regnum Lydiæ.

Ex iisdem Scripturis & Prophetarum vaticinijs, non obscure colligere potuerunt Dæmones, tempus adventus Christi. Ac sanè patet ex ipsa Evangelij historia, Diabolum priùs Christum novisse, quàm eos ipsos quibuscum familiariter degebat. Hinc per os abrepticij inclamabat, *Quid nobis tecum est Iesus Nazarene &c.* *Novi te quis sis, nempe Sanctus ille Dei.* Et iterùm, *Exibant demonia à multis, clamantia*

mancia & dicentia, Tu es Christus ille Filius Dei; & increpans non sinebat ea loqui, quod sciebant ipsum esse Christum. Id noverant Dæmones, quod pios ipsos latebat; Alij enim eum Eliam, alij Iohannem Baptistam, alij Hieremiam, alij vnum de Prophetarum numero esse credebant. Huc facit illud Pythiæ puellæ, de Paulo & Barnaba clamitantis testimonium, *Isti homines servi Dei excelsissimi sunt, qui annuntiant vobis viam salutis.* Vnde quantum sit Dæmonum acumen liquet, quires abstrusissimas & hominibus ignotas, ex Scripturis noverunt; ea, inquam, quæ Fideles ex sola revelatione Patris cælestis cognoscunt; quemadmodum Petro dicebat Christus, cum illum Filium Dei Viventis pronuntiavit. Act. 10.
Math. 16.

Multa etiam sunt quæ etsi Dæmones futura non prævident, tamen cum iam parata sunt ut fiant, vel iam incipiunt fieri, ea citissimè observant; idq; propter aciem sensuum, celeritatem motus, & agilitatem aëreorum, subtilissimorumq; corporum, quibus brevissimo tempore, & vno ferè momento, magna locorum spatia emetiuntur, quæ in vno loco observarunt, ea alibi annuntiant tanquam futura; cum tamen iam facta sint vel cæpta fieri. *Celeriter enim, ut*

ait August. lib. de Divin. Dæmon. *non solum cursus quorumlibet hominum vel ferarum, verum etiam volatus avium incomparabiliter vincunt.* Duabus igitur illis rebus præditi, hoc est acrimonia sensus, & celeritate motus, multò antè cognita prænunciant, quæ homines præ sensus terreni tarditate mirentur. Sic phantasmata illa Castoris & Pollucis, Romæ nunciarunt Perseum Macedoniae regem victum esse, eodem die quo victoria à L. Aemilio Paulo reportata est; cuius Legati vigesimo die demum post pugnam, Romam venerunt. Sic referunt Plutarchus in Iul. Cæsare, & Gellius Noct. Attic. lib. 15. c. 18. eo die quo Cæsar & Cn. Pompeius per civile bellum signis collatis in Thessalia conflixerunt, Patavij C. Cornelium sacerdotem, auguralis scientiæ peritum, subito quasi mota mente exclamasse, *Pugnam acerrimam pugnari;* ac deinde cedere alios, alios urgere, cædem, fugam, tela volantia, instaurationem pugnae, impressionem, gemitus, vulnera, perinde ut si ipse in prælio versaretur, coram videre sese vociferatum esse; ac postea exilijse clamantem, *Vincis Cæsar.* *Ea Cornelij sacerdotis hariolatio,* inquit Gellius, *levis tum quidem visa est & vecors;* magna mox admirationi fuit: quod non modò pugnae

gnæ dies, quæ in Thessalia pugnata est, neque prælij exitus, qui erat prædictus, idem fuit; sed omnes quoque pugnandi reciprocae vices, & ipsa exercituum duorum conflictatio vaticinantis motu, atque verbis repræsentata est. Huius vaticinij sic meminit Lucanus lib. 7.

————— Augur

Venit summa dies, geritur res maxima, dixit:

Impia concurrunt Pompeij & Caesaris arma.

Sic Philostratus narrat Apollonium cum Ephesi esset, exclamasse quasi interfuisset spectaculo, Romæ interfici Domitianum, eo ipso momento, ut postea compertum est, quo reverà trucidabatur. De hac Dæmonum velo-

citæ præclare Tertullianus, *Omnis spiritus ales* Tert. *est, inquit, hoc Angeli & Dæmones. Igitur mo-* Apol. c. *mento ubique sunt. Totus orbis illis locus unus est. quid* 22. *ubique geratur tam facile sciunt quam enunciant: velocitas divinitas creditur, quia substantia ignoratur.*

Accessit quoque Dæmonibus, ut Augustini iterum verbis utar, per tam longum tempus quo eorum vita protenditur, rerum longè maior experientia quam potest hominibus propter brevitatem vitæ præuenire. Inde fit ut ex observatione quarundam externarum actionum, motuum, gestuum alicuius, facile divi-

nare possint, quid ille cogitet, quid moliatur, quid factururus sit. Præterea, vt optimè nouit rerum naturalium facultates, & ad quid valeant hominum voluntatem, mediante appetitu sensitivo, inclinare; novit omnium hominum temperamenta, affectusq; ; novit quid ex his & illis sequi soleat. Vnde contingit vt sæpè ad amissim prædicat, quid, quandoq; homines sint facturi.

Certò quoque potest prædicere ea quæ novit se permittente Deo facturum. Permittit enim nonnunquam Diabolis Deus, vt inficiant, alterent, conturbent aërem, & excitent ventos vehementissimos. Item vt tetra contagione infecto aëre, pestilentiam immittant alicui regioni; vt agitent aquas & tempestatem cieant; vt inficiant terram, fruges, cibos; vt ad iram excitent homines, & eos committant inter se, vnde bella, dissidia, lites exoriuntur. Antequàm verò hæc, quæ ipsi Dæmones ex permissu Dei facturi sunt, eveniant, ea prænunciant Phythonibus & Magis. Hoc modo à Dæmone fuerat edoctus Turca ille Famagustanus, qui congregata in foro populi concione, prædixit se intra horæ spatium moriturum, & confestim se mortuo, luem desituram, quod & evenit.

Denique

*Villa
mont. l. 2
peregr.
cap. 7.*

Denique id sibi etiam sumunt impuri Spiritus eorumq; Ministri, ut multa garriant de quibus nihil habent certi, sed quæ coniecturis duntaxat dubiis augurantur; adeo ut iuxta illud Euripidis.

Μάντις ἀειτός ὅς τις εἰσαΐζει σοφῶς

Benè qui coniecit sit vates optimus.

Ideoque coniectantur παχυμερέτερον, vagè & confusè, *qualis est longinqua oculorum acies, per intervalla media caligantium*, ut ait Gellius. Hinc *Gell. n. Att. l. 14 c. 1.*

Oraculorum ambages; ita enim attemperabantur verba, ut quocunque res caderet viderentur verum dixisse. Ut cum Cræso de belli aduersus Cyrum eventu quærenti, responsum est Κροῖσος Ἀλὴν διαβάς μεγάλην ἀρχὴν καταλύσει
Id est. Cræsus Halim transgressus, magnum regnum dissipabit.

Si enim Cræsus victor evasisset, Hoc volebam dixisset Dæmon, te hostiles copias profligaturum. Sed victus est Cræsus; Id ipsum volebam, ait, Te regno detrusum iri; sed per stuporem, mentem meam non es assecutus. Eius generis est quod respondit Pyrrho Pythia sacerdos.

Αἰὶοτε Αἰακίδα, Romanos vincere posse:

Vbi dubium, an vincere regat accusativum

te, an *Romanos*; atque adeo an *Acacides*, id est *Pyrrhus*, *Romanos* victurus esset, an verò hi illum. Sed *Romani* hanc fallaciam ferro solverunt. Inde *Apollo Loxias* dictus, quia ambiguis responsis consulentes ludificabatur. *Talia* erant *Sibyllæ* illius carmina, de qua *Virgilius*.

Aen. 6.

Horrendas canit ambages, antroq̃ remugit.

Enim verò quod de somniis experimur, hîc quoque verissimum, rarissima vera inveniri. Quia tamen aliquando Dæmonum oracula, non malè coniecerunt, hinc illis fides addita. Verùm, quemadmodum qui assiduè iacit aleam, vel talos figit, is aliquando seniones, aliquando Venerem iacit invenitq̃; sic cùm harioli & oracula centies mentita sint, quid mirum si semel aut iterùm verum dixere? Sanè, si mendacia notarentur, mille forent pro vno verè dicto. Quomodò enim possunt verè dicere, qui exciderunt à veritate? Ideo Scriptura quæ præscientiam solius Dei esse docet, hanc prorsus adimit Creaturis; ridetq̃; augures, ac ostendit vanissimam esse scientiam illam qua Dæmon decipit incautas gentes,

Esa. 44. 25.

Ego sum Dominus, inquit, qui irrita facio signa divinorum, & ariolos in furorem verto, eorumq̃ scientiam

tiam stultam facio.

Ipsi Ethnici qui oculatiores fuerunt, istorum vanitatem arguerunt. Vide Ciceronem lib. 2. de Divinatione, vbi totam istam præscientiam vatum, hariolorum, haruspicum, ex animalium extis, è fulguribus, ostentis, auspiciis, oraculis, sortibus, somniis &c. vanissimam esse docet, & scitè traducit: Ibidemq; laudat illud Catonis, qui *Mirari se aiebat, quod non rideret haruspex, haruspicem cum vidisset. Quota enim quæque res, inquit, prædicta ab his evenit? aut si evenerit, quid afferri potest cur non evenerit?* Hinc Pacuvianum illud de Auguribus.

— *Istis qui linguam avium intelligunt,
Plusq; ex alieno iecore sapiunt quàm ex suo;
Magis audiendum, quàm auscultandum, censeo.*
Nec omittendum illud Ennij,
*Non habeo nauci Marsum augurem,
Non Isiacos coniectores, non interpretes somniũ:
Non enim sunt ij aut scientia, aut arte divini,
Sed superstitiosi vates, impudentesq; harioli,
Aut inertes aut insani, aut quibus egestas im-
perat:
Qui sibi semitam nō sapiunt, alteri monstrant viã:
Quibus divitias pollicentur, ab iis drachmam
ipsi petunt.*

Tacitus de Magis, quos *Mathematicos* vocat, ait, *Id genus esse hominum infidum petentibus, & sperantibus fallax, quod in civitate Romana semper vetatum est & retentum.* Sæpè enim Roma pulsi, & è Republicâ amota illa pestis. Anno urbis DCXIV. C. Corn. Hispallus Prætor, edicto Chaldæos intra decimum diem abire ex vrbe atque Italiâ iussit; *Levibus atque ineptis ingenii*, inquit Valer. l. 1. *fallaci siderum interpretatione, quæstuosam mēdaciis suis caliginem iniicientes.* Anno DCCXXI. M. Agrippa Ædilis τὸς ἀσεβελόγους καὶ τοὺς γόητας ἐκ τῆς πόλεως ἐξήλασεν, *Astrologos & Magos vrbe eiecit.* Auctor Dio sæpè idem S. C. repetitum, & in maleficum id genus hominum, pœnâ capitali animadversum. Noxij faxo Tarpeio deiecti, alijsq; suppliciis mulctati; vt legere est apud Tacitum lib. 2. Qui plura de vanitate & impietate Vatum & coniectorum cupit, adeat Gellium l. 14. c. 1. Sextum Empiricum l. 5. advers. Mathematicos. E recentioribus multi damnandam hanc artem expugnarunt. Hieronymus Savaranola in Opere eximio adversus divinatricem Astrologiam. l. Picus Mirandul. lib. 12. Disput. in Astrol. Alexander de Angelis lib. 5. Sixtinus ab Hemminga in Astrol. refutatâ: Georgius Ragus.

Ragus. eius l. i. de Divinat. Gassendus in Phyc.
lib. 6. sect. 2.

Quaquam autem sapientioribus apud
Ethnicos, oraculorum & totius vaticinationis
strophæ subolerent; fraude tamen Diaboli ma-
gnam authoritatem obtinere per multa secu-
la. Vt enim facilius miseris populis fucum fa-
ceret, hanc viam inijt. Cùm antiquitùs vixe-
rint homines virtute præstantes, Reges, Prin-
cipes & Philosophi, qui multa beneficia in ge-
nus humanum contulerunt; qui populos à vi
& crudelitate tyrannorum vindicarunt; qui-
que varias artes & scientias ad vitam necessa-
rias invenerunt, aut excoluerunt; hos, populi
dum superstites erant coluerunt, vt beneficos
& assertores; post mortem verò, supremum
cultum ceu ipsi Deo adhibuerunt; quos scilicet
vt omnium bonorum largitores & malorum
averruncos suspiciebant, & admirabantur.
Illis statuas, Tempia, aras adornarunt, sacrifi-
cijs alijsq; ritibus litarunt, quò eos sibi faventes
& propicios haberent.

Huic hominum errori, subdolè se ingessit
Satan; vtq; superstitionem promoveret, ad
Heroùm illorum sepulcra, aras, statuas, &
templa, prodigiosa nonnulla edebat; certisq;

in locis, arte & naturâ ad horrorem & superstitionum metum accommodatis, specubus obscuris, antris & terræ hiatibus profundis se insinuabat; sub nomine defunctorum, & in numerum Deorum relatorum, oracula reddebat, quibus homines de rebus futuris edocerentur, & sibi ab imminentibus malis caverent. Itaque eodem tempore quo Deus inter Israëlitas, oracula per sanctos suos Prophetas edebat, Cacodæmon responsa quoque dabat miseris Ethnicis, eosq; præstigijs suis fascinabat; & sub nomine eorum hominum quibus populorum stulta veneratio divinitatem tribuebat, responsa pētentibus dabat, quibus de futuris edocerentur, sibiq; ab eminentibus malis caverent. Iisq; oraculorum prædictionibus vt plurimum respondebat eventus; sin minùs, responsa adeò perplexa atque impedita erant, vt homines se potiùs culpâ suâ, quàm Dæmonum imposturis, delusos crederent.

Edcebantur autem eiusmodi oracula, vel ab ipso Dæmone; vel à Sacerdotibus, & Phæbaidibus spiritu fatidico afflatis: irruebat spiritus ille impurus in Enthusiastas, è specubus furvis, obscuris & profundis, horribili sono & strepitu. Illæ in furorem actæ, cum palpitatione omnium
nium

nium artuum, inversis oculis & ore distorto, effabantur ea quæ illis Dæmon, suggerebat; neque erant mentis corporisq; compotes, dum obsidebantur illo enthusiasmo.

Istis autem oraculis præfuisse impuros & homicidas spiritus, non obscuris indiciis, evinci potest. Non tantum quia sæpè mentiebantur, sed quæ tenebris & ambiguitate involvebant; Item quia non cælitus, sed ex specubus subterraneis edebantur, quod Principi tenebrarum, nihil quàm terrena sapienti convenit: sed præcipuè, quia scelera ut plurimum, & humanas victimas imperabant. Sic cum classis Græcorum Aulide adversis ventis detinebatur, Calchas vates faustam navigationem & omnia prospera pollicebatur; at simul Agamemnonis filiam Iphigeniam immolari iubet. Idem Cal- *Aen. 2.* chas, (ut refert Sinon) qui se ad Deorum suorum nutum ac morem accommodat & fingit, suadebat Græcis, sanguinè humano Diis litare, ut eorum reditum fortunarent,

Sanguine placastis ventos & virgine cæsa:

Sanguine querendi reditus, animaq; lirandum

Argolica.

Tiresias pollicetur Thebanis victoriam; sed ea lege ut Creontis filius mactatus, sit victima

pro patria. Idem Messeniis in longo illo & diuturno bello, quod cum Lacedæmoniis gesserunt, consulentibus de exitu, prædicit victoriam; verum ea conditione, si virginem incorruptam de Æpytidarum familia Deo sacrificarent. Ibi cum Aristodemus, vnus ex præcipuis familiæ Æpytidarum, gratificaturus patriæ, filiam quam habebat vnicam, destinasset aræ; nobilis quidam amore puellæ adactus quò miseram servaret, ex se gravidam esse, & ideo Deo litari non posse, fingit. Quo audito pater, rabido furore inflammatus, è vestigio trucidatam filiam dissecat: paulò post noctu, somniando, dum interemptæ & concisæ filiæ atrox species obversatur animo, per desperationem ad tumultum eius semet-ipsum iugulavit. Androgei etiam cædes, expiari scilicet non poterat, nisi Athenienses quotannis septem adolescentes & totidem puellas, in Cretam, Minotauro devorandas mitterent.

Oracula autem primò edi cæperunt in Chaonia parte Epiri, in Templo Iovis Dodonæi. Postea in Lybiæ arenis, in templo Iouis Hammonis: Hæcquæ duo fuerunt antiquissima & celeberrima, ad quæ ex omnibus orbis partibus confluebant homines, sciscitaturi rerum

rerum eventus futuros. Deinceps cum ex sententia res procederet, & hisce fraudibus se homines addicerent; exhedras propheticas variis in locis Dæmon institui curavit, unde responsa dabat: Vt Delphis per Apollinem Pythium; ac per eundem in Claro, in Delo, Colophone, Ancyrae, Cumis, Erythris: Lebadiæ in Bœotia per Trophonium, quod omnium oraculorum diuturnius fuit, teste Plutarcho *De defectu Oraculorum*: Fuit & in Milesia Branchidarum oraculum: Sabæum in Phocide: Amphiarai in Attica; Latonæ in Aegypto, in vrbe Buthi, quod Sebenniticum oraculum vocabatur. In eadem Aegypto Dii quoque fatidici fuerunt, Iupiter, Apollo, Mars, Minerva, Diana, Hercules. Antiochiæ, Iupiter Philius. In Apamea Syriæ, Iupiter Belus. In Delo sortes certissimæ creditæ dabantur ab Apolline, ad aram quam illic habebat, artificiosè ex diversis mactatorum animalium cornibus concinnatam. Apollo quoque Spodius, in cineribus mactatarum victimarum Thebis sortes dabat; & Patarae vrbe Lyciæ sex continuis anni mensibus, pariter poscentibus sortes reddebat.

Sed de plerisque horum, aliisque, in sequenti-

bus sigillatim dicemus ; vt & de profanis vati-
bus, item de Sibyllis & prophetidibus , qua-
rum celebre fuit nomen inter Gentes. Appo-
nemus singulorum icones, ad eorum exemplar
quos Boissardus doctus Antiquarius, è numif-
matibus, gemmis, statuis, tabulisq; antiquis
æri incidi curavit.

Cæterùm iam ante Christi adventum , re-
frixisse oracula eorumq; exolevisse authorita-
tem, velex ipso Cicerone constat. Is enim lib.
1. & 2. de Divinatione dicit, raras Delphos le-
gationes mitti, non amplius dona à regibus &
populis eò inferri vt olim : *Sed quod caput est,*
inquit, cur isto modo iam oracula Delphis non edun-
tur, non modò nostra ætate, sed iam diu, iam vt nihil
possit esse contemptius? Iuvenalis in eandem senten-
tiam.

— *Delphis oracula cessant,*

Et genus humanum damnat caligo futuri.

Sic Strabo Geograph. lib. 11. διόπερ καὶ τὸ ἐν
Ἀμμωνί σχιδόντι ἐκλέλειπαι χρησθένιον, πρὸς ἑαυ-
τὸν ἐτέλειμντο. *Itaque & oraculum Ammonis penè de-*
sertum est, quod antea honorabatur. Plutarchus
Cheronensis, magni nominis, & quasi ocu-
latus testis, (non enim longè distabant Chero-
neâ, Delphi, Lebadia, & Oropus) id ipsum
accuratè

accuratè scripsit ; affirmatq; silentium illud oraculorum omnibus stupori fuisse , eiusq; causam Doctos omnes perquisivisse. Apud hunc Demetrius, *Nihil*, inquit, *attinet de isto percunctari oraculo, & causam querere*; cum videamus oracula quæ in his sunt locis obsolevisse, atque adeò duobus aut tribus exceptis, omnia defecisse. Id potius indagandum est, quibusnam causis extincta sint. Nam ut alia taceam, Bæotiam, quæ superioribus temporibus ob oraculorum multitudinem vocalis admodum fuit, nunc prorsus destituerunt oracula, tanquam amnes siccati, ingensq; divinationis quasi æstu quodam abolitæ penuria, regionem occupavit. Neque enim alibi hodiè quàm apud Lebadiam, Bæotia vaticinationis responsa desiderantibus præbet : reliqua partim silent oracula, partim vasta prorsus desertaq; iacent. Deinde in eodem illo libro quem *De Defectu Oraculorum* inscripsit, sollicitè huius causas inquiri; aitq;, Alios afferre rerum vicissitudines; Alios, Græciæ accolarum infrequentiam; Alios, nequitiam hominum, qui impietate suâ indigni sunt quos Dij dignentur alloquio; Alios quia mortui erant Dæmones qui vatibus quondam inspirabant oracula; Alios denique, quia terræ halitus, qui Pythias olim in furorem agebant, erant vetustate exhausti : quod facetè ridet

Cicero l. 2. de Divin. Hoc loco, inquit, cum vrgētur, evanuisse aiunt vetustate vim loci eius unde anhelitus terræ fieret, quā Pythia mente incitata oracula ederet. De vino aut salsamento putes loqui, quæ evanescent vetustate. Consuli super eo argumento potest Theodoretus Εὐαγγ. Σεργ. Serm. 10. Eadem testantur Iustinus in Dial. adversus Iudeos. Athanasius de Human. verbi. Augustinus de Civit. Dei. Eusebius l. 7. c. 6. &. Crediderunt plerique ex Ethnicis, eos Spiritus quorum numine afflabantur oracula, non fuisse Deos, sed Dæmonas, quibus post aliquot secula, vitæ finis esset constitutus. Observatu dignum est quod in hanc sententiam narrat Plutarchus in libello illa suprā laudato: Sic apud eum Philippus quidam Historiographus: De morte geniorum narrationem audivi viri nequaquam fatui aut vani Aemiliani Rhethoris, quem & vestrum nonnulli audiverunt. Is aiebat se aliquando in Italiam navigare constituisse, ac conscendisse navem, quæ & mercibus & multis vectoribus esset onusta. Sub vesperam verò cum iuxta Echinadas essent, ventum posuisse, navimq; incerto cursu propè Paxas delatam. Tum subito auditam fuisse vocem, quæ Thamum quendam nominatum ciceret, non sine admiratione omnium. Erat autem Thamus iste Aegyptius gubernator, paucis è vectoribus de nomine

nomine notus. Hunc bis vocatum siluisse : tertio vocanti se dedisse, qui contentâ voce dixit : Vbi ad Polodes veneris, annuncia magnum Panem esse mortuum. Perterritos aiebat *Emilianus* universos, ac inter se disputasse, præstaret ne exequi hoc mandatum, an verò omittere, neque quicquam vanè agere. *Thamum* autem statuisse, si ventus spiraret, tacitum se prætervecturum; sin malacia ad eum locum pervectis existeret, expositurum quod audivisset. Postquam ad *Polodes* perventum fuit, cum neque ventus esset, neque fluctibus mare exagitaretur; *Thamum* è puppi versus terram prospexisse, ac quod inaudiverat dixisse, Ο μέγας Πάν τέθνηκε, Mortuus est magnus Pan. Vix dum conticuisse illum, & gemitum magnum exauditum fuisse, non unius sed multorum, admiratione mixtum. Quod autem fieri solet cum evenit aliquid multis testibus præsentibus; statim rei famam Romæ fuisse delatam; *Thamum*q; à *Tiberio Cæsare* fuisse accersitum; ac *Cæsarem* ita pro certo credidisse, ut de Pane illo diligenter inquisiverit. Doctos autem quos multos ille secum habebat, coniecisse eum esse qui *Mercurio* & *Penelopa* fuisset natus. Habuit autem *Philippus* testes quosdam ex iis qui tum unâ aderant, & *Emilianiani* senis auditores fuerant.

Quod Ethnici de Pane Deo capripede & cornigero intellixerunt, cuius interitum vox

illa testata sit, id non ineptè à nonnullis Christianis ad Christi mortem, qui sub Tiberio passus est, referunt: Is enim verus $\pi\alpha\nu$, omnium author & Dominus. Eius sanè mors vim omnem Demonum superavit, imposturas detexit, & quocunque eius nomen & doctrina illata sunt, inde ceu ad lucem tenebræ, oracula, omnis ipsorum officina, ac schemata evanuerunt; conticuerunt Dæmones vbique, & tanquam ranæ Seriphiaë obmutuerunt; ac desertis nequitiaë suæ latebris, cesserunt non quidem vltro, sed compulsi, omnipotentiaë Christi. Verè enim Athanasius testis $\alpha\upsilon\tau\acute{o}\pi\iota\eta\varsigma$, Olim Dæ-

Athan.
de Hu-
man.
verbi.

monia inani specie ludibriisq; rerum intricabant homines, in seßis alibi fontibus, alibi fluviiis, lapidibus aut lignis, atque ita præstigijs fatuos in furorem agebant: nunc verò cum apparuit Dei verbum spectra huiusmodi & ludibria imaginum cessarunt. Hæc sic prædicta erant à veris Prophetis Zachar. 13. 2. 3. *Eriūq; in illo die, dicit Deus exercituum, Excindam nomina Idolorum è terra, ne vltirà eorum fiat mentio: & pseudo prophetam & immundum spiritum de terra auferam.*

Si post Christum adhuc audita sunt aliqua oraculorum responsa, ea certè adeò fuerunt rara, læsa & manca, vt nullo loco haberi debeant. Mussitarunt duntaxat ad Constanti-

tinum

num Magnum, qui delubra in quibus Satan populos ludificabatur everti iussit; & tripodas Delphicos è latebris extractos, cum opprobrio oculis populorum exposuit, vt narrat Eusebius in eius vita. Conatus quidem est post aliquot annos Iulianus, cognomento Apostata, qui post filios Constantini orbem Romanum curavit, collapsa oracula restaurare: idem aliquot ante obitum mensibus, Apollinis oraculum, super successu belli Persici consuluit; sed nihil inde consecutum est. Ex eo nulla fuit ampliùs oraculorum mentio.

D 3



Iuppiter Dodonæus.



Mi Dodonæi servit tinnitus aheni:
 Vocales quercus, atq; columba loquax.



IUPITER DODONEVS

IVPITER ita dictus, vt nonnullis videtur, quasi Iuvans pater. Verius obliquum casum IOVIS, deductum à IEHOVA Hebræorum. Ζεύς à ζῆν, id est, vivere, tanquam vitæ author; vel ἀπὸ τῆς ζείν, à fervore. Hunc Camum fuisse, minimum natu filiorum Noë, multis probat Clariss. Bochartus in Geogr. Sacra. Ethnici Scriptores, eum aiunt fuisse Regem Creten- sium, Saturni & Opis filium, qui subditos suos innumeris beneficijs iuvit, & inter sui se- culi Reges omnibus virtutibus eminuit; prop- ter quas vita functum, non modò Creten- ses, sed & reliqui populi, divinis honoribus prosecuti sunt. Eum Poëtæ & Oratores, Optimum, Maximum, Altitonantem, Vlti- rem, Feretrium, Olympium, Statorem, E- licium, Agonium, Alexiterium, Datorem, Hospitalem, Victorem, Capitolinum, Latia- lem, Dodonæum, Ammonium, varijsq; alijs nominibus cognominarunt, pro ratione offi- ciorum quibus fungebatur, aut locorum vbi colebatur.

Dodoneum appellarunt à Dodona Chæoniæ vrbe, prope quam mons erat frequentissimis quercubus vestitus, Iovi antiqua religione sacer; & in primis venerabilis, non tantum eo nomine quod in illo luco Dryades, Fauni, Satyriq; habitare credebantur; sed quia illic erant quercus quædam & fagi, vel Sacerdotum fraudibus, vel Dæmonum illusione vocales, quæ consulentibus responsa dabant; summâq; audientium admiratione, & magno pavore, futura prædicebant. Inde factum, ut illæ arbores, maximè quercus, Iovi sacræ fuerint. Sunt qui, quod Dodonææ illæ quercus vocales creditæ sunt, naturali causa fieri potuisse autumant. Narrat hodiernus author, anno 1653. in loco Caumont dicto iuxta Tolosam, fuisse vlmum quandam, quæ quasi humanam vocem referre videbatur; eôq; confluisse magnam hominum frequentiam: Ait se cum & huc rei indagandæ causa venisset, observasse arborem illam concavam esse, & in ea fieri echo vocis eorum qui ad eam accedebant, unde murmura & voces emitti videbantur. Ac sanè vocis ac soni repercussio quæ minùs in arboribus quàm saxis fieri poterit? Voces arboribus & sylvis tribuere solemne est Poëtis.

*Borell.
Observ.
Med.
Phys.*

Avia

IUPITER DODONEVS

33

Planxerunt Dryades, plangentibus assonat Echo. Ouid. l. 3
Met.

Rursus Hylā, & rursus Hylā, p̄r longa reclamat Val.
Avia, resposant sylvæ, & vaga certat imago. F' acc.

Cæterum in luco illo Dodoneo, appensa Argon.
erant catenis in summitate quercuum, ahenea l. 3.
crepitacula & tintinnabula, quæ vel levissimis
ventis agitata, sonitum frequentem diu no-
ctuq; reddebant. Vnde Proverbium, *Aëre*
Dodoneo loquacior. Ibidem duæ servabantur co-
lumbæ quæ interrogatæ, voce humana claris
& distinctis verbis, respondebant superiis de
quibus sciscitabantur superstitiosi. Credide-
rim Dodonidas illas columbas, mulieres fuis-
se, sic dictas, quia I thessali, vt testatur Servius
in Bucolicis, tam vaticinatrices, quàm colum-
bas, vocant πελειάδας.

In Iovis autem Dodonei templi adytis, per
fatidicas mulieres, entusiasmo obsessas, ipse
Iupiter loqui credebatur, & de rebus futuris
responsa dare,

Dicitur templum illud conditum à Deuca-
lione, & ab iis qui cum eo superfuerunt diluvio.
Fuit ibi oraculum antiquissimum omnium &
celeberrimum.

E



*Fuscus Arabs nostras donis solemnibus aras
Rite onerat, dum illi fata futura cano.*



IUPITER HAMMON

FVerunt innumeri Ioves, pro numero loco-
rū in quibus colebatur istud Idolū. Præterea
ut omnes Romanorum Imperatores Cæsares,
ad primi Cæsaris auspiciū; ita Ioves ad Iovis il-
lius Cretensis Saturni & Rheæ filij omen, dicti
sunt ab Antiquis. Hic enim præclara in mor-
tales beneficia, maximè in Athenienses, con-
tulisse dicitur. Nam rudes adhuc populos le-
gibus à se constitutis parère persuasit; certa ma-
trimonia constituit; ferino more viventes ad
cultum Dei erexit; aras, sacerdotes & ceremo-
nias instituit; omnia divinâ Providentiâ regi
demonstravit. Huic itaque Græci quæ de om-
nibus dicta sunt, vni tribuerunt.

Ammonius vel Hammonius, in Lybia spe-
cie arietis colebatur. Huius formæ hanc cau-
sam reddunt. Cùm Bacchus terrarum orbem
perlustraret, tandem venit in Arabiæ deserta,
sterilia & arenosa; per quæ dum iter facit, è
longo itinere & æstu Solis ardentiore, sitim
vehementissimam contraxit; itaque defectu
aquæ iam iam cum sociis periturus, Iovis opem

implorat , qui illi in forma arietis apparuit, terramq; pede percussit, ex qua statim emerfit limpidissimi fontis scaturigo , vnde biberunt omnes ad satietatem, & recreati sunt. Quare vt gratum animum testaretur Bachus , templum illic ædificavit & consecravit Iovi Ammoni, hoc est arenario ; Græci enim ἀμμον arenam vocant. Si scribitur per aspirationem *Hammon*, deduci posset ab Hebræo מנן *Incaluit*, vnde מנן Subdiales statuæ, de quibus Levit. 26. 30. Idola scilicet super tecta apposita, quæ quia Soli exposita, sic appellabantur. Fuit verò Hammoni Iovi erectum eiusmodi מנן *Solarium*, simulacrum Iovis in sublimi positum.

In medio Hammonis nemoris, mirum fontem fuisse perhibent, quem aquam Solis vocabant. Sub lucis ortum tepida manabat, medio die cùm vehementissimus est calor, frigida eadem manabat, inclinato in vesperam calefcebatur, mediâ nocte fervida exæstuabat ; quòq; propriùs nox vergebat ad lucem, multùm ex nocturno calore decrescebat, donec sub ipsum diei ortum, assueto tepore languesceret.

Q. Curt.
l. 4.

Id quod pro Deo colebatur, non eandem effigiem habebat. Umbilico tenus, arietis similis erat habitus: smaragdo & gemmis coagmenta

mentatus. Hunc, cùm responsum petebatur, navigio aurato gestabant Sacerdotes, multis argenteis pateris, ab utroque navigij latere pendentibus. Sequebantur matrones, virginesq; patrio more inconditum quoddam carmen canentes, quo propiciari Iovem credebant, ut certum ederet oraculum.

Loci celebritate motus Alexander, eò iter suscepit, & feliciter superatis, contra omnium opinionem, solitudinibus, quæ aquæ penuria sunt difficillimæ, arenarumq; mobilium quasi fluctibus; tandem ad sacrarium penetravit. Illic à Vatibus obvijs honorificè exceptus est. Cùmq; ad oraculum substitisset, Sacerdos Hammonis vates, adeuntem Alexandrum Græcè salutare cupiens, Παῖ Δῖος, ex inscitia lingue, id est Iovis filii, cùm παῖδιον, id est, filiolum, vocabulo blandientis compellare vellet, salutavit. Inde rex ambitiosus, cælestis originis gloriam captavit, cui error initium dederat; voluitq; omnibus persuasum, filium se Iovis Hammonis esse, qui cum matre Olympia sub specie draconis consuetudinem habuisset. Hinc Arabes Alexandrum *Bicornem* vocant, non tam ob partum Orientis & Occidentis imperium, quàm à cornutâ Alexandri effigie nummis exhibitâ, ut Io-

vis Hammonis filius agnosceretur.

Cæterum Hammonem illum Iovem eundem fuisse cum Chamo Noachi filio , Docti affirmant. Hic enim, vel quia fratrum minimus, vel propter anathema à patre in illius caput contortum , in Aphricæ steriles arenas ablegatus est ; ibiq; cultus sub nomine Iovis Cham, seu Hammonis. Scribitur enim per Cheth Hebræum , quod Latini per suum H, Græci per suam aspirationem , pronunciant.




APOLLO

Apollo Pythius.



*Sive Clarum, aut Delphos habitem, Delūve natantē
Fatidico Ex adytis, me iuvat ore loqui.*



APOLLO PYTHIVS.

*Lib. 3. de
Nat.
Deor.* **A**POLLO fuit filius Iovis Hammonis. Is est PVT vnde Pythius, Cami filius, de quo Geneseos 6. Quanquam autem quatuor fuisse Apollines testetur Cicero, reliqui silentur, omnesq; eorum res gestæ, ad illum vnum Hammonis filium referuntur. Huius ortum sic garriunt Poëtæ. Cùm Latona vtero gestaret gemellos Apollinem & Dianam, quos ex Iove conceperat; Iuno zelotypa more suo, Pythonem horrendæ vastitatis serpentem immisit, qui gravidam prosequeretur & vexaret. Mulier post diutinos errores, tandem navigio delata est in Insulam Ortygiam, ad sororem suam Asteriem, quæ in illa regnabat. Cùmq; ea insula ferè tota mari inundaretur, parturienti tamen Latonæ locum dedit, vnde *Delos* dicta, quæ ἀδελος erat antea. Ibi igitur enixa infantes, prima prodiit ex vtero Diana, quæ se statim obstetricem matri, in partu Apollinis gemelli fratris laboranti, præbuit. Vnde factum est, vt prægnantes in puerperio eius nomen invocarent: eaq; Lucina dicta est, quod lucem
natis

natis infantibus ostenderet.

Apollo natus & adultus, Pythonem matris vexatorem sagittis confecit, vnde Pythium vocatum volunt. Pythici postea ludi in honorem Apollinis, ob devictum serpentem instituti sunt.

*Instituit sacros celebri certamine ludos,
Pythia perdomitæ serpentis nomine dictos.*

*Ouid.
Met.
lib. 1.*

Hi celebrabantur ineunte vere per totam Græciam; & quadrigis exceptis, omnia quæ in Olympicis aderant athletarum certamina.

Victores in his ludis lauro donabantur. Alij volunt *μῆλα τῶν ἱερῶν τῷ Ἀπόλλωνος* præmium fuisse, vt ait Lucianus: Verùm per *μῆλα* intelligi haud absurdè potest Delphica laurus, quæ maximis baccis pomorum instar, atque è viridi rubentibus esset, vt observat Brodæus.

*Luc. lib.
de Gymn.*

Macrobius & Plutarchus in Problemat. fabulam illam occisi ab Apolline Pythonis physicè interpretantur, qui consulendi sunt. Srabo lib. 9. Pythonem sceleratum hominem fuisse, cognomento Draconem autumat. *Ἰνδῶν Peten*, aspidem aut serpentem Hebræis denotat, à quo forsan Python appellatus est.

Fuisse autem primus Medicinæ author Apollo perhibetur, proptereaq; divinitatem

meruisse, vnde Ovidius.

*Metam
l. 1.*

*Inventum Medicina meum est, opifexq; per orbem
Dicor, & herbarum subiecta potentia nobis.*

Fertur idem fuisse Musicæ & carminum inventor, quod ipse sibi apud eundem Poëtam arrogat.

—— *Per me concordant carmina nervis.*

Ideò illi consecrabantur cicadæ, canorum omninò animalis genus. Huic item tribuebatur sagittarum scitè emittendarum peritia. Sed inprimis celeberrimus fuit ob divinandi artem & vaticinia; eoq; nomine maximè omnium Deorum, à cunctis ferè gentibus in honore habebatur. Vnde nonnulli Pythonis Etymologiam ἀπὸ τοῦ πυθάνεσθαι arcessunt, ab interrogando, seu consulendo; quia nemo Deorum fuit quem sæpiùs consulerent, nec qui plura funderet oracula.

At cùm multis in Europæ & Asiæ locis co-
leretur, Delphis inprimis Phocidis vrbe, anti-
qua religione venerandum habuit Templum;
de quo vide *Pausaniam*; *Strabonem lib. 9.*; *Diodo-
rum Siculum lib. 16.*, qui originem quoque Del-
phici oraculi describit. Nullumq; fuit totâ Asiâ
magnificentius aut donariis locupletius. Nam
in eo statuæ plurimę, ex auro solido & argento,
magni

magni ponderis & artificij, à Regibus & Principibus repositæ erant, cum alijs donariis preciosissimis. Pausanias refert, squeueleton ahe-
neum admirandi artificij, appensum tholo
templi fuisse ab Hippocrate. In medio Tem-
pli erectus erat tripus, in quo insidens Pythia,
afflatum Dæmonis erumpentis è profundo
hiatu, excipiebat; quo correpta vaticinabatur;
idq; non semper, sed statis tantum temporibus,
vt Idibus & Calendis mensium, vel Lunæ de-
fectu, aut incremento; vel crepusculis, matu-
rino & vespertino.

Qui sciscitaturi erant oraculum, consecra-
bantur prius solemni ritu, & mactabant victi-
mam, quam postquam totam contremiscere,
& micare cerneret Pythia, insidebat Tripodi
sacro; conceptoq; Deo, Græcis verbis responsa
pronunciabat.

Fuit autem Tripus, vt est in lib. ♀ Iliados,
vas vel aureum vel æreum, quod tribus pedibus
fulciebatur; auresq; siue ansas habebat, quibus
apprehendebatur. Alij dicunt, Tripodas fuisse
mensas in Apollinis Delphici templo, super
quibus recumbentes Phæbades responsa red-
debant; quas etiam mensas, *Cortinas* vocabant:
Quamquam nonnulli *Cortinam*, vas esse illud

putent tribus suffultum pedibus, in quod mergebatur Phæbas vaticinatura. Strabo censet Tripodem significare ipsum divinum domicilium fatidicæ virginis; speluncam scilicet illam profundam, in quam demersa responsa referebat.

Edebantur autem primò oracula per puellam virginem : deinde cùm illarum vna, ab Echerate Thessalo constuprata esset, sancitum est ne in posterum vlla Pythia oraculis præficeretur, nisi ætate iam provecta.

Tradit Origines in Celsum l. 7. Pythiam in tripode sedentem, per obscena excepisse spiritum Apollinis : quo accepto tumebat venter, ipsaq; furore percita, resolutis crinibus & ore spumas emittens, responsa fundebat. Inde *ἐν γαστήρ τοις γυναικῶν*, à Septuaginta Interpretibus, appellatur Pythonyssa illa mulier quam consultavit Saül. Vide & Esai. 8.

Vt Diabolus Dei & hominum adversarius est, *fuitq; homicida ab initio*; ita per oracula hominū perniciem sepè suadebat, ut iam suprà observatum est. Exemplo esto inter innumera, quod Delphis respondit Ionibus, remedium adversus pestilentiam sciscitantibus; Non desituram luem, nisi immolaretur Dianæ Triclaræ Menalippus

nalippus & Cometho puella, quam ille in Dianæ delubro violaverat ; nisiq; annuatim pro Menalippo iuvenis forma insignis, pro Comethone sacrificaretur eidem Deæ, virgo specie & pulcritudine primaria.

Notum est quo pacto Delphicum oraculum Neroni illuserit, cum interroganti de regni sui diuturnitate, respondit, *Caveret annum septuagesimum tertium.* Ille existimans se ad eam ætatem superstitem fore, securus luxui, libidinibus & feritati belluinæ se dedit: neque animadvertit eam ætatem ad Galbam referri debere, qui annos natus 73. Nerone interfecto Imperium occupavit.

Sæpè direptum fuit Templum illud Delphicum. Primò ab exercitu Xerxis : Aliquantò post Philomelus Dux Phocensium bello sacro, templi istius aurum & anathemata rapta, convertit in stipendia militum. Quæ res illi cessit improspere. Nam paulò post acie fusus à Bœotis & sauciatus, sese præcipitem dedit. Idem aggressus Dux Gallorum Brennus, grandinibus & frigore obsidione excussus, ipse se sica transfodit. Id ipsum malè cessisse Achilli Pyrrhi filio narrant. Inde Templo & Oraculo impensior veneratio, ut pote Deo vlciscente sacrile-

gia. Ista tamen Neronem exterrere non potuerunt quò minùs Templum profanaret, coniectis in specum cadaveribus. Dio author est solutum fuisse illud oraculum, hominibus adhiatum iugulatis, vnde sacer prodibat spiritus. Imperante Constantino Magno, Christiani Delphicum templum eiusq; spolia ac instrumenta, Byzantium intulerunt; & ex tripode Delphico conflaverunt scyphos, aliaq; Imperatorij abaci instrumenta. Vnde factum vt deinceps Regum & Imperatorum abacus convivialis, *Delphicus tripus* appellaretur.

Restauravit quidem Templum Iulianus Apostata, sed brevi, eodem regnante, fulmine tactum est, & funditùs eversum.

Fuit etiam Apollini Clario celeberrimum oraculum Colophone, quæ vrbs est Ionix, quò ex tota Asia confluebant homines id de suis rebus consulturi; adeò vt ex illâ vndeque convenientium frequentia, ad amplissimas opes vrbs pervenerit. De hoc oraculo sic Tacitus Ann. 2. *Germanicus appellit Colophona, vt Clary Apollinis oraculo uteretur. Non femina illic vt apud Delphos, sed certis è familiis & ferme Miletu accitus sacerdos, numerum modò consultantium & nomina audit: tum in specum degressus, haustâ fontis*
arcani

arcani aquâ, ignarus plerunque literarum & carmi-
num, edit responsa versibus compositis, super rebus quas
quis mente concepit. Et ferebatur Germanico per am-
bages, ut mos oraculis, maturum exitium cecinisse.

A Tacito dissentit Strabo, illi ætate compar:
Hic enim, ut observat Lipsius, ita loquitur de
hoc oraculo tanquam nullum ampliùs fuerit
ætate sua. Κολοφών, inquit, πόλις Ιωνική, ἣ περὶ
αὐτῆς ἄλλος τῶ Κλαυδίου Ἀπόλλωνος, ἐν ᾧ ἡ μαν-
τεῖον ἦν ποτε παλαιόν. Colophonij autem, ut
hoc obiter observem, in equestribus certami-
nibus adeò præstabant, ut quibuscunque sociis
se adiunxissent, ij sibi certam victoriam polli-
cerentur. Vnde natum proverbium quando
summa manus alicui operi imponenda erat,
Addere Colophonem.

Reddidit præterea sortes Apollo Patarae, vr-
be Lyciæ. Item Mileti.



*Nemo nisi nostris agelastus prodit ab antris
Fatidici qui vim pectoris intus habet.*



TROPHONIVS

TROPHONII originationem deducit Doctiss. Bochartus à Syro תרופה tauropho, quod pro consternatione passim occurrit. Radix est תרפ Teraph, *Turbari*, *Consternari*. Fuit enim huic antrum, quò quisquis descenderet oraculum consulturus, multo tremore attonitus redibat, κατόχος τῆς δειματι, vt testatur Pausanias ipse expertus. Vnde illud Aristophanis in Nubibus.

————— ὥς δέδωκ' ἐγὼ
Εἶσω καταβαίνων, ὥσπερ εἰς Τροφονίαν.

————— *Quàm totus tremens*
Descendo, sicut ad Trophonij specum.

In quem locum Scholiastes; *Qui eò descendit, non ridet amplius, propter terrorem ex serpentibus.* Hinc Proverbium de morosis & tetricis, *In Trophonij antro vaticinatus est.*

Tradunt autem Trophonium virum fuisse supra modum gloriæ famelicum, qui extructo sibi subterraneo fano & domicilio, Lebadiaë Bœotiaë oppido, illic oracula reddebat; deinde cum ibi ille fame interijisset, genium quen-

dam in speluncam illam demigrasse, atque oracula reddere perrexisse.

Picturæ Trophonij affingi solet apum examen, hac occasione. Cum propter pluviarum defectum, magna esset fames & annonæ penuria in Bæotia, consuluerunt Apollinem Delphicum: Hic respondit, *Opus esse Trophonij Lebadiensis consilio.* Eò missi sunt Legati, quibus ignotum erat, ut pote neglectum, Trophonii antrum. Incertis sese offert senex quidam nomine Saon, divinandi peritus, qui monet Bæotos ut apum examen, quod opportunè sese offerebat, ducem sequerentur, & ubi subsideret, illic esse locum quem inquirerent. Illi examen hilares sequuntur, & ubi apes substiterunt, antrum animadverterunt terra & crebris coopertum sentibus; quibus remotis, Genium loci religiosè salutarunt, responsum super quaesitis acceperunt, & ex præscripto oraculi, illic ædem sacram struxerunt.

Oracula reddebantur supra montem, in nemore densis arboribus consito. Consulturis vatem cum magna difficultate per scalas angustas & teretes in antrum miranda altitudine depressum, tetrum & horridum, descendendum erat. Huc se demittebant vel nudi, vel
alba

TROPHONIVS

51

alba veste aut purpura amicti , gestantes placentas, quas lemuribus subterraneis & serpentibus obliicerent , vt descendere & revocare gradum liceret. Sed priusquàm descenderent, variis sacrificiis numen litabant, & per multos dies quotidianis aquæ calidæ lavacris corpus abluebant.

Statua Trophonij, cuius hic species exhibetur, extra Templum erecta erat, in loco eminentiore, vt ab omnibus coli posset; sed clathris & mucronibus ferreis vndequaque septa , ne quis eam contingeret.

Aliud fuit Templum Trophonio dicatum Thebis, vaticinio clarum.

G 2



Branchus Apollinis Didymæi filius et sacerdos.



Turpe Effet nobis artes nescire paternas;
Quas me inspiratus Pythius edocuit.



BRANCHVS

BRANCHVS fuisse dicitur Apollinis filius, quem ex Iance suscepit. Is cum adolevisset, matrem obnixè rogavit ut sibi patrem declararet & ostenderet; cum itaque ad Apollinis amplexum venisset, hic contemplatus filium singularibus animi corporisq; dotibus exornatum, non mediocriter delectatus est huius conspectu. Apollo filij capiti coronam imposuit, virgamq; ei donavit quâ fultus vaticinari cæpit, futura prædicens & poscentibus oracula reddens. Hunc Apollo suis præfecit sacris, & per eum oracula edidit. Postquam Branchus per multos annos sacerdocio functus esset in templo Apollini Didymæo prope Miletum sacro, extrema senectute decedens è vita, ad superos relatus est, communi Milesiorum decreto; communibusq; ceremoniis, honoribus & templo, cultus est cum Apolline. Vnde & ipse Deus *Branchides* appellatus est, Templum *Branchidarum*, & Sacerdotes *Branchida*. Idem nomen inditum est ipsis populis, apud quos hæc oracula edebantur. Templum

autem Branchidarum, sumptu & opibus non
cessit Delphico. Hoc oraculum à Iamblico
descriptum est libro de Mysteriis Aegyptio-
rum.




SEPARIS

Serapis sive Dis Pater.



*Lux æterna mihi est: Græcis sum Pluto Serapī
Aegyptus: Ditem Gallia prisca Vocat.*



SERAPIS

Hist.
Eccl. l. 2.
c. 23.

SERAPIS Latinis, Græcis *Sarapis*, qui & Apis & Osiris dictus, Idolum fuit magna in veneratione apud insanum Aegypti populum: Θεὸν ἐπὶ ἀγρῶν nuncupatum fuisse ex veteri constat epigrammate. Hunc Iosephum fuisse colligere est ex eo quod modius capiti superimponeretur, ut est apud Ruffinum. Cum autem variae causae afferantur, maximè placet quam is subiungit, frugum largitatem eo indicari, & sic fictum simulacrum ob divisionem frumenti quo famis tempore subvenit Aegyptiis.

De huius idoli origine, in varia fuerunt opinionum diversitate Veteres. Alij Iovem esse putabant, cuius capiti modius super impositus, quia vitam mortalium frugum largitate sustentat. Alij Nili fluminis virtutem repræsentari affirmabant, cuius opibus & fœcunditate, Aegyptus pascatur. Alij denique, ex veteribus Græcorum historiis constare aiunt, Serapidem regem fuisse Aegypti, qui rudes adhuc homines ad mitiorem vitæ cultum traduxit, colendarum

darum vinearum & agrorum rationem docuit, famis tempore alimenta subditis præbuit, multisq; vtilibus inventis populos beavit. Ideoq; eum dum viveret summo honore exceptum fuisse, & occisum à Typhone fratre, in numerum Deorum relatum. Typhonem verò, ceu parricidam omnibus contumeliis insectabantur Aegyptij, & quia is fulvo crine erat, omnes rufi apud eos ludibrio erant.

Macrobius vult Serapin Solem esse; ideò *Lib. 1. Satur. 6. 20.* radiis quasi solaribus circumfusus caput huius idoli repræsentabatur. Et fortè Serapis ab Hebræo צִרְכַּ Saraph, quod est adurere, (vnde Seraphini Angeli) deduci posset.

Colebatur autem Serapis sub forma bovis, quòd istud animal sit omnium ferè utilissimum. Bovem illum, quem Apin vocabant, Sacerdotes indictis feriis & solemni festo, adorandum populo proponebant. *Erat verò Apis Am. bos corniculantis Lunæ specie latere dextro insignis, Marc. l. 24.* vt ait Amm. Marcellinus; & iuxta Strabonem *Strabo l. 17.*

Albus erat frontem, & parvas quasdam corporis l. 17. partes, cætera niger; eumq; non coitu pecoris, sed cœlesti igne, seu radiis lunaribus conceptum nugabantur. Illi certum vitæ terminum excedere non licebat, quo peracto antistites

cum in sacrum fontem, id est Nilum, demergebant & necabant; indictoq; iusticio per totam Aegyptum, veste scissa, capillo derafo vitâ functum cum planctu lugebant. Alio tandem invento bove, qui eiusdem coloris esset, publica lætitia promulgabatur, & sacrificia conviviaq; à populo cum hymnis & tripudiis passim celebrabantur. His ceremoniis animam Osiridis sub imagine viventis bovis colebant.

Ab hoc Api seu bove, vituli aurei idololatricum cultum traxisse Israëlitas, sentiunt Veteres Patres; vt & Ieroboamum, qui aram Vitulo in Dan sacravit, non longè à Iordanis fonte; quo illâ Bovis imagine, sibi populum retineret, firmaretq; Aegyptiacæ superstitionis memoriam.

Qui omnes de Apide nugas cupit, adeat *Herodotum in Thalia, & Euterpe. Strabonem lib. 17. Plinium Hist. Nat. 8. cap. 46. Solinum cap. 35. Melam. 1. c. 9. Ammiani Iulianum. Suidam. Spartiani Adrianum. Diodorum Biblioth. 1. Luciani Ceron. De statua verò illa Memnonis quæ in Templo Serapidis radiis Solis icta vocalem sonitum edebat, vide Plinium l. 36. cap. 7. Pausaniam in Atticis. Strabonem lib. 6. Tacitum Ann. l. 2. Philostratum in Apollonio, qui eam statuam ait*
se

se vidisse in Aethiopia, cum tamen certum sit in Aegypto fuisse, iuxta illud Satyrici.

*Quis nescit, Volusi Bithynice, qualia demens
Aegyptus portenta colat? &c.*

Dimidio magica resonat ubi Memnone chorda.

Sumptuosissimum autem illi fuit templum Memphi: aliud item celeberrimum Alexandria, de quo Ammianus cum eius memoranda recenset, *His, inquit, accedunt altis sublata fastigiis templa; inter quae eminet Serapium, quod licet minuatur exilitate verborum, atriis tamen columnariis amplissimis & spirantibus signorum figmentis, & reliqua operum multitudine ita est exornatum, ut post Capitolium, quo venerabilis Roma se in aeternum attollit, nihil orbis terrarum ambitiosius cernat.* Ad horum exemplum illi quoque fana dedicarunt reliqui populi, Athenienses, Spartani, Bæothii, alijq;. Cultus præcipuè fuit Romanis, à quibus Serapis vnà cum Iside vxore in numerum Deorum relatus est. Illiq; fuit templum Romæ *Serapium* dictum, de quo Strabo; ibiq; extrema cum lascivia cantabant & tripudiant viri & mulieres.

Hoc idolum superstitiosè in primis colebat ^{Tac.} ^{hist. l. 4.} ^{Suet.} Vespasianus, ut legere est apud Tacitum & Suetonium. Contra cum illi fidem non ha- ^{Vest. c. 7}

buiſſet Cambyſes Aſſyriorum Rex, Apinq; enſe in fœmore percuiſſet, vt ſi flueret ſanguis deprehenderetur non eſſe Deus, ſacrilegij pœnas dediſſe fertur, & rabioſus obiſſe. De futuris ab eo petebantur oracula, & reſponſa dabat. Nonnunquam ex ſolo illo Bove ſacro captabantur omina. Si pabulum oblatum à ſciſcitantibus placidè & voluntariè excepſſet, eventus proſperos præſagire credebatur; ſi verò averſaretur & abnueret ſumere, ſiniſtrum erat omen: quod expertum eſſe Germanicum refert Plinius, è cuius manu oblatum pabulum noluit ſumere; id enim illi brevi futuram cædem, quæ & evenit, præſignificaffe ait.

Plin. l. 8
p. 46.

Ab hoc oraculo deluſus eſt Hannibal, cui de fatiſ ſuis interroganti reſpondit.

Λιβύα α κρύφει βῶλος Ἀννιβὰ δέμας

Libyſſa reget gleba Hannibal iſ corpus.

Quod Hannibal ſic interpretatus eſt, quaſi ipſius corpus in Lybia, id eſt in Aphrica componi deberet, & moriturus eſſet in patria ſua, à qua extorris erat. At Oraculum innuebat Libyſſam fluvium Bythinix, in quo paulò poſt Hannibal venenum hauſit, ne in manus Romanorum veniret.

Ficti iſtius Dei Idolum tanta veneratione,
tantoq;

tantoq; metu colebatur, vt vulgò crederetur, si quis id præter Antistites contigisset, subito terram in voragines horrendas apertum iri, quibus profanus ille sacrorum violator absorberetur. Eaq; licet vanissima opinio, multos Christianos pavore perculerat. Cùm enim Theodosius edictum promulgasset de Idolo Serapidis diruendo, milites Christiani quibus lege agere mandatum erat, coram eo meticulosi stabant, nec attingere audebant; cùm demum vnus arrepta securi insurgens omni nisu, statuam Dei veteratoris frustulatim conscidit, & conscissam igni dedit, nullo suo periculo. Invaluerat præterea opinio apud Aegyptios, inundationem Nili, ex qua fœcundatur tota regio, Serapidis providentia procurari. Verùm post everfionem Templi & eius simulacri, tanta secuta est Nili exundatio, tantaq; terræ vberitas, vt anteaetis seculis nulla vnquam maior visa esset.

Non minore autem superstitione colebatur Isis, Osiridis vxor; vt quæ corporibus morbos immittere crederetur, de qua Iuvenalis Saty-
ra 13. l. 5.

*Decernat quodcunque volet de corpore nostro
Isis, & irato feriat mea lumina sistro.*

H 3

Ruff.

Hist.

Ecccl. l. 2.

c. 23.

Sacra etiam Isiaca, in vtriusque coniugis honorem excogitata sunt. Quia verò horum sacrorum mysteria resecta esse decebat, & plebi incognita; ea silentio tegebantur. Ideo Silentij statua quæ *Sigalion* dicebatur, in altaris principio erigebatur: ob eamq; causam Sphyn gum simulacra ad altaris angulos addebantur, quæ arcanam rerum sacrarum cognitionem denotabant.

Isidi item conditum erat Templum Romæ in campo Martio, de quo Iuvenalis Sat. 6.

*A Neroë portabit aquas, ut spargat in aedem
Isidis, antiquo quæ proxima surgit ovili.*

Eam cum marito solebant ansere colere & popano, id est placenta tenui, lata & rotunda, teste Herodoto lib. 2. Eratq; in eo templo argentea serpens cui superstitiosi fundebant preces; si propicium numen esset, id motu capitis serpens illa indicabat: ita enim Iuvenalis ibidem.

Ille petit veniam &c.

*Et movisse caput visa est argentea serpens
Illius lacrymis; meditataq; murmura præstant,
Ut veniam culpæ non abnuat, ansere magno
Scilicet, & tenui popano corruptus Osiris.*

Anubis quoque Osiridis & Isidis filius, in maxima

xima veneratione erat superstitiosis illis bestiis. Hunc canino capite effingebant, & sub ea specie colebant, quod in insigni canem gessit: de hoc sic idem Iuvenalis Sat. 6.

*Ergo hic præcipuum summumq; meretur honorẽ
Qui grege linigero circumdatus, & grege calvo
Plangentis populi currit derisor Anubis.*

Derisorem vocat, quia nebulo ille sciebat talibus sacris populum ludibrio haberi; & *calvum gregem*, quia huius, vt & Osiridis sacra celebraturi, capillum funditus deradebant.

Canem coluerunt Aegyptij, iuxta illud Poëtæ.

Oppida tota canem venerantur, nemo Dianam;
Idq; ideò quia canis, Osiridis à fratre trucidati cadaver indagavit; quâ de causâ in sacris Osiridis & Anubis, canes præcedebant. Sanè in tanto apud eos cultu erant, vt tota domus in qua canis extinguebatur, toto corpore raderetur, quod maximum apud Aegyptios luctus indicium. *Lactantius de fals. sap. lib. 5. cap. 20.*

Proteus Oceani et Tethijos filius.



Audiit ambiguis Aegyptus Protea Verbis
Narrantem summi mystica sensa Iovis.



P R O T E V S

PROTEI fabula nota est ex Homero *Odyss* 4. & Virgilio *Georg.* 4. Narrant fuisse Neptuni & Phœnicæ nymphæ filium, eundemq; Neptuni pastorem. Morabatur sub ingenti specu. Ibi ei mos erat sub meridiem gregem suum Phocarum numerare, atque deinde somno se tradere. Is vates præstantissimus & veluti termæximus habitus est, qui non futura solummodò, sed & præterita ac præsentia noscet; de eo enim sic Virgilius.

Georg. 4.

Caruleus Proteus &c.

—— *Hunc & Nymphæ veneramur, & ipse
Grandævus Nereus; novit namq; omnia Vates,
Quæ sint, quæ fuerint, quæ mox ventura trahantur.
Quippe ira Neptuno visum est.*

Hunc tradunt responsa dedisse poscentibus non minùs certa quàm Apollinem, idq; non solum postquam defunctus ad Deos translatus est, sed dum in vita superstes erat. Qui autem operæ eius uti volebat, is non alio modo apud eum valere poterat, nisi manicis comprehensum vinclis constringeret. Ille contrà, ut

se liberaret, in omnes formas, atque rerum miracula se vertere solebat; vt nunc animal, quandoq; ignis, aut aqua, aut quid aliud videretur. Virgilius.

*Hunc vbi correptum manibus, vinclisq; tenebis:
Tum variae illudent species, atque ora ferarum.
Fiet enim subito sus horridus, atraq; tigris,
Squamosusq; draco, & fulua ceruice leona:
Aut acrem flammæ sonitum dabit, atq; ita vinclis
Excidet; aut in aquas tenues dilapsus abibit.
Sed quando ille magis formas se vertet in omnes,
Tanto, nate magis contende tenacia vincla.*

Inde natum adagium Πρωτεύς ποικιλώτερος,
Proteo mutabilior, aduersus vafros & versipelles.
Huius figmenti varij varias afferunt causas.
Diodorus Siculus lib. 2. Herodotum secutus,
ad Aegyptiorum Regum morem id refert, quibus familiare fuit, draconis, leonis, tauri, pardi vel alicuius feræ partem priorem capite gestare, vt populis terribiles viderentur: aliquando ignem, vel aromata, aliaq; quæ ad decorem facerent, aut superstitionem aspicientibus iniicerent. Aiunt verò Proteum Iliaci belli tempore, quum Aegyptus rege careret, in regem assumptum esse, quem Cetea appellarunt; laudatumq; fuisse vt Principem iuris humani diviniq;

diviniq; cultorem insignem; religionis, iusticiæ, recti æquiq; observantissimum.

Lucianus, Protea illum se commutantem in diversas rerum facies, non alium intelligit quàm saltatorem eximium, aut pantomimum, ad effingendum quicquid omninò collibuisse, velut Empusa, docilem. Alij virum sapientissimum fuisse autumant, qui scripserit de Plantis, de Lapidibus, de Elementorum mutatione mutua, & quo modo illa sint principia omnium nascentium, quæ modò arbores fiunt, modò herbæ, vel animalia.

*Luci.
Comm.
de Saltat.*

Alij sensum fabulæ ad abdita Naturæ, & conditiones materiæ referunt. Sub PROTEI enim persona, inquiunt, Materia significatur omnium rerum post Deum antiquissima. Materia autem sub Cœli concavo, tanquam sub specu habitat. NEPTVNI verò mancipium est, quia omnis Materiæ operatio & dispensatio in liquidis præcipuè exercetur. Pecus, sive Grex PROTEI, non aliud videtur esse quàm species ordinaria Animalium, Plantarum, Metallorum, in quibus Materia videtur se diffundere, & quasi consumere; adeò vt postquàm istas species effinxerit, & absolverit, tanquam penso completo, dormire & quiescere videat.

*Baco de
Sap. Vat*

tur, nec alias amplius species moliri, aut parare. Atque hæc est *Protei* pecoris numeratio, & subinde somnus. Hoc autem sub meridiem non auroram & vespere fieri dicitur, id est, cum tempus iam venerit, quod speciebus ex materia debite præparata, & prædisposita perficiendis, & excludendis maturum sit, & quasi legitimum & inter rudimenta earum, & declinationes medium; quod nos satis scimus ex Historia sacra sub tempus ipsum creationis fuisse. Tum enim per virtutem illam verbi divini, *Producat*, Materia ad imperium Creatoris, non per ambages suas, sed subito confluit & opus suum in actum perduxit, ac species constituit. Atque huc usque fabula narrationem suam de *Proteo* libero, & soluto cum pecore suo, complet. Nam universitas rerum cum structuris, & fabricis specierum ordinariis, est Materię non constrictę, aut devinctę, & gregis materiatorum facies. Nihilominus si quis peritus Naturę minister, vim adhibeat materię, & materiam vexet, tanquam hoc ipsi destinato & proposito, ut illam in nihilum redigat: illa contra in tali necessitate posita in miras rerum transformationes & effigies se volvit & vertit: adeo ut tandem in orbem se mutet

tet, & periodum impleat, & quasi se restituat,
 si vis continetur. Eius autem constrictionis,
 seu alligationis ratio magis facilis erit, si materia
 per manicas comprehendatur, id est, per ex-
 tremities. Quod autem additur in fabula,
Proteum Vatem fuisse, & trium temporum
 gnarum; id cum materiae natura optimè con-
 sentit. Necesse est enim vt qui materiae pas-
 siones, & processus noverit, rerum summam,
 & earum quæ factæ sunt, & quæ fiunt, & quæ
 insuper futuræ sunt, comprehendat, licet ad
 partes & singularia cognitio non extendatur.

Palisci Iovis et Thaliae filij.



Pingue sacrificium Siculis celebrate Paliscis,
Trinacriam sterilem ut fertilitate beent.



PALICI

THaliam Vulcani filiam, præstantis formæ
 Nympham à Iove adamatam fabulantur:
 à quo & compressa est. Hæc ubi se vterum
 gestare agnovit, metuens Iunonis adversus
 pellices crudelitatem, cum gemitu & lacrymis
 assiduò mortem exoptabat; imò conceptis ver-
 bis ut terra sibi dehisceret, oravit. Factum est,
 eam terra in sua viscera recepit & abscondit,
 tantisper donec expleto partus tempore, ge-
 mellos pareret, qui reclusa terra emerferunt,
 appellatiq; sunt *Palici*, ἀπὸ τοῦ πάλιν ἐκείσθαι, quòd
 in terram priùs merfi, denuò inde reversi sint,
 ut ait Macrobius *Saturn. l. 5*. Sed has esse gerras
 Siculas, probat Doctiss. Bochartus *Geogr. l. 1. c. 18*.
 ideo à poetis confictas, ut è Græcâ linguâ Pa-
 licorum nomen peterent; quod ille affirmat esse
 planè Punicum. פלחים *Palichin* enim vel *Pelichin*,
 פלח pelach, quod colere & venerari Syris signi-
 ficat, deducit; ut *Palichim* quasi colendos sonet:
 quo eos epitheto Aeschylus insignivit, σεμνὺς
 Παλίκους, *Venerabiles Palicos* vocans. Narrant
 enim adultos iuvenes, sui ævi homines omni

virtutum genere longè superasse, & populares suos innumeris adiuvisse beneficiis: Ideoq; defunctos, prima veneratione cultos esse in Sicilia vbi nati dicebantur. Eos enim in cœlum receptos vita æterna frui, supremæ Divinitati assidere, & communicata à Deo potestate, genus hominum conservare, seq; invocantibus adesse in rebus adversis, affirmabant. Palicos, inquam, vt Deos Penates & ἑσπέρους, quorum se numinibus protegi putabant, venerati sunt Siculi. Templum illis erexerunt, Sacerdotes instituerunt, qui eorum laudes quotidie decantarent, iisq; sacra facerent. Cum fatidicos crederent, eorum oracula studiosè requirebant. Iuramenta de rebus magni momenti circa duos lacus è quibus emeruisse dicebantur, exigi solebant; vbi præsens & efficax numen ostendi credebatur. Nam si quis falsò deieret, eum eodem in loco acerbissimis cruciamentis, spectantibus omnibus, torqueri proditum est. Silius lib. 14.

*Et qui præsentem domitant periura Palici
Pectora supplicio.*

Palicorum venerationem auxit insuper, quod cum in sterilitate, Siculi Heroi cuidam sacra fecissent, ita iubente Palicorum oraculo,
redii

rediit agrorum fertilitas, vt refert Macrobius. His tantum sibi authoritatis conciliarunt vt non modò Siculi, sed circumvicinæ regiones Palicos prima religione coluerint, ceu Deos Alexicacos. Eorum fanum multis ditavit donariis stulta veterum superstitio. Atque illud describit Diodorus lib. ii. tanquam magnificè extructum porticibus & aliis diversoriis splendè ornatum. Servosq; addit à Dominis eò confugientes, habuisse asylum inviolabile. Vrbs quoq; *Palice* horum nomine est ædificata. Circa eorum aram choreas agitabant puellæ coronatæ floribus, sparsisq; capillis; tibicines melos concinebant, circumfusâ populi coronâ & applaudente.

Mercurius Trismegistus



Quòd Iove sis genitus magno, vis enthea mentis
 Divinae, et coeli cognitio alta probat.



MERCVRIVS TRISMEGISTVS

TRadunt Mercurium Trismegistum patrē habuisse Philonem, qui ex Proserpina filia, quam in balneo compresserat, generavit hunc filium; cū verò eum exponere cogitaret propter incesti dedecus, vatem quendam consultuisse, qui respondit puerum ex filia natum, fore maximum & doctissimum rerum divinarum interpretem, eiusq; nomen inter homines celeberrimum. Philo tali accepto responso, mutavit sententiam, puerumq; summā curā educari & liberalibus omnibus disciplinis institui curavit; adeò vt propter doctrinam & ingenii acumen, omnibus admiratione brevi moverit. Ideo Sol dictus est, quod quasi esset lumen mundi, ob præstantem rerum omnium scientiam. *Theut* ab Aegyptiis vocatus est. *Trismegistus* autem Græcis, id est, *Ter Maximus*; vel quia Trinitatis mysterium primus inter Ethnicos agnovit, vt vult Suidas; vel quia & Philosophus maximus, & Sacerdos maximus, & Rex maximus exstitit. Mos enim erat Aegyptiis, vt Plato scribit, ex Philosophorum

76 MERCVRIVS TRISMEGISTVS

numero Sacerdotes, ex Sacerdotum cœtu Reges eligere. Ille igitur, quemadmodum acumine atque doctrina Philosophis omnibus antecesserat, sic Sacerdos inde constitutus, sanctimonia vitæ divinorumq; cultu, vniuersis Sacerdotibus præstitit; ac demum adeptus regiam dignitatem, administratione legum, rebusq; gestis, superiorum regum gloriam obscuravit. Inde *ter Maximum* dictum putant. Nomen eius proprium ob reverentiam quandam pronunciare vulgò ac temerè non licebat. Primus tamen anni mensis apud Aegyptios, nomine eius cognominatur. Is si Iamblico fides, scripsit librorum plùs triginta sex millia: quadraginta duos tantum numerat Clemens Alexandrinus, qui horum catalogum accuratè instituit *lib. 6. Stromatum*. Ex his Theologiam suam, & quicquid habet de Creatione mundi, se hausisse fatetur Sanchoniathon. In illis quædam habentur scriptis Mosis valdè consona. Non, vt statuunt nonnulli, quod Moses ea à Trismegisto, quem putant Pharaonis tempta præcessisse, mutuatus sit; fuit enim Moses *θεοδιδάκτος*; sed ea didicit Hermes à Chaldæis, Iudæis, & Aegyptiis, qui hanc doctrinam à primis Patribus, quasi per manus acceptam, & diu

diu in sua puritate servatam, retinuerunt; quæ paulatim Dæmonum astu & hominum negligentia, obscurata est & extincta. Multa itaque scripta reliquit Trismegistus, *De cognitione rerum divinarum*; *De vno Deo*; *De omnium rerum per Filium creatione*; *De Providentiâ*, & aliis. Cæterum quin nonnulla à Christianis ficta, & Hermeti falsò adscripta sint, non est dubium. Qui enim Pimandri nomine liber inscribitur, prorsus supposititius est & adulterinus: nam de Christo multa adeò clara prædicat, ut non ab Ethnico homine, Mose, ut creditur, antiquiore, sed à Christiano aliquo concinnatum esse, tota libri textura demonstret. Hermes autem diu præfuit Aegyptiis, iisq; leges ac literas tradidit; literarum verò characteres in animalium, arborumq; foliis instituit. In eius honorem ædificarunt Aegyptij Hermopolim, id est, Mercurij urbem; *Hermes* enim apud Græcos est *Mercurius*. Post obitum, pro Deo creditus est & divinis honoribus cultus, non modò in Aegypto, sed per totum terrarum orbem, templis illi arisq; & sacrificiis dicatis. Inter cæteras eius statuas, vna fuit lapidea in Achaia Pharis, quæ oracula reddebat. Ad eam sub vesperam thus incendebatur in ara, lucer-

78 MERCVRIVS TRISMEGISTVS
næ replebantur oleo, & ad dexteram simulacri
manum, reponebatur nummus aheneus, pre-
cesq; auribus Idoli obmurmurabantur : Qui-
bus ritè peractis, sciscitantes discedebant è
Templo, obturatis auribus; egressiq; foras,
quam primò vocem, apertis auribus excipie-
bant, responsi loco interpretabantur, tanquam
à Mercurio emissam.

TELEMVS



Telemus Euryimi filius



Inspirante Deo Fatorum arcana recludo,
Lymphatum quoties enthea flamma subit



TELEMVS

T*Elemus* Neptuni & Erumæ Nymphæ filius, vnus fuit è Cyclopibus, qui ita dicti sunt à rotundo orbiculatoq; oculo, quem vnum habebant, eumq; in fronte positum, ἀκύκλος orbis, & ὠψ oculus. Telemum, ab alijs fratribus, pietatis studio & animi moderatione, longè diversum fuisse tradunt; tantumq; abesse vt cum fratribus in Superos conspiraverit, qui ideò fulmine icti sunt, vt contrà religionis & cultus Deorum, observantissimus fuerit. Ideò virtutibus suis, Cœlitibus, Apollini inprimis charissimus fuit, qui illi divinandi scientiam tribuit; vt eius consilio vterentur homines tanquam Dei consilio, Inter alias prædictiones, fertur Polyphemo fratri prænunciassse, venturum Vlysssem qui illum lumine privaret, ob contemptum Deorum & tyrannidem. Ovidius Metam. l. 12.

*Telemus interea Siculum delatus in aquor,
Terribilem Polyphemum adit, lumenq; quod vñ
Fronte geris mediâ, rapiet tibi, dixit Vlysses.*

IAPYX

Iapyx Iasij filius.



Venturos casus praestire et dicere causas,
Auguria et lauros noscere Apollo. dedit.



IAPYX

Iapygem Dædali, vel ut alij volunt, Iasii filium, scientiâ vaticinandi illustrem celebrant Poëtæ. Hunc Apollini dilectum fuisse, & artibus variis ab eo donatum, Medicina, Musica & Augurio, his canit Virgilius *Aeneid.* 12.

Iamq̃ aderat Phæbo ante alios dilectus Iap̃yx

Iasides, acri quondam cui captus amore

Ipse suas artes, sua munera lætus Apollo

Auguriũ cytharamq̃ dabat, celeresq̃ sagittas.

Medicinæ etiam se inprimis addixit, ut levaret parentem iam senem & infirmum, ut ibidem Maro.

Ille ut depositi proferret fata parentis,

Scire potestates herbarum, vsumq̃ medendi

Maluit, & mutas agitare inglorius artes.


Hinc, ut observat Servius, Iap̃yx aptum nomen medico, nam *ιατρεα* Græci dicunt curare. Ab hoc Iapyge, Iapygia dicta est pars Apuliæ, à quâ & Iap̃yx ventus est nominatus, qui de Apulia flans, optimè ad Orientem ducit. Vide *Servium in Aen.* 8. Ideo utilis Athenas petentibus ex Italia. *Horat.* l. 1. Ode 3.

TIRESIAS

Tyresias Thebanus.



Iuno abcaecavit sed mî pro lumine adempto
Iuppiter omnipotens scire futura dedit.



TIRESIAS

Vulgò nota est ridicula Tiresiæ fabula; quia tamen is nomen obtinet inter vates Ethnicos, suus illi hîc debetur locus. Thebis Bœotiis natus dicitur, & inter suos primarius. Cùm fortê in Citherone monte Bœotiæ vagaretur meditabundus, incurrit in duos angues simul cœuntes: quo spectaculo offensus, scipione quem tunc manu gerebat, fœminam percussit & interemit. Dîj quibus illi serpentes sacrierant, Tiresiam in fœminam commutaverunt. Tum sexu alio adscito, verecundiâ suffusus, Thebas revertitur, & inter mulieres per septennium versatur. Verùm cùm in Citheronem iterùm ascenderet, ex serpentibus quos priùs viderat, marem offendit, quem baculo illisum interfecit; subitòq; sensit se masculum sexum recuperasse. Contigit aliquandiu postea, ut Iupiter nectare diffusus, per pocula, ut fit, cû Iunone iocos agitans, assereret in coitu maiorem esse mulierum, quàm quæ contingit maribus voluptatem. Illa negabat, cùmq; uterque contenderet suam sententiam veram esse, optimum

TIR ES IAS

85

optimum factu iudicatum est, vt iocosa liti
 dirimenda, ascisceretur arbiter. Placuit Tire-
 siam accersiri, qui vt sexum vtrumque expertus
 erat, optimè omnium pronunciare posset. Is ad
 consilium Deorum admissus, & sententiam ro-
 gatus, dicta Iovis firmavit. Hoc iustò graviùs,
 nec pro materiâ, doluisse fertur Iuno, & iudi-
 cem excæcatum æterna damnasse nocte. Iupi-
 ter cùm non posset factum vxoris infectum
 reddere.

—— *Neque enim licet irrita cuiquam*

Facta Dei fecisse Deo

pro visu adempto, divinationis scientiam Ti-
 resia largitus est,

Scire futura dedit, pœnamq; levavit honore.

Ovid.

Ille per Aonias fama celeberrimus vrbes,

Irreprehensa dabat populo responsa petenti.

Huius celebratur vaticinium de Narcisso,
 cùm ad eius parentes de fato filij consulentes,
 respondit, *Tandiu superstitem fore puerum, quandiu*
à sui conspectu abstineret. Quod de Apollonio
 Tyaneo alijsq; infrà dicetur, id ipsum de Tiresia
 traditum, intellexisse scilicet avium, omniumq;
 aliorum animalium sermonem. Fuit verò Py-
 romantis vel Capnomantis, id est ex eorum
 Magorum genere qui observabant sacrificij

ignem & fumum, item rogi; & ex eo divina-
bant. Sic enim Papinius de Tiresia in *Thebaid.*
lib. 10.

*Ille coronatos iam dudum amplectitur ignes,
Fatidicum sorbens vultu flagrante vaporem.*

Capnomantiâ vfos Iudæos, & considerasse
an fumus qui ex victimarum sacrificio ascen-
debat, rectus ascenderet an in obliquum ver-
geret, docet Theophylactus in *Ose. capite 4.*
Tiresiam vt insignem Necromantem descri-
bunt Seneca Tragicus, & Statius. Ille in *Oedi-
po*, canit in nemore obscuro densitate arbo-
rum, Tiresiam Laii manes magicis artibus eli-
cere tentasse.

————— *Funesto, inquit, integrit
Vates amictu corpus, frontem quatit.
Lugubris imos palla perfundit pedes &c.
Vocat inde manes, teq; qui manes regis,
Et obsidentem claustra lethalis lacus.
Carmenq; magicum volvit, & rabido minax
Decantat ore, quicquid aut placat leues
Aut cogit umbras.*

Statius hoc ipsum Tiresiæ elicium describit
copiosissimè, aitq; eum solitum huic præcipuè
divinationi relictis aliis vacasse. Carmine hoc
magico invocatur Infernum seu Tartarum.

Tartarea

*Tartaræ sedes & formidabile regnum ,
Mortis inexpleta , tuque ô sævisime fratrum ,
Cui servire dati manes , æternaq; fontum
Supplicia , atque imifamulantur regia mundi.
Solvite pulsanti loca muta & inane , severæ
Persephones &c.*

Cùm verò exire cessarent Manes , nec mo-
ram ferret Tiresias, hisce indignationem testa-
tur.

*Atque hic Tiresias , nondum adventantibus
vmbis ,*

*Testor, ait, Divos quibus hunc sacravimus ignem,
Iam nequeo tolerare moram. Cassusnè Sacerdos
Audior; an rabido iubeat si Thessala cantu
Ibitis? &c. Nostri cura minor? &c.*

*Ne tennes annos , nubemq; hanc frontis opacæ,
Spernite , ne moneo; & nobis nocere facultas.*

Tiresias longam adeptus senectutem , &
amplissimis honoribus à Græcis ob prædictio-
num certitudinem ornatus , ad montem Tel-
phossum secessit ; vbi privatus reliquum vitæ
exigeret , remotus ab vrbaniis tumultibus. Sub
eo monte , fons scaturit limpidissimus , & fri-
giditate sua noxius ; de cuius aquis , vt ait Ari-
stophanes , cùm Tiresias iam gravi pressus se-
nio largiter bibisset , sanguine congelato &

coalescente extinctus est; ibidemq; structo sepulcro tumulatus.

Illi post mortem Græci divinos honores tribuerunt, & sacrificia quotannis instituerunt; responsaq; petiverunt multis ceremoniis ab eius manibus. Homerus *Odyss.* 10. introducit Vlysssem evocantem animam Tiresiæ, ut ab ea edoceretur de rebus futuris.

Mopsum nepotem habuit, vaticinandi scientia avo non inferiorem. Is fuit Sibyllæ Manto filius. De quibus infrà.


Plutarchus affirmat suo tempore defecisse Tiresiæ oraculum, & velut feriatum conticescere.

MOPSVS

Mopsus Apollinis filius.



Nescius est Calchas Caprificus in arbore poma
Quot gerat: Hoc verbis exprime; victor eris.



MOPSVS

STrabo *Cosmograph. l. 9.* tres commemorat
 Mopfos: Lapitham Argonautarum naviga-
 tionis comitem: Alterum a quo Attica, Mop-
 sophia est appellata: Denique Mopsum Apolli-
 nis & Mantus fatidicæ mulieris filium. Hic ab
 utroque parente vaticiniorum scientiam edo-
 ctus, de futuris adeò certa reddidisse fertur o-
 racula, ut in Proverbium abierit, *Mopso certior*,
 de eo qui citra errorem futura prædicebat.
 Hic ipsum Calchantem, augurem alioqui exi-
 mium, divinandi scientia superasse traditur.
 Aiunt enim Calchantem cum Amphilocho
 Amphiarai filio, terrestri itinere è Troiano bel-
 lo redeuntem, in Mopsum incidisse; cumq;
 inter se de divinandi peritia decertarent, quæ-
 sivisse à Calchante Mopsum, quot in obvia ar-
 bore ficus essent, quod ille se ignorare fassus
 est: Vicissim Calchantem sciscitatum de præ-
 gnanti sue oblata, quot gestaret porculos;
 Mopsum illicò tres esse dixisse, & ex ijs vnā
 fœminam; quod exenteratā scrofā verum esse
 deprehensum est: Calchantem cum Mopso
 palmam

palnam cedere cogeretur, pudore & ægritudine obijisse.

Super Mopsi morte ita cecinit Apollonius
Argonaut. 4.

Εἴθα ὃ Ἀμυκίδην αἶψά ἐν ἡματι Μόψον
Νηλεὺς ἔλε πότμος, ἀδευκέα δ' ὃ φυγεν αἶσαν
Μαντοσύαις, ὃ γὰρ τις ἀποτροπὴν θανάτοιο.

Id est — *Ubi & Ampycidem die illa Mopsum
Crudelis mors abstulit, amarulentum verò mors
vitavit fatum*

Vaticiniis; non enim mortis evasio vlla.

In Libya obiisse, nec mortem prævidisse suam,
testatur Seneca in Medea,

—— *Serpens Libycis arenis
Omnibus verax, sibi falsus vni
Concidit Mopsus, caruitq; Thebis.*

Ibi *serpens*, vt observat Cælius Rhodiginus, non
est verbum, sed participium. Est enim verbo-
rum structura, *Mopsus serpens*, Id est, oberrans
& vagabundus, obiit in Libya.

Plutarchus *De defectu Oraculorum*, scribit
Mopsum post mortem, habuisse *Manteium*, fa-
cellum in quo responsa dabat. Lactantius eum
augurio eatenus nobilem scribit, vt post mor-
tem Tempia quoque ei sint dicata, quæ ora-
culi gratiâ sæpè adirent homines.



Numina praedixi sacris placanda Dianae.
Pergama et ante annos non vitura decē.



CALCHAS

Calchas divinandi scientia Græcorum celeberrimus Augur, fuisse dicitur nepos Apollinis, Thestoris filius. Hunc Agamemnon Græcorum Imperator secum duxit cum adversus Phrygiam profectus est, Helenam Menelai fratris vxorem à Paride, Priami Troianorum regis filio, raptam, repetiturus. Ea in expeditione variis responsis claruit Calchas. Primò in Aulide, dum enim illic colligendis copiis & congregandæ classi, moratur Agamemnon, fortè in venationem profectus, imprudens cervum Dianæ sacrum interficit. Vnde irata Dea, contrariis ventis Græcorum navigationem retardat. Calchas ea de re consultus respondet, Dianam nonnisi Agamemnonis sanguine placari posse. Filiam itaque suam Iphigeniam, Dianæ immolandam tradit Agamemnon.

Iterùm dum in Aulide adhuc erant Græcorum copię, & sacra institueret Calchas, vidit serpentem per arboris ramos sinuoso volumine irrepentem in nidum passerum, ex quibus

novem depastus est cum ipsa matre. Hoc augurio Calchas prædixit Græcis, Troiam nonnisi post decennalem obsidionem captum iri. Hunc casum sic enarrat Homerus *Iliad.* β, ut Latinè convertit Cicero *de Divinat. lib. 2.*

*Argolicis primùm ut vestita est classibus Aulis
Qua Priamo cladem, & Troia, pestemq̃ ferebāt,
Nos circum latices gelidos fumantibus aris,
Aurigeris divùm placantes numina tauris,
Sub platano umbrifera, fons unde emanat aquaī,
Vidimus immani specie, tortuq̃ draconem
Terribilem, Iovis ut pulsu penetravit ab ara:
Qui platani in ramo foliorum tegmine septos
Corripuit pullos: quos cū consumeret octo,
Nona super tremulo genitrix clangore volabat:
Cui ferus immani laniavit viscera morſu.
Hunc, ubi tā teneros volucres, matremq̃ peremit,
Qui luci ediderat, genitor Saturnius idem
Abdidit, & duro firmavit tegmine saxi.
Nos autem timidi stantes mirabile monstrum
Vidimus in mediis divum versatier aris.
Tum Calchas hæc est fidenti voce locutus.
Quidnam torpentes subitò obstupuistis Achivi?
Nobis hæc portenta Deūm dedit ipse Creator,
Tarda & sera nimis: sed fama ac laude perenni.
Nam quot aves tetro mactatas dente videtis:*

*Tot nos ad Troiam belli exantlabimus annos,
Quæ decimo cadet, & pœna satiabit Achivos.
Edidit hæc Calchas.*

Denique dum Græci Troiam obsidebant, exorta est in castris gravis pestilentia, qua exercitus paulatim peribat. Consultus Calchas respondit, Apollinem iratum immisisse hanc luem in Græcos, ob non restitutam Chryse Apollinis sacerdoti filiam, quam captam detinebat Agamemnon. Suasum igitur Calchantis, Achilles Chryseidem ademit Imperatori & Chryse patri restituit; quo facto desiit lues.

Hom. Il. a.

Eiusdem Calchantis consilio se destinatum aræ querebatur apud Virgilium, stropharum artifex Sinon.

De Calchantis obitu dictum est in Mopso. Filiam habuit Lampusiam illam fatidicam, de qua infra.

Idmon Apollinis et Asteries filius.



*Divinandi artem genitor me instruxit Apollo
Ictus at a Libyco nil minus angue cado.*



IDMON

Produnt Pindarici Interpretes, Argonautas illos qui Iasonem secuti sunt in expeditione Colchicâ, ut aureum vellus inde reportarent, tribus usus vatibus, Mopso, Idmone, & Amphiarao. Quidam Idmonem non alium esse à Mopso volunt, & Mopsum *Idmona* appellari, ob multam rerum & vaticinij peritiam. Nam & qui proprio nomine Thestor dicebatur, antiquitus *Idmona* nuncupatum, ob insignem experientiam, testis est Apollonij Interpres; quod Chamæleontis comprobatur auctoritate. Plerique tamen volunt Idmona Vatem fuisse Apollinis & Asteries filium, qui à Phœbo parente divinandi scientiam accepit, & in ea clarissimus evasit.

Cum Principes Græciæ consilium iniissent de auferendo vellere aureo quod Colchis aservabatur, de quo erat in fatis, regnum illud florentissimum fore, ubi custodiretur integrum; Idmon prædixit Græcis, eos voti compotes futuros, si Diis faventibus profectionem in Colchos susciperent. Placatis igitur Superis,

N

sacrificiisq; solemni ritu peractis, consilio Mi-
 nerve monitus Idmon navem maiorem quàm
 eo tempore fieri consueverat, fabricari curavit:
 facta igitur est ea navis ex roboribus Dodoneis,
 quæ olim vocalia fuisse & oracula reddidisse
 fama erat. Confectam affabrè, omnibusq; ad
 navigationem necessariis instructam, conscen-
 derunt Argivi, qui Argonautæ dicti sunt, ab
 Argo nave. Quinquaginta quatuor fuisse
 Argonautas tradunt; e quibus præcipui fue-
 runt Iason, Hercules, Zetes & Calais, Castor
 & Pollux, Orpheus, Mopsus, Theseus, Tela-
 mon, Idmon & Argus architectus, qui navem
 fabricaverat. Cum ergo ad Colchos appulis-
 sent, & vellus aureum ab Aëthe rege petissent,
 iisq; esset denegatum; bellum illi intulerunt.
 Erat vellus illud in Templi penetralibus ap-
 pensum, quod Fauni æripedes, flammivomi,
 & indomiti, Dracoq; pervigil horrendæ ma-
 gnitudinis, custodiebant. Hæc impedimen-
 ta cum superare perdifficile esset, Medea Ae-
 thes regis filia, Iasonis amore capta, illum mo-
 nuit quo pacto tauros domare, & vigilem
 draconem sopire posset; quibus feliciter pe-
 ractis, vellus aureum abstulit, & in Græciam
 detulit Iason. Observat Clar. Bochartus, na-
 vem

vem *Argo* dictam, non vt vulgò creditum, ab *Argo* conditore, aut ab Argivis in ea vectis, sed à voce Phœnicum *Arco*, vel *Argo*; permutari enim passim C. & G. *Argo* autem navis, longam navem significat, quâ tum primùm vsi sunt Græci, cum ante Iasonem, rotundis duntaxat navibus vterentur. Hinc Plinius lib. 7. c. 56.

Longa nave Iasonem primùm navigasse Philostratus author est. Id & addam ex eodem Bocharto.

A Poëtis navem *Argo* loquacem fictam, vtpote constantem è ligno Dodoneæ silvæ quod humanas voces fundere dicebatur : qui error natus est à verbo דבר, quod Ebræis *loqui* significat, & *regere* seu *moderari*, quia animos sermone regimus & moderamur. Inde דוברה (*dobera*) *loquentem*, si participium, si nomen est *ratem* sonat, quæ regitur & gubernatur : & Ebrææ voces עץ מדבר, tam reddi possunt, *Lignum loquax*, quàm, *lignum quod navem regit*.

Cæterùm Idmonem periisse ab apro percussum, scribit Apollonius. Qui serpentis morfu interiisse tradunt, ex perperam intellecto Senecæ in *Medea* loco suprà laudato, falluntur. Mortem autem suam præscivisse & prædixisse Idmona, affirmat Apollonius Argonauticon primo.

Αὐτὰρ ἐμοὶ θανέειν συγερῇ ἔπι δαίμονος αἴσῃ
 Τηλόθι πρὸ πρῶται ἐπ' ἀσίδος ἡπείροιο.

Id est. — *At mihi emori odiosi Daemonis fato,
 Procul sancitum est in Asidis continente.*

Sic Seneca in *Medea*.


*Ite nunc fortes, perarate Pontum
 Sorte timenda:*

*Idmonem, quamvis benè fata noscet
 Condidit.*

AMPHIARAVS



*Quid iuvat ostendisse tuis tua funera natis,
Dircae absorptus si moriare solo?*



AMPHIARAVS

MOPSO & IDMONI, expeditionis Cholchide comitem Amphiaraum subiungimus. Hic Oeclis filius, originem longâ maiorum serie ad Iovem referebat. Inter Græcos Vates excellentissimus habitus est : Item in re militari fortitudine & prudentia clarus. Pausanias ait Amphiaraum interpretandorum somniorum scientia præcellentissimum fuisse, eundemq; futurorum cognitionem per somnia constituisse. Ad huius autem oraculum qui pergebant, purgari primùm oportebat. Purgatio erat ut Deo res sacra perageretur, cui & omnibus quorum nomina in arâ sculpta erant sacrificabat. His peractis, matati arietis pellis substernebatur, atque ita soliti dormire, captantes somnii interpretationes. Ad quod alludens Virgilius *Aen.* 7. de Latino loquens, ait.

Pellibus incubuit stratis, somnosq; petivit.

Pelli itaque incumbentes & dormientes, in somnis audiebant aut videbant ea quæ sciscitati erant : eaq; à vate sacerdote explicabantur.

Amphiarao

Amphiarao autem post obitum, propter divinationis peritiam & fatidica consilia, templum erexerunt Oropii in Atticâ, honoresq; divinos & aras, ac sacerdotes decreverunt. Templum ex candido marmore præstanti arte constructum est, ad quod ex tota Græcia conventus erat maximus, oraculum poscentium. Philostratus *in vita Apollonij Tyanæi lib. 2.* tradit eos qui responsa ab Amphiarao petebant, diem integrum à cibo, & triduum à vini potu abstinuisse. Refert Plutarchus *In vita Aristidis*, ante pugnam illam Plataensem, Mardonium Persici exercitus ducem, misisse servum suum ad Amphiarai delubrum, ut pugnae eventum exploraret. Cum igitur servus ille noctu in victimæ spolio procumbens dormiret, per quietem sibi visus est adstare sacrorum Antistes, qui iuberet templo excedere, non enim licere barbaro in loco sacro cubare; cum verò Persa cunctaretur, recusaretq; recedere, Sacerdos visus est eum vi extrudere velle, & lapide impetum humi prostravisse. Somnium hoc pugnae exitum depinxit, nam paulò post, commisso prælio ad Plataeas, Mardonius ictu saxi percussus, occidit.

In templo Amphiarai quod Thebis erat,

nulli Thebano captare vaticinia licebat. Causam hanc referunt. Dum adhuc esset in vivis Amphiaras, eligendum Thebanis proposuit, utrum mallerent se uti vate, vel propugnatore & defensore. Thebani responderunt, malle se eum habere auxiliatorem; vaticinia ab Apolline qui Delphis erat, captaturos. Ideò post Amphiarai mortem, nefas fuit Thebano cuiquam, in eius delubro somniis vaticinia exposcere. *Herodot. l. 8.*

Cum Græci, Polynici adversum fratrem Eteoclem Thebanorum Regem auxilio irent, Amphiaras eò vocatus est; sed cum præsciret, se si ad id bellum proficisceretur moriturum, ut fata vitaret; conscia vxore Eriphyle, se abscondit in locum abstrusum, ubi diu latuit. Tandem verò avara mulier, accepto torque aureo à Polynice, maritum latentem prodidit. Abstractus itaque è latibulo Amphiaraiis, Thebas in militiam proficisci coactus est, ubi & occubuit. Refert enim Plutarchus, aquilam eius hastam abreptam sustulisse in altum, moxq; demisisse; eam verò terræ impactam lauri speciem præbuisse. Insequenti die, hostibus acri prælio ibidem congregantibus, terræ hiatu repentino haustum cum curru (quod

ἀρμα dicunt Græci) Amphiaraiūm periisse.
 Conditam postea ibi urbem, Harmatis cognomine insignem. Verūm aliam huius nominis rationem assignat Clariss. Bochartus, cuius hæc sunt verba; *Harma Bæotia locus erat columnis septus, propter vatem Amphiaraiū hiatu terræ ibi absorptū ita execrandus, ut fama sit neque aves illis columnis insedisse, neque feras herbam attigisse in intercolumnio illo crescentem. Harma igitur non à curru, ut volunt, sed ab execratione dictus; id enim est Phœnicium* *הרמה Harma.*
Geogr. Sac. p. 1 c. 16. Strab. l. 9. Paus. in Bæot.

Cæterū Eriphyle quæ marito necem accersiverat, id non impunè habuit; Alcmaeon enim filius, cui antequam proficisceretur Amphiaraiū, perfidiam matris declaraverat, statim atque fatum patris audivit, matrem Eriphylem interfecit; in eam impius factus, ut mortem patris vlcisceretur.

Ita autem præcellens vates habitus est Amphiaraius, ut in proverbium abierit apud Amm. Marcellinum, *Si quid, inquit ille, in penetrali secreto, nullo ministrorum præsentē, paterfamilias uxori in aurem susurrasset, velut Amphiaraiō referentē, aut Atarrion, quondam vatibus inclitis, postridie discebat Imperator.*

Hunc affirmat Statius lib. 8. intellexisse voces
 avium.

Aruns Hetruscus Haruspex.



*Fulminis agnosco motus, Venasq; calentes
Fibrarum; atq; avium mobile remigium.*



ARVNS

PLVRIMI in Hetruria divinandi scientiam per auguria & aruspicia coluerunt. In his è primis eminuit Aruns Augur & vates celeberrimus; de quo Lucanus lib. 1.

Hæc propter placuit Thuscis de more vetusto

Acciri vates: quorum qui maximus ævo

Aruns incoluit desertæ mœnia Luna:

Fulminis edoctus motus, vena s̄q̄ calentes

Fibrarum, & cursus errantis in aëre pennæ.

Quoniam verò in Augures incidimus, de iis nonnulla præfari haud abs re erit. Augures propriè avium garritum observabant: Auspices, volatum; sed crebrò confunduntur. In avibus autem garritus, volatus & pastus observabantur. Avium aliæ erant oscines, quæ cantu seu garritu; aliæ præpetes, quæ volatu putabantur prædicere; harum rursus variæ erant differentiæ, funebres, cliviæ, arculæ, volscæ, remores, inebræ, aliæq; multæ, de quibus Plinius l. 10. c. 13. 14. 18. Gellius l. 6. c. 6. Servius in Virgil. Aen. 2. Festus in voce Oscines.

Auguria captaturi cœlum eligebant purum

& serenum. Lituum, qui erat baculus incurvus augurale signum, manu tenebat Augur, quo cœli regiones designabat, & metas intra quas contineri debebant auguria, metiebatur. Templum vocabantur illæ metæ, à contemplando. Post absolutas preces, velato capite, toga duplici augurali candida, considebant; intentisq; ad cœlum oculis, attentè expectabant si quæ signa sese offerrent. Si obiiceretur avis aliqua, considerabant quo volatu ferretur, an obliquo, vel prono, vel supino motu corporis. Item, ad dextram vel ad sinistram canerent oscines.

Præterea gallinacei ad auguria captanda servabantur clausi caveis, loco sacro. Pullarius summo mane & primo diluculo, imperato de more silentio, caveâ reclusâ, offam pullis exhibebat: quod si ad oblatum cibum involarent galli, & avidè eum depascerentur, ita ut ex eorum rostro aliquid laberetur & terram paviret, quod tripudium faceret solistimum, ex eo Augur felicem rerum successum à Deo promitti asserebat.

Divinabant etiam aruspices & extispices, ex inspectione viscerum victimarum, quas exenteratas diligentissimè explorabant; imò ipsas ranas.

ranas. Iuven. ——— *Ranarum viscera nunquam*

Inspexi. Maximè circa hepar curiosi erant, <sup>Iuven.
Sat. 3. l. 1.</sup> quod in eo vaticiniorum sedem propriam putabant; Alias quoque viscerum partes, vt cor, folliculum fellis, lienem, pulmonem, exta, non minori sedulitate contemplabantur, an omnia convenirent. Nisi enim omnia congrua essent, alienati numinis signa portendebant; si verò erant integra, Deos benevolos promittebant. Nugacissima commenta! quorum tamen neglectui, Romani clades P. Claudij & Lucij Iunij, bello Punico primo; & Flaminiij bello secundo, tribuère.

Collapsam hominum socordiâ miram hanc scientiam & Reipublicæ adeò necessariam, pro singulari sua sapientia, restituit Claudius Imperator, *Retulit ad Senatum*, inquit Tacitus, <sup>Tac.
Ann. l. 12</sup> *per collegio haruspicum, ne vetustissima Italia disciplina per desidiâ exolesceret: sæpè adversis Reipublicæ temporibus accitis quorum monitu redintegratas ceremonias, & in posterum rectius: Primoresq; Etruriæ spontè aut Patrum Romanorum impulsu retinuisse scientiam & in familias propagasse: quod nunc segnius fieri, publica circa bonas artes socordia, & quia externa superstitiones valescant. Lata quidem in præsens omnia; sed benignitati Deûm gratiam referen-*

dam, ne ritus sacrorum inter ambigua culti, per prospera obliterarentur. Factum ex eo S. C. viderent Pontifices, quæ retinenda firmandaq; Haruspicum. Vide Polybium l. 1. Val. Maximum l. 1. c. 4. T. Livium l. 22. Ciceronem de Divin. l. 1, & 2. & de Nat. Deorum.

TAGES

Tages.



*Nil sine me Hetruscus sacris intentus Haruspex
Aggreditur: leges quem docui augurij.*

TAGES

FVIT Tages, ut Beroso placet, Noë trinepos
ex Camo; filius Aruntij. *Marlor* ab Etruscis
appellatus est, ad quos se recepit, quosq; in sa-
cris, divinatione, auguriis, & aruspicina insti-
tuit. *ACamefo* enim, id est Camo, inquit idem
Berosus, per manus hęc scientia ad posteritatem, lon-
go temporum intervallo pervenerat; semperq; cere-
moniarum, superstitionumq; adiectione in-
immensum creverat.

*De Nat.
Deor. l. 2*

De Tage Cicero ita tradit, *Tages* quidam di-
citur in agro Tarquinienſi, cū terra araretur, & sul-
cus altius eſſet impreſſus, exiſſe repente, & eum affa-
tus eſſe qui arabat. Eius aſpectu cū obſtupuiſſet bu-
bulcus, clamoremq; maiorem cū admiratione edidiſſet,
concurſum eſſe factum, totamq; brevi tempore in eum lo-
cum Hetruriam conveniſſe. Tum illum plura locutum
multis audientibus, qui omnia eius verba exceperint,
litterisq; mandaverint. De eodem ſic Ovidius *Me-
tamorph. l. 15.*

*Haud aliter ſtupuit, quā cū Tyrrenus arator
Fatalem glebam mediis aſpexit in arvis,
Sponte ſuā primū, nulloq; agitante moveri;*

Sumere

*Sumere mox hominis, terraq; amittere formam;
Oraq; venturis aperire recencia fati.*

*Indigena dixere Tagem; qui primus Hetruscum
Edocuit gentem casus aperire futuros.*

Hic itaque à parente edoctus, brevi celeberrimus evasit, & aruspicinam, extispiciorum scientiam ac sacrificiorum ritus sic excoluit, ut eorum primus author habitus sit; quod & Lucanus testatur his verbis,

At fibris sit nulla fides, sed conditor artis

Finxerit ista Tages.

Nec has modò superstitiones Hetruscos docuit, sed & remedia quibus arcerentur tempestates, sedarentur venti, & grandines averterentur ab agrorum finibus. Nempe averti grandinem, tempestatem, & lolium ipsum à segetibus, si quis crocodili pellem, vel vituli marini per spatia possessionis circumferat; aut si ubi in stare malum videt, oblato speculo, imaginem nubis accipiat; aut si ad limites agri caput asini sua pelle nudatum, affigat. Verba sunt Columellæ,

Ipsa novas artes varia experientia rerum

Et labor ostendit miseris, ususq; magister

Tradidit agricolis ventos sedare furentes,

Et tempestates Thuscis avertere sacris.

*Hinc mala rubigo virides ne torreat herbas,
Sanguine lactantis catuli placatur & extis.
Hinc caput Arcadici nudum cute fertur a selli,
Tyrrhenus fixisse Tages in limite ruris.*


Eiusmodi ἀποτεγναῖα & malorum averruncatoria, non soli Ethnici vsurparunt, sed & alij. In hoc censu repono Iudæorum phylacteria, & Pseudo-Christianorum amuleta, characteres, figuras, cruces, reliquias, cereas agni effigies, Scripturæ sacræ testimonia, cantiones magicas, ligaturas, aliaq; eiusmodi collo appensa, per quæ se custodiri ac servari à malis Superstitiosi credunt. Ista tanquam impia & ab Euangelij doctrinâ aliena, abjicienda sunt. Magicas enim superstitiones sapiunt, quibus Diabolus illudit hominibus.

Cæterum aruspicia & extispicia illa, quorum authores fuerunt Aruns & Tages, tanti aestimabantur apud Romanos, ut de his integros libros conscriptos servarent Pontifices, ad quorum normam oportebat omnia agi. Prædictiones futurorum inde colligebant, quæ instar oraculorum apud eos habebantur; neque quicquam aggrediebantur, quin prius sacrificiorum hos ritus, accurata indagatione perlustrassent. Credebant enim victimas, notis monitricibus affici à Diis quibus immolabatur.

Asylas Augur Hetruscus



Ut pecudum fibras, præsagi fulminis ignes
Et linguas volucrum, sideraque alta rego.



ASYLAS

ASYLAS & ipse Hetruscus, auguriorum scientiæ magistrum habuit celebrem illum Tagem; fuitq; ob divinandi scientiam & extispicium clarus. Hunc sic commendat Virgilius Aen. 10.

Tertius ille hominum Divumq; interpretas Asylas.

Cui pecudum fibrae, cæli cui sidera parent,

Et linguæ volucrum, & præfagi fulminis ignes.

De cœli syderibus & fulmine meminit Poëta, quia Augures non modò aves spectabant, sed & cælum ac meteora. Primò enim observabant cœli aspectus & influxus; & ex Astris, quibuscum analogiam esse ad singulas ætates hominis, corporis partes, & animi quoque affectiones affirmabant, de variis eventibus vaticinabantur. Exempli gratia, cùm de morbo vel sanitate consulentium præfagire nitebantur, attendebant vt ætati eorum convenientem Planetam deligerent; verbi causa, seni Saturnum; adolescenti Mercurium; viro Iovem: deinde etiam Planetam cupiditati vniuscuiusque respondentem; vt Martem iracundo

cundo; Venerem libidinoso &c. Prætereæ Signum quod parti corporis quam iuvare vel lædere cupiebant, præesse sibi fingeant: Si capiti Arietem; si pedibus Pisces. Quæ omnia utcumque vana & stolidi, non modò in usu fuerunt apud Augures Ethnicos, sed & hodiè à variis usurpantur. Apud Laërtium meritò ridetur ab anu domestica Thales, qui cùm domo exiret contemplandorum syderum causa, in subiectam fossam incidit, *Quid enim, inquit anus, quæ sunt in cælis te comprehensurum arbitraris, qui ea quæ sunt ante pedes videre non vales?* Hoc hominum genere nihil stolidius,

Quod est ante pedes nemo spectat: cæli scrutantur plagas.

Scitè ridet Thomas Morus quendam Astrologum mœchæ maritum, qui cùm futura ex astris se prævidere iactaret, domesticum dedecus ignorabat. His in eum ludit,

Astra tibi æthereo pandunt sese omnia vati,

Omibus & quæ sint fata futura monent.

Omibus ast vxor quod se tua publicat, id te

Astra, licet videant omnia, nulla docent.

Ex meteoris etiam captabant vaticinia aruspices; contemplabantur enim tonitrua; si ad lævam vel impari numero intonuiisset; si ab or-

tu fulmina circularentur ; si circumacta per
cælum in eandem partem reflecterentur ; vel si
vibrata è nubibus à terra resiliuissent ; Si cre-
bris ignibus fulsissent ; Si è cœlo sereno tonuisset ;
Si ab Occasu, vel per Septentrionem in Occa-
sum ferrentur fulgura, & alia eiusmodi.


Habebant autem Augures lucos & aras, &
peculiaria sacra ad elicienda fulmina, quæ vel
bruta dicebantur vel fatidica.

OLENVS

Olenus Calenus



Quod caput effossum Tarpeio in monte videtis
Summi illi fasces denotat Imperij.



OLENVS CALENVS


O Lenum inter præcipuos Hetruriæ Vates & Aruspices numerant Historiæ. Is enim dicitur prædixisse qualis futurus esset Romani Imperii status. Nam cùm Tarquinius Superbus Capitolinam arcem conderet, in fundamentis inventum est caput humanum, vel vt alij malunt, equinum. Quâ de re Aruspices ex Hetruria convocati & consulti sunt, Olenus Calenus inter cæteros, vates præstantissimus, & in Aruspicinæ scientia optimè versatus: Is asseveravit, caput hoc quod inventum erat, portendere summam Monarchiam & imperium vrbi, cui totus orbis subiiceretur; idq; propagatum iri, & incrementa sumpturum bello. Esse enim equum animal generosum, pugnis & conflictibus gaudens. Auguris responsum Romani faustum fælixq; sumpserunt; arcem Capitolium vocaverunt, vel ab invento capite equino, vel quod mundi caput futura esset. Exitus postea comprobavit, non falsam aut vanam fuisse prædictionem. Vide *Plinium lib. 28. cap. 2.*

HELENVS

Thiodamas Melampodis filius.



*Consuerat mecum magnorum arcana Deorum
Partiri, et visas Amphiaraus aues.*



THYODAMAS

Plin.
l.25. c.5.

MElampus ille Medicina clarus, qui filias
Præti Argivorum Regis, quæ furiis agi-
tatae se vaccas credebant, propinato elleboro
sanavit; ex vxore Amphianassa genuit Thyo-
damanta. Hic præstans fuit Medicus, Augur
& Vates celeberrimus: de quo Statius lib.8.

Insignem fama, sanctoq; Melampode cretum

Thyodamanta voluit; qui cum ipse arcana Deorum

Partiri, & visas vni sociare solebat

Amphiaraius aves: tantaq; haud invitus arti

Caudebat dici similem, iuxtaq; secundum.

Aiunt eum intellexisse voces avium, & cum
illis fuisse collocutum.

HELENVS

Helenus Priami filius et Hecubæ.



*Aepuoreis ne fidat aguis Pyrrhum instrue: Regno
Tandem et Hectorea coniuge gratus erit.*



HELENVS

EX numerosissima illa prole, quam suscepit Priamus Rex Troianorum ex Hecuba vxore, vnus fuit Helenus. Hunc augurem præstantissimum vocat Homerus *Iliad* ζ.

Πειραμίδες Εἰλενος οἰωνοπόλεως ὄχ' ἀειγός.

Ad eum authorem refert Suidas χειροσκοπικὰ vaticinia, cū ex manuum lineamentorum consideratione, futuræ sortis status prænunciatur. Is dum obsidebatur Troia, non modò populares suos consiliis & prædictionibus iuuit, sed & fortiter cum hoste dimicauit. *Iliad*. N. Prædixit Ilij excidium sicut & Cassandra soror, suadebatq; Priamo patri vitandis tantis malis, vt Helena, quæ belli causa erat, restitueretur Menelao marito: huius cū respuisset sana consilia Priamus, Paridi filio gratificari cupiens, capta est Troia & diruta, tota ferè Asia deleta, tamq; numerosam prolem miserrimus Priamus cum regno & vita amisit. Helenus reliquis fratribus aut cæsis aut captivis, ipse Pyrrho Achillis filio sorte obtigit: huic charissimus fuit, propter prudentiam & vaticinandi scientiam quâ

quâ excellebat. Cùm Principes Græci reditum in patriam pararent, illis prædixit Helenus naufragia & aduersos casus, nisi varia quæ suadebat sedulo caverent; cùm verò illi monitis non paruissent, plerique ad Caphareum fluctibus absorpti sunt. Pyrrhus verò Heleni monitis obtemperans, felici navigatione in patriam reuersus est.

Redux Helenum honorificè excepit; illiç; Andromachem Hectoris cæsi viduam, desponsauit; concessitç; regni sui partem in montanis Epiri, vbi ipse condidit urbem ad similitudinem Troiæ, in qua profugum Aeneam excepit hospitio. Hunc consuluit Aeneas de futuris eventibus, vt ipse narrat Aeneid.3.

His vatem aggredior dictis, ac talia quæso.

*Troïgena interpres diuûm qui numina Phœbi,
Qui tripodas, Clariq; lauros, qui sydera sentis,
Et volucrum linguas, & præpetis omina penna:
Fare, age &c.*

— Hæc deinde canit divino ex ore Sacerdos.

Laocoon Priami et Hecubæ filius.

*Eventus rerum incertos prædicere nostrum est.
Hoc mihi Tymbræus munus Apollo dedit.*



LAOCOON

Hic quoque Heleni frater, Priami & Hecubæ filius, Apollinis Sacerdos, Vates nobilis, & rerum scientia insignis habitus est: afflatus enim numine Apollinis futura prædixit. Lugendo verò casu periit in Troiæ expugnatione. Cùm enim equum illum ligneum vastitatis immensæ fabricassent Græci, quem armatis oppletum, ceu Minervæ sacrum, in urbem ruptis mœnibus invexerant; Laocoon vates multùm reclamavit, & aut hoc inclusos ligno occultari Græcos Duces, aut machinam in muros & urbis excidium fabricatam esse asseruit; imò hastam sumptam suminis in latus equi contorsit viribus, quo ictus, auditus est armatorum crepitus. Sed quò minùs Troiani prudentis vatis prædictionibus obtemperarent, prohibuit portentum. Dum enim in fatalem machinam vociferatur Laocoon, & ferro Argolicas fœdare latebras suadet, Ecce gemini angues sibilantes & linguas vibrantes qui

——— agmine certo

Laocoonta petunt; & primum parva duorum

Q 4

*Corpora natorum , serpens amplexus uterque
 Implicat , & miseros morſu depaſcitur artus .
 Poſt illum auxilio ſubeuntem ac tela ferentem
 Corripiunt , ſpirisq; ligant ingentibus &c.
 Ille ſimul manibus , tendit divellere nodos ,
 Perfuſus ſanie vittas , atroq; veneno ,
 Clamores ſimul horrendos ad ſydera tollit .*


Exin dracones fugiunt ad Palladis delu-
 brum , ſeq; ſub pedibus Deæ , & clypei ſub or-
 be tegunt. Tum omnes pavidi iuſtas pœnas
 dediffe Laocoonta dixerunt , & ſcelus expen-
 diſſe , qui haſtam intorſiſſet tergo Minervæ ſa-
 cri equi. Cùm itaque fatalem illum equum
 intra muros admiffiffent Troiani: Duces Græ-
 corum noctu ex equo ſe promunt ; invadunt
 urbem vino ſomnoq; ſepultam; cædunt vigiles,
 portisq; parentibus excipiunt focios , agmina
 conſcia iungunt , & Troianos ad internecio-
 nem delent.

PRYLIS

Prýlis Mercurij filius.



*Ille ego sum, Vocitat tellus quē Lesbia Prýlī:
Qui Xerxem in Græcos arma movere fero.*



PRYLIS

MEntio equi Troiani mihi Prylem vatem
 in memoriam revocat: hic enim à Pala-
 mede delinitus donis, istum modum edocuit
 quo Troia expugnaretur; equi Durij, *hoc est*
 lignei rationem præmonstrans, intra quem
 delituerunt audacissimi & solertissimi Græco-
 rum Duces. Fuit verò Prylis, Cadmi sive
 Mercurij filius, & Issæ nymphæ; qui ab A-
 polline cuius sacris præerat, spiritu Pythonico
 afflatus, oracula reddebat. Inter cætera quæ
 illi tribuuntur, hoc memorabilius est, quod
 Græcis prædixisse fertur, ex Asiæ regionibus
 venturum regem potentissimum cum infinitis
 armatorum myriadibus, qui totam Græciam
 inundaret: verùm hunc Monarcham à Græ-
 cis, numero longè inferioribus, vincendum.
 Hoc vatis effatum Græcis animos excitavit,
 cùm Xerxes bellum Græciæ intulit, eôq; venit
 cum multitudine militum & classiariorum
 propè innumerabili. Herodotus *lib. 6.* ultra ter-
 vices centena millia fuisse prodit: vt non im-
 meritò proditum sit, flumina ab exercitu eius
 siccata,

siccata, terras pelago pontibus iunctas, omnemq; Græciam vix capiendæ multitudini fuisse. Verùm iuxta vaticinium Prylidis, tanti exercitus in Græciam introitus, quàm terribilis, tam turpis ac fœdus discessus fuit. Ad Salaminem enim navali prælio superatus est à Themistocle, qui vix secum quatuor millia hominum ducebat; idq; tanta suorum clade, & ignominia, ut Xerxes parva scapha effugiens, vix se in Asiam receperit.

Pythagoras



Quicquid Pythagoram nescisse fatemur, id ipsū
Nemo hominum potuit pectore percipere.



PYTHAGORAS

INter Vates Pythagoras nomen profitetur suum. Imò Aristippus Cyrenæus, teste *Diogene Laërtio*, ait illum, *Pythagoram* idcirco appellatum, quod veritatem perinde ac *Pythius* ipse loqueretur. Augur præterea fuit, & Magus, quod testantur Plinius & Plutarchus. Proditur enim memoriæ, quum supervolantem aquilam susurraminibus excantasset, ita deduxisse, ut mitem redderet ac prorsus cicurem. *Pythagoras*, inquit Ammianus, *femur suum aureum ostentabat, & cum aquila colloquens subinde visebatur.* Ferunt eum eodem die & hora, Crotonæ & Metaponti conspectum fuisse, ibiq; collocutum cum amicis. Tradunt quoque, fuisse vrsam feritate ac vastitate corporis inusitatâ horrendam; eam ad se venire iussisse, quæ statim paruit, & domum abductam reddidisse cicurem: Mox dimissurus, quasi iureiurando adigisse, ne in posterum ullum animal læderet; eam in quod adiurata recesserat, summa fide præstitisse. Scribit Plutarchus *in Vita Numa*, Pythagoram propè Tarentum conspexisse bo-

vem, fabariam segetem morſu carpentem & pedibus obterentem: tum bubulcum admonuiſſe, bovem iuberet frugibus parcere; Cui paſtor ridens, *Ego*, inquit, *bobus præcepta dare nescio; Tu qui in ſcholis verſatus es, id illi præcipito*: Eveſtigio Pythagoram bovis auribus inſuſurraſſe, bovemq; abire iuſſiſſe, qui ſtatim receſſit, & vellicare ſegetem deſtitit; quin & in futurum eiufmodi pabulo abſtinuit. Aiunt etiam cum illo familiares Genios fuiſſe obverſatos, eorumq; adminiculo Pythagoram præcipuè enituiſſe. Quod & de Socrate dictum eſt.

Fuit verò hic vir ortu Samius, Mneſarchi (alijs Marmacum vocant) gemmarum ſculptoris, filius. Aegyptum primò, mox Babyloniam ad perdiſcendos ſyderum motus, originemq; mundi ſpectandam proſectus, ſummam ſcientiam conſecutus eſt. Inde regreſſus, Cretam & Lacedæmona ad cognoscendas Minois & Lycurgi inclitas ea tempeſtate leges, contendit. Quibus omnibus inſtructus Crotonam venit, populumq; in luxuriam lapſum, authoritate ſua ad uſum frugalitatis revocavit. Laudabat quotidie virtutem, & vitia luxuriæ caſuſq; Civitatum ea peſte perditarum, enumerabat. Matronarum quoque ſeparatam
à viris,

à viris doctrinam, & puerorum à parentibus frequenter habuit. Docebat nunc has pudicitiam, & obsequia in viros; nunc illos modestiâ, & literarum studium. Inter hæc velut genitricē virtutū frugalitatē, omnibus ingerebat; consecutusq; disputationum assiduitate erat, ut matronæ auratas vestes, cæteraq; dignitatis suæ ornamenta, velut instrumenta luxuriæ deponerent, eaq; omnia delata in Iunonis ædem, ipsi Deæ consecrarent. *Hæc ex Iustino lib. 20.*

Totam autem Philosophiam suam mysteriis velavit, symbolicamq; & perplexam docuit, more Aegyptiorum, aliorumq; Orientalium, quorum instituta penitus hausit, ut Iosephus contra Appionem, & Eusebius tradiderunt. Ambrosius de Pythagora hæc habet, *Cum ex populo Iudæorum, inquit, ut plerique arbitrantur, genus Pythagoras duxerit, ex eius disciplinâ derivavit etiam magisterq; præcepta; meritòq; magnus apud Philosophos habitus, qualem, ut aiunt, vix reperias ullum.*

Inter eius dogmata, præcipuum fuit tantoperè decantata illa Metempsychosis, ab Aegyptiis accepta; quâ credebatur animam hominis è mortuo corpore subinde in aliud atque aliud corpus immigrare. De hac sic ipse Pythagoras apud Ovidium *Metam. 15. 3.*

*Morte carent animæ, semperq; priore relicta
Sede, novis domibus vivunt habitantq; recepta.*

Recenset deinde in quæ corpora anima sua migraverit; affirmat nempe se primò fuisse Aethalidem Mercurij filium; postea Euphorbum, nobilem illum Troianum Iliaco in bello à Menelao occisum; deinde Hermotimum; tum Pyrrhum; ac denique Pythagoram; seq; omnium meminisse præteritorum. Aiunt cum aliquando præteriens animadvertisset catulum à quodam verberari, illum reprehendisse, quod iniuriam faceret animæ boni viri, qui sibi amicus fuisset. Ista deliria festivè suo more ridet Lucianus. Scitè quoque ad hoc placitum ludit Aufonij Epigramma, in execrandum quendam Marcum, *Perversæ Veneris postico vulnere fessore*, ut Poëta loquitur: quærit enim hic à Pythagora, qualis evasurus sit post mortem impurus ille pædico; respondet Pythagoras,

*Luc.
Dial.
Galli &
Mycilli.*

*Non taurus non mulus erit, non hippocamelus,
Non caper aut aries; sed scarabeus erit.*

Scarabeus scilicet ex eorum genere qui stercorei vocantur.

Ordo autem atque ratio Pythagoræ recipiendi instituendiq; discipulos, huiusmodi fuisse traditur. Iam à principio adolescentes qui

qui sese ad discendum obtulerant ἐφυστολογε-
 μοι. Id verbum significat mores naturasq;
 hominum coniectatione quadam de oris &
 vultus ingenio, deq; corporis filo atque habitu,
 sciscitari. Eum qui exploratus ab eo, idoneusq;
 compertus fuerat, recipi in disciplinam statim
 iubebat, & tempus certum tacere. Quin-
 quennale vt plurimum erat silentium, sed ali-
 quando minori spacio circumscribebatur, pro
 auditorum ratione, & æstimato captu solertiæ;
 quanquam nemo minus tacuit quàm bienniū.
Vir enim ille ingenio ingenti, vt loquitur Apuleius,
ac supra caput hominis animi augustior, nihil prius
discipulos suos docuit quàm tacere, primaq; apud eum
meditatio sapienti futuro, linguam coërcere, verbaq;
quæ volantia Poëta appellant, ea detractis pinnis in-
tra murum candentium dentium premere. Is autem
 qui tacebat, quæ dicebantur ab aliis audiebat,
 neque percunctari si parum intellexerat, fas
 erat. Ast vbi res omnium difficillimas, tace-
 re, audireq; didicerat, essetq; silentio eruditus,
 cui nomen erat ἐχεμυθία, tum verba facere &
 quærere, quæq; audisset scribere, & quæ ipse
 opinaretur, potestas erat. Verum cum ex-
 traneis de iis quæ didicisset, loqui illicitum.
 Cicero lib. 1. de Nat. Deorum, *Nec tu me celas vt*

Pythagoras solebat alienos. Εἰρηνοφίαν ab Ægyptijs, qui *Harpocratem* silentij Deum colebant, accepit Pythagoras; ab hoc verò fortasse Numa Pompilius, qui fuisse dicitur Pythagoricus: Hunc enim silentij Deam *Agénora* nomine, quæ ore obsignato pingebatur, quæque inter Tutelares Romæ Deas recensetur à Macrobio, coluisse, testis est Plutarchus *in eius Vita*.

Id tamen affirmare nolim quod statuunt nonnulli, Numam Pompilium fuisse Pythagoræ discipulum. Cicero enim Numam annis permultis antè fuisse quàm esset Pythagoras affirmat, *De Orat.* 1. 2. Idem scribit Pythagoram fuisse in Italia iisdem temporibus quibus L. Brutus patriam liberavit. Hoc ipsum affirmant T. Livius *lib.* 1. & Solinus *cap.* 16. cuius hæc sunt verba, *In Samo nihil nobilius quàm Pythagoras civis, qui mox offensus fastu tyrannico, relicta domo patria, Bruto Consule, qui Reges vrbe exegit, Italiam advectus est.* Gellius verò vult eum in Italiam venisse, Tarquinio Superbo regnante. Vide præterea Franc. Floridum Sabinum *lib.* 1. *Succisivar. lect. cap.* 13.

Causam quare in Italiam Pythagoras profectus est, hanc fuisse refert Laërtius *in eius vita*; quod post longam peregrinationem in patriam

triam redux, eam à Polycratis tyrannide oppressam offendisset. Alij Sylofontem Polycratis fratrem & successorem, fuisse volunt; Eum enim Strabo adeò sæviter regnasse scribit, *Strabo l. 14.* ut plurimi cives Samum defererent.

Cæterum Pythagoras discendi cupiditate ultimas terras peragravit; Aegyptum lustravit, ibiq; viginti duos annos versatus est, ut scribit Iamblicus. Persarum etiam Magos adiisse referunt Isocrates, Cicero, aliiq;. Arabas, Ebræos, Chaldæosq; accessisse testatur Porphyrius; multaq; Iudæorum dogmata amplexum *Isocr. in laud. Bus. Cic. l. 5. de Fin.* Clemens Alex. *lib. 1.* affirmat. Quod verò Iudæi sanguine abstinuerint, hinc fortè omnibus animalibus abstinuit, de quo sic ille apud Ovidium,

Parcite mortales, dapibus temerare nefandis *Metam.*

Corpora; sunt fruges, sunt deducuntia ramos *l. 15.*

Pondere poma suo, tumidaq; in vitibus vva

Sunt herbæ dulces &c. alimenta q; dulcia tellus

Suggest, atque epulas, sine caede & sanguine
præbet &c.

Heu quātū scelus est in viscere viscera condi, &c.

Alteriusq; animantem animantis vivere letho?

Juvenalis lib. 5. Sat. 15.

Aspicimus populos, quorum non sufficit ira,

*Occidisse aliquem; sed pectora, brachia, vultum,
Crediderint genus esse cibi. Quid diceret ergo,
Vel quo non fugeret, si nunc hæc monstra videret
Pythagoras? cunctis animalibus abstinuit qui,
Tanquam homine, & ventri indulsit non omne
legumen.*

Multi Arithmeticam inventum Pythagoræ
esse scribunt. Numeris constare hoc vniver-
sum tradebat, summumq; hominis bonum in
exactissimâ numerorum scientiâ positum esse
existimabat. In Medicinæ etiam præceptis
& curatione morborum apprimè fuit exercita-
tus. Dicitur præterea pondera & mensuras
invenisse. Etiam Chymix peritum fuisse qua
metalla mutantur, volunt nonnulli. Cum
Aristarcho Samio, terram moveri docuit.
Alphabeto Cadmi Phœnicum regis, adiecit li-
teras υ, ζ, η & ω. Erudiebat discipulos suos in
Geometriâ, Gnomonicâ, Musicâ, aliisq; dis-
ciplinis quas μαθηματα vocant Græci. His
scientiis ornatos, ad perspicienda mundi opera
& principia naturæ provehebat, ac tunc deni-
que vocabantur φυσικοί. Omnes qui à Pytha-
gorâ in cœtum discipulorum admittebantur,
quod quisque pecuniæ habebat in medium
dabat, & coibatur societas inseparabilis, quam
Græci

Græci κοινόβιον appellant.

Author est Cicero tantum existimationis apud suos adeptum esse, ut si quid affirmaret in disputando, si ex iis quæreretur quare ita esset; respondere solitos, Ἀυτὸς ἔφα, *Ipse dixit.* Ipse autem erat Pythagoras; tantum opinio præiudicata poterat, ut etiam sine ratione valeret autoritas. Discipulos quoque esu carniū & animatis abstinere iussit, voluitq; ita facili assuefieri victu, ut igne ad coquendum opus non esset. Aquæ potum tantum illis concessit, ne acumen ingenij gravaretur ebrietate. Tradunt eosdem à fabis abstinuisse. Refertur enim in eius symbolis, *A fabis abstineto.* Lucianus Pythagoram apud Inferos introducit affirmantem, par esse scelus comedere fabas & capita parentum; citaturq; à Clemente Alex. lib. 3. Σίλωμ. hic versus

Ἴσον τι κυάμους τρώγειν, κεφαλὰς τε τοκέων.

Quidam per κυάμους quibus abstinere homines iubebat Pythagoras, intelligunt non fabas legumentum genus, sed ova, quod in iis sit animalium κύησις, *fœtus & conceptio*, à quibus abstinebant quoque Pythagorici, Laertio teste. Alij, inter quos Plutarchus περὶ παίδων ἀγωγῆς, *Fabis abstinere* ita interpretantur, ut Magistratus fu-

gerent, qui olim suffragiis per fabas latis, quæ in urnam conjiciebantur, in primis apud Athenienses, creabantur. Nonnulli per κῶλον eam partem sexus muliebris intelligunt, quam pudor nominare vetat, ἀπὸ τῆς κῶλης, *concupere, uterum gerere*: hocq; præcepto censent Pythagoram à scortatione homines dehortari voluisse. Ac sanè ipsum Veneris temperatissimum fuisse ex Laërtio constat; qui refert illum censuisse concubitum quocunque tempore sanitati officere, atque infirmitatem corpori conciliare. Alij denique id iuxta literam accipiunt; & ex Aegyptiorum placitis hoc Pythagoram hausisse censent. Herodotus enim scribit, neque serere fabas, neque comedere Aegyptios, atque etiam à conspectu earum abhorre; quoniam, ut ait Cicero, inflationem afferunt & animum perturbant.

Familiaria quædam habuit Symbola, quæ peti possunt ex Laërtio.

Nonnullos eius libros citat Laërtius, quam nonnulli existiment nihil scripsisse. Aurea quæ inscribuntur Pythagoræ carmina, Lysidis eius discipuli, vel alterius Pythagorici sunt. Aiunt tamen tres libros scripsisse, quos Plato centum minis, *hoc est*, mille coronatis aureis

aureis sibi emi curavit.

Fabulabatur Pythagoras se ad Inferos descendisse, ibiq; Homeri & Hesiodi animas vidisse diris cruciatibus affici, quod de Diis turpia & impia finxissent.

Verum cum annos viginti Crotonæ comoratus fuisset, Metapontum se contulit; ibiq; decessit octogenarius, vel secundum alios, anno ætatis nonagesimo. Quidam eum inediâ periisse scribunt. Plutarchus vivum exustum idq; evenisse in Milonis Crotoniatæ domo prodit, à quodam quem in disciplinam admittere abnuisset. Alij interfectum volunt à Syracusanis, dum agrum fabaceum circuibat. Tanta fuit huius Philosophi admiratio, ut ex eius domo Templum facerent, eumq; pro Deo colerent. Hoc in eius modestiæ testimonium vulgò observatur, quod cum alij doctrina exculti, se σοφῶς *sapientes* esse iactarent, hic se non Sapientem sed sapientiæ studiosum professus est: unde sequentis ævi eruditi, Philosophi dicti sunt.

Qui plura de Pythagora cupit, adeat Isocratem in *Busiride*: Diogenem Laërtium. Lucianum in *Vitarum auctione*. A. Gellium lib. 11. Apuleium *Florid.* 2. extre. & è recentioribus I. Ger. Vossium de *Phil. Antiquis*.

Spurina.



Martis Idus adfunt, Iuli: tu averte cavendo
 Fata: futura tibi est sanguinolenta dies



SPURINA

Iulij Cæsaris cædes variis prodigiis & prædictionibus denunciata est. Author enim est Corn. Balbus, familiarissimus Cæsaris, *referente Suetonio*, paucos ante huius mortem menses, cum in colonia Capua deducti lege Iulia coloni, ad extruendas villas sepulcra vetustissima disuicerent, tabulam æneam in monumento in quo dicebatur Capys, conditor Capuæ, sepultus; inventam esse conscriptam literis verbisq; Græcis, hac sententiâ, *Quando ossa Capys detecta essent, fore ut Iulo prognatus manus consanguineorum necaretur, magnisq; mox Italiae cladibus vindicaretur.* Sed cætera eiusmodi nunc quidem mitto. Vivebat Romæ, Iulij Cæsaris tempore, Spurina Aruspex celeberrimus, quem ob augurandi scientiam & vaticinia, tantopere laudant eius seculi authores. Inter cæteras quæ illi tribuuntur prædictiones, memorabilis est illa ad Cæsarem adhortatio, *Caveret periculum quod non ultra Martias Idus proferretur.* Cum is dies advenisset, & Cæsar in Curiam proficisceretur, quanquam dehor-

tante Calpurnia vxore , somnio exterrita , occurrit fortè Spurina , ad quem Cæsar conversus, eum irridebat, & vt falsum arguebat, quod sine vlla noxa Idus Martiæ adessent. Cui respondit Spurina, *Venerunt quidem, sed non præterierunt.* Ac sanè vix Curiam ingressus est & Tribunali confedit Cæsar , cùm eum specie officij circumsteterunt coniurati; illicoq; Cimper Tullius ab utroque humero togam apprehendit , deinde Cassius adversum vulnerat paulò infrà iugulum ; denique reliqui coniurati strictis gladiis, Imperatorem, ad statuam Pompeij , humi iacentem, tribus & viginti plagis confoderunt.

APOLLONIUS

Apollonius Tyaneus

*Inspexi secreta Deum: et concessa facultas
Naturæ exacta cognitione frui.*



APOLLONIUS TYANÆVS

Propagatâ per totum orbem terrarum Evangelij doctrinâ, quam Apostoli variis miraculis confirmabant, Diabolus multos Pseudopphetas, Magos & Impostores suscitavit, qui homines à Christo averterent falsis suis miraculis & vaticiniis. In his famosissimus fuit Apollonius Tyanæus, qui Apostolorum temporibus vixit, præcipuamq; navavit Caco-dæmoni operam. Is Tyana vrbe Cappadociæ natus est, patre viro nobili. Adolescentiæ annos audiendis & legendis Philosophis dedit, magnosq; brevi progressus in scientiis fecit. Pythagoricis peculiariter se addixit, ad quorum doctrinam naturali instinctu inclinabat; abstinens ab esu carniû, & omnibus ciborum vestiumq; deliciis, oleribus tantum & terræ fructibus vitam sustentabat. Maxime vſi vini fugiebat, quòd eius potu mentis aciem retundi & offuscari crederet. Amictum non ex lanâ sed ex lino tantum gerebat; comam & barbam nutrebat.

A re venerea per totam vitam abstinuit.
Silentium

APOLLONIVS TYANÆVS 149

Silentium per quenquennium exactissimè servavit. Maximam terræ partem peregrinando lustravit. Brachmannos in Indiam, & Gymnosophistas in intimam Aethiopiam, adiit. Huic se Damis Assyrius, fidelem constantemq; peregrinationum comitem, adiunxit. A Regibus omnibus comiter & honorificè exceptus est. Cùm pecuniam, vestes & victum delictiorem liberaliter offerrent, omnia recusabat; panem tantùm & olera agrestia secum ad viaticum sumebat. Is semper fuisse perhibetur inter temulentos abstemius, inter purpuratos linteatus, inter vnguentatos horridus, inter luxuriosos frugalissimus. Ab omnibus civitatibus quas adibat, communi magnatum & populorum applausu excipiebatur, multùmq; honoris iis vrbibus conferri putabant omnes, ad quos divertere dignabatur.

Apollonius, si Philostrato qui eius vitam scripsit, sit fides, tot edidit miracula, vt eum Hierocles quidam, ausus sit cum Christo conferre; cuius opinionem impiam integro libro refutavit Eusebius. Apollonium enim non dubium est summum impostorem fuisse qui præstigiis & fascinationibus vsus est, partim ope Dæmonum, partim adhibitis naturalibus

150 APOLLONIVS TYANÆVS

proprietatibus quas exactè callebat. Eius prodigiosè gesta, hæc inter alia produntur.

Cùm Ephesi esset, vrbis misertus ingemuit, prædixitq; brevi pestilentiam, maximam civium partem absumpturam; cumq; iam lues grassaretur, accitus vt tantæ calamitati succurreret, illuc accurrit, contulitq; se in Theatrum, vbi ostendit amicis senem quendam mendicum, fordidum & pannosum, vultuq; horrido. Hunc Apollonius iussit à populo lapidibus obrui, affirmans esse Dæmonem ἀλάττωρα vastantem urbem; quod cùm factum esset, statim pestis contagium sedatum. Cumq; post paucos dies amota esset lapidum congeries, caninum corpus inventum est.

Narrat præterea Philostratus, Menippum quendam adolescentem formæ eximia, à Lamia (aliter Larvas, Empusas, Strigas, Lemures indigetant) amatum fuisse. Aiunt enim eas ad Venerem pronas, amore formosorum æstuaræ, & cum iis impudico coitu copulari, quos postea expleta libidine devorant. Eam itaque Lamiam, formam venustissimæ puellæ assumpsisse, eoq; rem devenisse vt hanc vxorem ducturus esset Menippus. Cùm autem iam in thalamum convenissent, adveniens Apollonius,

nus , Dæmonis agnovit technas , adolescentisq; misertus , exorcismo phantasma repulit , & omnem ad nuptias apparatus , oculos spectantium fallentem , in nihilum redegit ; hocque modo miserum iuvenem à præsentis periculo liberavit.

Cùm regnante Nerone Romam venisset , aiunt puellam nuptiarum die mortuam , quæ feretro efferebatur , invocaf onumine , ad vitam revocasse.

Dum moraretur Alexandriae doceretq; media populi turba , leo ad eius pedes tanquam supplex se demisit , pavidis cunctis ; *Hic leo , inquit Apollonius , me rogat ut doceam , illum animam hominis habere ; fuit enim olim Amasis Rex Aegypti , qui iuste & sincerè vixit . Hunc censeo publico censu alendum ; indignum est enim Regem in regiam belluam conversum , mendicare tanquam egenum .*

Ea , rugitu leo in lacrymas profusas versus , se probare testatus est.

Porphyrus lib. 3. περὶ ἀποχῆς narrat , sua ætate de eo dici solitum , cum audivisset hirundinem cum multis vociferantem , sodalibus suis quos secum habebat Apollonius , exposuisse , indicare illam cæteris , a sellum onustum frumento ante urbem cecidisse , frumentumque

152 APOLLONIVS TYANÆVS
humi fufum eſſe. Veriſimilius eſt quod Euna-
pius & Philoſtratus hoc paſſeri tribuunt, hi-
rundo enim frumento non veſcitur. Volebat
autem Apollonius hoc facto, perſuadere ſe
garritus avium intelligere; quod veteres de
Tireſia, Pythagora, & Melampo ſunt fabulati.
Sed hoc eſt incredibile, cùm enim beſtiæ ra-
tione careant, nequeunt diſcurſu uti: fateor
affectus corporis & appetitum, poſſe vocibus
ſuis indicare; & horum notitiam poſſe diutur-
na obſervatione ab hominibus deprehendi;
poſſeq; Dæmonem qui hæc habet perſpectiſ-
ſima magos ea docere; Hoc pacto doctus eſt
Apollonius.

Tarſi, adoleſcens à rabido cane morſus, in
caninos mores tranſierat, adeò ut latraret, &
in manus incederet. Tarſenſes remedium ab
Apollonio petunt; hic ubi venit, canis vocatu
Apollonij, iubetur lambere vulnus adoleſcen-
tis, quo facto adoleſcens & ipſe ſanati ſunt.

A Domitiano, quòd eum maledictis infe-
ctatus eſſet Apollonius, in carcerem coniectus
eſt, & compedibus vinctus detinebatur. Ad
eum cùm veniſſet Damis de eius vita multùm
ſollicitus, *Deme hunc metum*, inquit Apollonius,
frustra te angit mea calamitas. Hinc te aufer ocius,

APOLLONIVS TYANÆVS 153

& subito cursu Dicæarchiam pete; meq̃ illic statim tibi adfuturum expecta. Tum moto crure compe-
des excussit, ac rursus recepit. Paruit Damis,
& Roma excedens Dicæarchiam contendit.
Aliquantò post ad Domitiani tribunal accersitus
Apollonius, crimina obiecta diluit, & multa
hominum caterva stipatus qui in eum intentos
fixerant oculos, ex eorum aspectu sublatus,
disparuit; ac Damidi Dicæarchiæ agenti non
expectatus adfuit.

Verum vaticiniis & prædictionibus non minorem quàm ex prodigijs famam comparavit.
Cum Athenas venisset, ibiq; ab omni Civitate
summis honoribus esset affectus; ab hierophanta
Sacerdote, qui Epidauria sacra celebrabat, tanquam
incantator & dæmoniacus, prohibitus est sacris
initiari: Hanc repulsam patienter tulit Apollonius,
sed mortem prædixit Sacerdoti, cui succederet
alter à quo vltro admitteretur; quod & brevi
evenisse narrant. Cum Syracusis natus esset
puer triceps, prædixit Apollonius hoc ostento
significari propediem tres Imperatores Imperium
occupaturos, quorum potentia statim corrueret;
quod in Galbâ, Othone & Vitellio impletum est,
qui omnes vnius anni spatio interierunt.

154 APOLLONIVS TYANÆVS

Syracufis folvens ad Leucadem tranfiit, vbi navem mutavit, prædicens eam qua vectus erat, paulò poft naufragio perituram. Ea poftera die fubmerfa eft.

Titus Imperator cùm hunc de fato vitæ fuæ interrogaret, refpondit, *Fatum Ulyffis illi impendere*, qui à filio Telegono occifus eft. Titus autem à fratre Domitiano veneno fublatus eft.

Dum Ephesi effet, & in Xyfti luco meridie difputaret, fubitò exclamavit, *Euge Stephane, percutite tyrannum, percutite tyrannum*. Aliquot poft diebus renuntiatum eft Ephesi; Domitianum à Stephano, eadem hora qua Apollonius exclamavit, fuiiffe confoffum.

Triginta poft Domitiani mortem diebus, Nerva Imperator dictus eft. Is per epiftolam ad fe accerfivit Apollonium, vt eum affefforem haberet & confiliarium. Cui ipfe refpondit, *Nos brevi, ô Imperator, & quidem diu femel erimus, ubi neque nos aliis, neque alij nobis imperabunt*. His verbis prædicebat fe & Nervam brevi morituros. Poft annum autem vnum, & menses quatuor, tum ipfe tum Nerva vivere defierunt.

Quin multa fabulosè de Apollonio fcripferit

APOLLONIVS TYANÆVS 155

rit Philostratus, non dubium est. Sed cum Iustinus Martyr, Suidas, aliiq; , eius præstigi-
um meminerint, & eo nomine ab Ethnicis
religiosè cultus sit; quin insignis Magus fuerit,
inficias iri non potest.

Nullum illi Tyanæi sepulcrum constitue-
runt, cum eius corpus nusquam inventum sit;
sed statuis sacrisq; ceremoniis venerati sunt.

Lampridius scribit, Alexandrum Severum
Imperatorem, habuisse in larario imagines
Christi, Abrahami, Orphei & Apollonij,
quos colebat ut Deos, vel ut viros sanctissi-
mos.

Caracalla Severi filius, eum quoque reli-
giosè coluit; templumq; Heroum statuit, ubi
oracula ab eius umbra sciscitaretur. Helioga-
balus eidem Cenotaphium splendidissimum
erexit, ut testatur Dio. Nec mirum, uterque
enim Imperator Magiæ ad insaniam usque stu-
diosus fuit.



Utilius fuerat nobis nescire futura
Cogor enim irato fata Valente pati.



IAMBLICVS

IAMBLICI vitam scripsit *Eunapius*; multa- *Socr. l. 4.*
 que de eo habent historiæ Ecclesiasticæ Scri- *c. 19.*
 ptores, Socrates, Sozomenus, Paulus Diaco- *Sozom. l.*
 nus, Zonaras aliique, è quibus sequentia ex- *6. c. 35.*
 cerpsimus. *P. Diac.*
l. 11. c.
12. Zon.
To. 3.

Is fuit Philosophus Pythagoricus, inter A-
 cademicos cognomento *Divinus*, & Sacerdos
 Magnus, è Chalcide Syriæ oriundus; Anatolij
 primùm, mox Porphyrij illius Apostatæ, Chri-
 stianorum hostis acerrimi, magique execrandi,
 discipulus.

Florere cæpit temporibus Constantini Ma-
 gni, & vitam ad Valentinum vsque produxit.
 Tantùm memoria, ingenio & iudicio valuit,
 vt brevi tempore secundas post præceptorem
 Romæ obtineret, nec ab eo quicquam differ-
 re videretur quoad doctrinam. Moribus in
 speciem adeò probatis fuisse dicitur, vt eius vi-
 tæ abstinencia modestiaque, ea tempestate no-
 minatissimæ fuerint; frugalitate victus summa,
 humanitate mirabili erat. Cæterùm Magus
 fuit insignis, vt Pythagorici omnes, & Chri-

stiani nominis osor & insectator, vnà cum Sophista Libanio, & Maximo Ephesio coævis, virulentus.

His artibus, facilè apud Iulianum Imperatorem graciosus fuit. Hic enim & Christianos oderat maximè, & Magicis artibus perpetuò deditus fuit, easque exercuit: quod post interitum eius tandem deprehensum est, inventà in Templo, (quod per milites accuratè, ne quis ingrederetur custodiri iusserat) muliere crinibus suspensa & manus extendente, cuius alvum profecturus in Persas aperuerat; vt seu victoriam, seu belli quemcunque eventum in iecore eius rimaretur.

Multa de Iamblico fidem superantia narrantur, quibus patet illum Cacodæmonis ope adiutum fuisse. Aiunt cùm in Templo Deorum preces funderet, vultum illius mutari solitum, & præter naturæ vim in omnium conspectu, ab humo plusquàm decem cubitis in sublime attolli, nullo fulciente, sed tanquam in aëre pendentem, corpore & vestimentis in auri speciem refulgentibus. Acclamabant tanquam Deo alicui præsentī mirabundi astantes, numineq; cælesti afflatum demissis capitibus venerabantur, donec absolutis precibus in pristinam

itinam formam rediret , & in terram modico motu, illæsus descenderet.

Narrat Eunapius eum cùm aliquando urbem confabulando cum discipulis ingrederetur , fixis derepentè in terram oculis exclamasse, *Agite, inquit, aliam viam ineamus; Non enim procul hinc cadaver effertur, cui nos occurrere non licet, ne polluamur.* Itaque alio itinere progressum sequuti sunt comites : sed Aedesium quidam cum aliquot aliis, cæptum iter profecuti, incurrunt in vespillones , qui cadaver defuncti tumulo mandaverant.

Aegyptius quidam Magus , media populi turba, exorcismis & coniurationibus, profitebatur se evocaturum Apollinem ; qui postquam comparuisset forma vegeta & corpulenta , spectatoresq; omnes attoniti adstarent; Iamblicus qui eò venerat , ad suos conversus; *Desinite, inquit, mirari ô sodales; Non enim hic est Apollo, sed gladiatoris cuiusdam, qui singulari certamine occubuit, spectrum:* Utq; id probaret, effecit ut umbra illa subitò disparuerit.

Refert idem Eunapius Iamblicum aliquando cum discipulis suis venisse Gadara urbem Syriæ , vbi sunt thermæ saluberrimæ, quibus vix ullæ comparari possunt. Ibi cùm lavaret,

orta de balneis disceptatione, iussit discipulos
 sciscitari ab indigenis, quibus olim nominibus
 donati fuissent è calidis fonticulis minores, sed
 cæteris elegantiores, venustioresq;. Gadarense
 responderunt se causam nominum ignorare,
 vni tamen è rivulis *Amori* nomen esse, alteri
Anterori. Confessim ipse, contactâ manu
 aquâ (sedebat enim in crepidine fontis vbi de-
 pletur ac superfunditur alveus) paucis admur-
 muratis verbulis, de fontis imo pusionem ex-
 civit candidum, commoda statura, capillitio
 in fulvum aurum tincto, dorsi cute nitida, qui
 totus lavanti aut loto similis erat. Attonitis
 rei novitate comitibus, ad proximum fonticu-
 lum transiit, ibiq; eadem quæ prius peragens,
 alterum *Amorem* evocavit priori per omnia
 similem. Ambo pusiones circumfusi, arctis
 complexibus Iamblico velut patri inhærebant,
 eumq; hilari & ridente vultu amicè salutabant.
 Hos ille molliter exceptos demulsi, atque
 vnumquemque proprias sedes repetere iussit,
 dicens adstantibus, illos esse loci Genios, pro-
 motores aquarum repentium, quæ ad lavacra
 erant necessaria.

Scripsit Iamblicus librum de Mysteriis, vbi
 votò & adoratione sacrificium fieri perfectius
 docet,

docet , iisq; totam religionem constare , vt quibus conflatur animarum & Dei connexio. Alio loco rationem reddere conatur cur Magi in incantationibus suis plerunque adhibeant voces barbaras & nihil significantes. Ait eiusmodi nomina, vtcunque nobis prorsus incognita, habere tamen apud Deos notiones suas. Multa alia scripsit, quorum pars adhuc hodie exstat.

Magiæ peritus fuit , non solum illius naturalis , quæ per virtutes & facultates rerum naturalium operatur , sed eius quæ ope Dæmonum vtitur. Non modò Theurgiam exercuit qua sacrificiis & quibusdam aliis ceremoniis evocantur Dæmones, quorum afflatu occulta cognoscebat , & futura prænuntiabat, miraq; edebat opera ; sed & Goetiam ac Necromantiam , qua excitare se aiebat mortuorum animas, & per eas de rebus occultis & futuris responsa captare.

Nefarium illum mortem sceleribus dignam obiisse , referunt Scriptores Ecclesiastici. Valente Imperium tenente, quidam Magi & Philosophi, inter quos Iamblicus, incrementum Christianæ religionis ægrè ferentes, iniere consilium de prænoscendo quis esset Valenti in-

*Aleſtrio
mantia.*

Imperio ſucceſſurus, an è Chriſtianis aliquis; hocq; divinationis genere uſi ſunt. Omnes elementarij elenchi literas pavimento inſcripſerunt, quas tritici granis operuerunt, recitatique quibuſdam magicis carminibus, gallum gallinaceum admiferunt, vt ex quibus literis granum ſumeret, animadverterent quis ſucceſſor à Diis deſtinaretur Imperatori: gallus autem grana omnia roſtro petiit quæ has literas Θεοδ. tegebant; vnde Theodorum virum inter ſatellites Imperatorios inſignem, ſed Gentilem, Imperio potiturum opinione augurati ſunt. Cùm ea res Valenti innotuiſſet, ira inflammatus eſt, quaſi vitæ ſuæ inſidias ſtruſſent. Quare Magos & Philoſophos pluſquàm centum trucidari iuſſit. Iamblicus extrema ſenectute preſſus, ne ad ignominioſum ſupplicium traheretur, hauſto veneno ſibi mortem conſcivit. Interea Imperator ſucceſſoris metu, omnes Theodoros, Theodulos, Theodotos, & Theodoritos illuſtres genere, vel potentia & opibus præſtantes, de medio tolli iuſſit. Verùm Theodoſio, Hiſpani principis filiolo, cuius patrem cognominem interfecerat, imprudens pepercit; qui illi poſtea ſucceſſit. Alij aliter factum Magorum enarrant.

Zonaras

IAMBLICVS

163

Zonaras *Tom.* 3. & alij, id per ἀλεκτρομαντείαν *Socr. l. 4.*
 vti diximus, egisse scribunt. Socrates dicit fa- *c. 15.*
 ctum per νεκυμαντείαν. *Sozom. l. 6. c. 5.* Sozomenus per oracu-
 lum ex tripodis machina laurea, quem Nice- *Niceph. l. 11. c. 45.*
 phorus sequitur. Ammianus verò illius tem-
 poris scriptor, longè aliter. Hunc vide
libro 26.

X

2

DE
SIBYLLIS.

alijsq;

MVLIERIBVS

FATIDICIS.

LIBRARY

UNIVERSITY OF CHICAGO

1892

DE SIBYLLIS

ET

LIBRIS SIBYLLINIS



SIBYLLARVM nomen, magna in veneratione fuisse apud Veteres, constat. Credebantur esse mulieres Deo plenæ, quæ cùm pectore divinum numen recepissent, vaticinabantur. Ita dictas ait Servius in *Aen.* 4. quasi Σιῶ βυλλᾶς *Consilij Deorum participes*. Dores enim & Aeoles pro Θεῶν dicunt Σιῶν. Quid si huius nominis Etymon arcessatur à Rabbinico קִיבֵּל *Kibbel*, recipit, accepit; vnde *Kabbala* vocatur Theologia mystica, doctrina scilicet cœlitus traditione accepta?

Regnante Romæ Tarquinio Prisco, (vt *Dion. Lactantius* ex Varrone observat; non *Superbo* *halic.* vt habent Dionysius Halicarnasseus, Plinius, *l. 4. Plin. l. 13. c. 13. Gell. 1. c. 19.* & Gellius,) anus quædam hospita atque incognita, Regem adiit, novem libros ferens, (*Plinius tres tantum memorat*) quos esse dicebat divina oracula, eos velle venundare. Tar-

quinius precium percunctatus est; mulier immensum poposcit: Rex quasi anus desiperet risit: tum illa tres è libris, spectante Rege, flammis dedit; & ecquid reliquos sex eodem precio emere vellet, Regem denuò interrogavit. Sed enim Tarquinius id multò risit magis. Mulier itidem tres alios libros exussit, atque id ipsum placidè interrogavit, an tres reliquos eodè precio emat. Tarquinius iam ore serio atq; attentiore animo fit, eam constantiam confidentiãq; non insuper habendã intelligit: libros reliquos tres mercatur nihilo minore precio quàm quod erat petatum pro omnibus. Sed eam mulierem tunc à Tarquinio degressam, postea nusquam loci visam constitit. In tribus igitur illis de novem relictis libris, quum Tarquinius fata Romanorum, & alia miranda contineri vidisset, Duum viros Sacerdotes constituit, quorum fidei ac custodiæ mandarentur. Erantq; illi è civibus illustres viri, qui huic Sacerdocio præficiebantur. Horum officium erat, Libros Sibyllinos custodire, eosq; si Senatusconsulto jussi essent, adire & quæ legissent, propositæq; quæstioni apposita invenissent, Senatui fideliter referre; omniaq; ea, quæ Sibyllinorum oraculorum iussu facienda erant, peragenda procurare

procurare. Ipsi libri Romæ, in delubro Iunonis quod erat in æde Iovis Capitolini, in cella quadam subterranea, arcæ lapideæ inclusi asservabantur. Fas autem non erat absque iussu Senatus, libros Sibyllinos adire, vel aliis legendos nedum describendos, concedere. Itaque quum Duumvirum alter, M. Attilius, Petronio cuidam hos Libros describendos dedisset, & ita patriæ sacra profanasse, arcanaq; prodidisse visus fuisset; Tarquinius eum culeo bubulo insutum, tanquam parricidam, in mare proiecit. Nihil enim Romani ^{ἔτε ὁσίων ἔτε} *Dion. Hal. l. 4.* ^{ἱερὸν} (ut ait *Dionysius Halicarnassensis*) tam diligenter quàm Sibyllina oracula, custodiebant.

Post 213. annos Duumviri abrogati, & eorum loco Viri decem nobilissimi & integerrimi custodes creati, quorum idem officium quod Duumvirum antea. Ij, *Sacrorum Decemviri* dicti. Mox XV viris libros fatidicos committere visum est. Tandem verò numerum eorum ad XL viros auxerunt. Adibantur itaque hi libri in rebus arduis, tanquam fatorum futurorum oraculum quoddam; putà si prodigia apparuissent; si terræ motus fuisset; si seditionibus turbaretur status Reipublicæ; si in bello insignis aliqua clades accepta esset; si pestilentia

oborta, aut fames grassaretur. In his & similibus casibus, consulebantur libri Sibyllini à Sacerdotibus, præeunte Senatus consulto; ut quid facto opus esset ex his edocerentur. Et sæpè urbem à gravissimis periculis liberasse crediti sunt; ideoq; divino numere concessos æstimabant. Cùm verò anno urbis 671. ante Christum 83. sive per insidias, ut quidam autumarunt, sive fortuito incendio conflagrasset Capitolium, simul interierunt libri Sibyllini cum aliis donariis Iovis. Verùm anno septimo post incendium, restituto Capitolio, Cn. Octavius & C. Scribonius COSS. ad Senatum retulerunt, ut Erythras & in vicina loca, perq; omnem Græciam mitterentur Legati, qui carmina Sibyllina quæcumque adipisci possent colligerent, & Romam deportarent; si fortè vel eadem vel similia, de fatiis Romæ inde cognosci possent. Missi itaque P. Gabinius, M. Octavius, & L. Valerius, qui passim à privatis fragmenta quædam descripserunt, & versus circiter mille congefferunt: quibus postea ex Italicis quoque quibusdam urbibus allati alij versus, cuiuscunque Sibyllæ, aut vnde quaque accepti, additi fuere. Nonnulli etiam affirmant commodum evenisse, ut dum Legati Romani

Romani conquirendis Sibyllinis occupati essent; Erythris, templo Apollinis fortè exusto, tres illi libri, quorum Tarquinius exemplum olim acceperat, in adyto quodam illius templi, ubi occultati fuerant, denuò invenirentur: quos & ipsos cum cæteris versibus collectis, Romam secum deportarunt Legati.

Verùm quantacumque cura asservarentur libri, his nihilominus aut fraude XV virorum, aut authoritate Magnatum, aut cùm Reipublicæ interesse credebatur, furtim carmina inferebantur; quæ postea Sacris præfecti, qui de compacto rem gerebant, evulgabant. Vt cùm Iul. Cæsar regium nomen & insignia affectabat, subornati sunt Quindecim Viri, qui quoniam libris fatalibus continebatur, (ita enim affirmabant) Parthos nisi à Rege vinci non posse, ut Cæsar Rex appellaretur, suadebant. Suetonius *in Iul. c. 79*. Cùm itaque multa adulterina irrepsissent; postquam Pontificatum Maximum suscepisset Augustus, quicquid fatidicorum librorum, nullis vel parùm idoneis authoribus vulgò ferebatur, super duo millia undique contracta cremavit, ac solos retinuit Sibyllinos. Hos quoque delectu habito, condiditq; duobus forulis auratis sub Palatini A-

pollinis basi, vt narrat idem Suetonius *Aug.* c. 31. At cùm iterùm atque iterùm sub Nerone conflagrasset Roma, iisq; flammis haustæ sint eæ vrbis regiones in quibus reconditi erant Sibyllini libri, quin & ipsi combusti sint, vix dubitari potest.

Ex his satis patet de Sibyllis nihil certi habuisse Ethnicos: Verùm cùm nihilominus affirmarent Sacris præfecti, se divinos servare libros, quorum arcana in vulgus produci nefas esset; vt in vetita nititur ingenium humanum, tantò avidiùs occulta noscere multi expetebant. Id deceptores compulit, vt subinde fictitios versus quos Sibyllis adscribebant, e-mentirentur: quia verò ij Rempublicam non spectabant, quò minùs in vsu essent cupientibus, prohibitum non erat.

Eandem occasionem avidè arripuerunt quidam falso zelo Christianæ religionis promovendæ incensi: nondum enim abierant anni centum à morte Christi, cùm plurima carmina Sibyllina præferebantur, quibus Ethnici ad fidem allectarentur. Idq; sic passim & imprudenter factitabatur, vt Ethnicos non lateret fucus, qui populari dicterio, Christianos *Sibyllinos* appellabant.

Extant

ET LIBRIS SIBYLLINIS 183

Extant etiamnum hodiè octo libri vulgò *Sibyllini* dicti, qui à Iustino Martyre scriptore antiquissimo, Clemente Alexandrino, & plerisque veteribus Christianis, pro vero & genuino Sibyllarum fœtu censentur.

Iust.

Mart.

Apol. 2.

Cl.

Alex.

Strom.

Hos tamen post annum Domini 130. fictos fuisse, & res ipsæ liquidò vincunt; & clarissimus Blondellus, opere Gallico de Sibyllis, luculentissimè demonstravit.

Primò enim quis credat Gentiles voluisse in Prophetissarum numerum admittere, quæ se scortum & prostibulum fuisse fatetur *lib. 7. in fine.*

Μύρια μὲν μοι λέκτρα, γάμος δ' ὅδε ἰς ἐμελῆθη.

Talis si Paganorum fuisset Sibylla, non adeò fuisset inter illos decantata, quippe qui adulterium summoperè execrabantur. Quid quod Græcè scripsit cùm nondum erat lingua Græca; & ignoravit linguam Hebraicam quæ tamē sola tunc erat, si verum est quod personata illa Sibylla refert, se scilicet cū Noha in arca fuisse? Præterea plena sunt mendaciorum spuria hæc Sibyllina oracula, & S. Scripturæ contradicunt. Moses *e. gr.* narrat Noham degisse in arca annum integrum; at Sibylla illa fictitia dicit illum degisse tantum per XLI. dies. Pariter

ἀντίγρον est quod dicit de monte Ararat, illum in Phrygia situm esse, eumq; post diluvium emeruisse.

Authorem horum carminum fuisse Christo posteriorem hinc patet, quod multa narrat quasi præterita, quæ nonnisi post Christum natum contingere; ut cùm affirmat falsa Sibylla se vidisse alterum ædis Vestalis incendium; at verò illud contigit sub Imperio Commodi, C LXX. anno Christum, aut circiter. Dicit etiam *lib. 2. circa finem*, damnatos liberandos postquam pœnas infernales per aliquot secula erunt perpeffi; qui Origenis fuit error, antè ignotus. Meminit etiam ludorum Iselastico- rum, qui Traiani tempore demum innotuere, *teste Plinio secundo*. Verùm, ut hæc aliaq; multa prætermittam, vel hoc vnum fidem facit hæc carmina à Paganorum Sibyllis non esse profecta, quod illa clariùs enunciant futura de Christo, quàm ipsi Prophetæ. Esaias ait Virginem parituram; ficta verò Sibylla, *Maria virgo pariet Iesum in Bethlehem*. Exactè notat omnes circumstantias, nomina propria personarum de quibus vaticinatur. Prædicit *e. gr.* baptismum Christi in Iordane; descensum Spiritus S. sub forma columbæ, aliaq; de quibus nihil

nihil legitur apud Prophetas. Extat etiam in iis carminibus acrostichis, in qua primæ literæ versuum sunt, Ἰησοῦς Χριστὸς Θεοῦ υἱὸς σωτὴρ & αὐτὸς; Id est, *Jesus Christus Dei Filius, Servator, Crux.* Sanè si quæ talia scripserunt, fuerunt mulieres Ethnicæ, ab eiusmodi infidelibus superatos sanctos Prophetas vaticiniorum claritate, fatendum erit. At si id verum est, qui stabit quod affirmat David *Psal. 76. Deum in sola Iudæa cognitum esse?* Item *Psal. 147. Deum annunciasse verba sua Iacobo, sua statuta & mandata Israël, non ita fecisse cæteris gentibus; ideoq; has eius iudicia ignorare?* Cur Paulus tempora ignorantie vocat, ea secula quæ Evangelij prædicationem antecesserunt? Cur idem affirmat *Act. 14. Deum præteritis ætatibus fuisse Gentes ipsarum viis incedere?* Cur eam esse diceret præstantiam Iudæorum, *Quod iis credita sunt oracula Dei, Rom. 3.?* Cur Gentiles cum Iudæis collati, vocantur *Gentes intelligentiæ expertes, Rom. 10.?* Ea omnia verè dici non possunt, si Ethnici clara illa & Prophetica longè evidentiora Sibyllarum carmina habuerunt. Illorum tempora non ignorantia, sed lucis & cognitionis fuerunt. Nulla fuit præ iis prærogativa Iudæorum; imò maxima fuit Ethnicorum in Iudæos, quibus Sibyllæ

oracula Prophetica longè clariora, fuderunt.

Vnum præterea addo, supposititia esse hæc scripta & post Christi tempora conficta, inde etiam liquere; quod apud Platonem, Aristotelem, Theophastrum, & tot alios è Paganis curiosissimos omnium disciplinarum scrutatores, eorum quæ apud Sibyllas miramur, nullum penitus exstat vestigium. Fuit ergo id Christianorum inventum, sub initia Novi Testamenti. Primis enim illis Ecclesiæ temporibus, quàm plurimi extiterunt, ut legentibus historiam notum, qui palmarium iudicabant, cælestem veritatem figmentis suis ire adiutum; quò facilius scilicet nova doctrina à Gentilibus admitteretur. *Pias fraudes, & officiosa mendacia* ista vocabant, bono fine excogitata. Eo ex fonte orti sunt libri sexcenti, quos illa ætas & proxima viderunt, de quibus consulendus Doctissimus Dallæus *De usu Patrum, & Pseudepigraphis*.

Sed ut fictitia illa carmina mittam; quæ de ipsis Sibyllis tradiderunt Ethnici, adeò incerta sunt & confusa, ut de numero, patriâ, parentibus, de loco vaticiniorum, tempore & aliis, maxima inter eos sit discrepantia. Alij vnam tantum fuisse commemorant; eamque, alij Iovis, alij Apollinis, alij aliorum parentum filiam faciunt.

ciunt. Quidam Aegyptiam, alij Samiam, alij Cumæam, alij Erythræam, alij aliunde oriundam contendunt.

Quorumcunque autem parentum, & cuiuscunque patriæ fuerit; ea ab Apolline cuius Sacerdos fuerat, adamata dicitur, qui ei quicquid vellet poscendi arbitrium obtulit; Illa arenam manibus hausit, & tot annorum quot arenularum corpuscula essent, vitam poposcit, quam Apollo ei præstitit. Eam sic loquentem inducit Ovidius *Metam.* l. 14.

——— *Dum Phæbus corrumpere dictis*

Me cupit, Elige, ait, virgo Cumæa, quid optes:

Optatis potiere tuis. Ego pulveris hausti

Tot mihi natales contingere vana rogavi.

*Excidit, ut peterem iuvenes quoque protinus
annos.*

Hos tamen ille mihi dabat, æternamq; inventam,

Si Venerem paterer. Contempto numine Phæbi

Innuba permaneo. Sed iam felicior ætas

*Terga dedit, tremuloq; gradu venit ægra se-
nectus;*

*Quæ patienda diu est. Nam iam mihi secula
septem*

Acta vides, superest numeros ut pulveris æquem,

Tercentum menses, tercentum musta videre.

Illa igitur Cumis in Campania Italiae, per multa secula in thalamo subterraneo habitans, interrogantibus responsa dabat. Oracula in palmarum foliis consignare solitam esse, Virgilius canit *Aeneid.* 3.

*Insanam vatem aspicias, quæ rupe sub ima
Fata canit, foliisque notas & nomina mandat.
Quæcunque in foliis descripsit carmina virgo
Digerit in numerum, atque antro seclusa re-
linquit.*

Adeo autem eius vaticiniis certa fides fuit habita, ut etiam in Proverbium eius folia abierint; & si quæ indubitata haberi deberent, *Sibyllæ folia* dicerentur, Iuven. *Sat.* 8.

*Quod modo proposui, non est sententia: verum est.
Credite me vobis folium recitare Sibyllæ.*

Eam esse memorant quæ libros Tarquinio, de quibus supra, obtulit. Alij verò plures fuisse eiusmodi *μάντιδας* volunt, sed de numero non concordant. Martianus Capella in fine libri 2. duas tantum agnoscit, Erythræam & Phrygiam. Plinius & Solinus tres, de quibus Aufonius,

Et tres fatidicæ, nomen commune, Sibyllæ.

Aelianus quatuor. Alij sex. Dionysius lib. 1. novem. Marcus Varro, decem. Alij denique

denique duodenarium numerum statuunt; quarum sequentes paginae exhibent icones, & eorum quæ de iis prodita sunt brevem narrationem.

Decem quas vult Varro, hoc ordine collocat; Persicam, Libycam, Delphicam, Cumæam, Erythræam, Samiam, Cumanam alteram, Helleponticam, Phrygiam, Tiburtinam.

Harum libros qui superesse dicebantur, Stilico ne ampliùs legerentur à quoquam, igni absumpsit. Theodosius autem Imperator, Collegium XXvirum cum reliquis Ethnicorum superstitionibus abolevit, anno salutis humanæ 390. Vnde & iterum patet, illa quæ hodiè circumferuntur carmina Sibyllina, genuina non esse.

Persica Sambethe, vel Saba.



*Persica seu Chaldaea fui, patre nata Beroso
Sambethe Pythijs Vaticinata modis.*

PERSICA SIBYLLA

Primam recenset Varro Sibyllam *Persicam*; quam alij *Babyloniam*, alij *Chaldæam*, alij *Hebræam*, alij *Aegyptiam* appellarunt. Nomen eius proprium *Sambetha*; vel vt Pausanias habet, *Sabba*. Natam dicunt patre Berofo, matre Erymanthe, in oppido ad mare rubrum, cui Noë nomen. Vnde aliqui Nohæ Patriarchæ filiam vel neptem fuisse contendunt, præsertim cùm l. 1. *Carm.* Sibylla, vnà se cum Noha in arca effugisse αἰπὺν ὄλεθρον, *discrimina mortis*; & lib. 3. de eodem Noha verba faciens, affirmet se eius sanguine ortam. Huius omnium antiquissimæ Sibyllæ, historiam descripsisse Nicanorem illum qui Alexandri Magni res gestas memoriæ mandavit, Lactantius ex Varrone annotat. Libros eius viginti quatuor fuisse, Suidas testis est: in quibus innumera cecinit de regnorum mutationibus, de Christo, de AntiChristo, & singulatim de Alexandro M., qua occasione etiam Nicanor eius historiam rebus Alexandri interposuit. Horum librorum fragmenta adhuc aliqua apud Lactantium

lib. 1. cap. 6. & Augustinum lib. 18. de Civit. Dei, cap. 25. passim habentur.

Tempus quo floruit, etsi vulgò diluvio definiatur, si tamen verum est quod Berofo parente progenita fuit, longè posteriorem fuisse statuendum est. Constat enim Berosum fuisse Chaldæum, & Beli in Babylone Sacerdotem, ut testis est Tatianus Assyrius *Orat. adv. Græcos*, eumq; tempore Alexandri M. vixisse. Alij non hunc Berosum recentiorem Sibyllæ Persicæ patrem fuisse dicunt, sed alium antiquissimum prophetam, qui ante bellum Troiænum vixerit. Pausanias scribit illam consuevisse cum Hebræis qui supra Palæstinam habitabant, ex quorum libris multa didicerat, ideò Hebræam & Chaldæam dictam. Hanc eandem fuisse cum regina illa Saba de qua *1. Reg. c. 10. 1.* quæ audiens famam Salomonis Hierosolymam venit, ut illius sapientiam audiret, nonnullis placet: Ac sanè Saba dicta est, & Persica, & Arabica. Verùm Beroaldus in *Chronico*, per Sabæos, Arabici sinus accolæ, item alios populos alteri sinui, Persico nimirum vicinos, intelligit: reginamq; illam sapientissimam non ex Aethiopia, sed potius Arabia Fœlici

PERSICA SIBYLLA 193

lici , aut sinu Persico , venisse statuit. Nec
ille modò , sed Martyr *in* 1. *Reg.* 11. aliiq; ;
quia regina Austri, à Christo fuit appellata : si-
nus autem Persicus & Arabia Fœlix , Iudææ
regionis respectu , ad Austrum spectant.

Libijssa vel libyca Elissa.



Ut genus e Libiya, venit mihi nomen Elissæ:
 Mi cortina Clari servit, atque Sami.

LIBYCA SIBYLLA

Libyca, vel Libyssa Sibylla secundo loco collocatur à M. Varrone, quæ proprio nomine dicta est Elissa. Hanc ex Iove & Lamia Neptuni filia procreatam, tradit Pausanias in *Phocaïcis*. Eam proprio nomine Sibyllam vocatam esse volunt, à qua omnes postea prophetissæ mulieres, propter similitudinem entusiasmæ, & inspirationem divinam, Sibyllæ cognominatæ sint. Diversis in locis oracula reddidisse fertur; in Claro vrbe Colophoniorum; inde Delphis; maximam tamen vitæ partem transegisse in Samo. Hanc eam esse censet Lactantius *lib. 1. 6.* cuius Euripides in *Prologo Lamia*, mentionem facit. Tribuuntur illi variæ prædictiones adversus idolorum cultores: Item de Christo, eiusdemque passione & miraculis: de mundi conflagratione; de Iudicio extremo, Mortuorum resurrectione, Vita æterna piis & Dei cultotibus præparata; De impiis, iraq; Dei quam certò subituri sunt; Denique de everfione urbium, & regnorum mutationibus, aliisq; cladibus, quibus à Deo irato punietur mundus.

Delphica Phoemonoe.



Reddere Boeotis consueveram oracula Delphis:
 Heroi inventrix carminis esse feror.

DELPHICA SIBYLLA

DELPHICAM Sibyllam, Suidas Thessalonicam vocat. Diodorus verò Daphnem. Quidam illam esse existimant quæ Iovis & Lamiae filia fuit ; alij Aristocratis & Hydoles ; alij ab Idæa nymphea editam dicunt , patre Theodoro. Hanc multi asserunt omnium foeminarum quæ oracula reddiderunt antiquissimam, longèq; ante bellum Troianum prophetasse. Eius ex versibus Homerum poëtam multa ad ornatum sui pœmatis sumpta transtulisse, refert Diodorus Siculus *lib. 4. cap. 6.* Suidas, ait eam quum Argivi Thebas expugnassent, inter captivos reliquos Delphos missam esse, ubi Apollinis vaticiniis divinandi peritior facta, oraculis aliquandiu inservierit. Clemens Alexandrinus, saxum quoddam iuxta Bulentarium ostendi testatur, super quo Sibylla Delphica sedens oracula cecinerit. Quumq; diu Delphis commorata fuerit, factum est ut à multis ibi nata crederetur, eademq; fuisse iudicaretur, quæ Themidis nomine aliàs celebris fuit. Huic tribuuntur multæ prædictiones, De vno vero Deo, & de Christo Salvatore.

Scripto etiam mandavit, Incarnationem, Doctrinam, Miracula, Passionem, Resurrectionem & Ascensionem Christi in cœlum. De hac Chrysippum in libro *de Divinatione*, scripsisse Lactantius ex Varrone, affirmat. In huius libris Augustinus *lib. 18. de Civit. Dei cap. 21.* se hæc verba reperisse ait; *Nascetur Propheta ex Virgine absque humana corruptione.* Vixisse dicitur ante Christum 1200. annis.

Cumæa Eröphile, vel Symmachia.



Arcani Phoebus censetur carminis auctor.
Cumæo expressi quod Pythia e tripode.

CVMÆA SIBYLLA

Cvmæa dicta est à Cumis, quæ vrbs est in Campania, omnium in Sicilia & Italia vrbiū antiquissima. Nomen habet ἀπὸ τῆς κύματος à fluctibus, nam propinqua est mari. Illic, testibus Virgilio & Solino, erat Sibyllæ facellum, in quo prophetasse dicitur. Juven. Sat. 3.

*Quamvis digressu veteris confusus amici
Laudo tamen vacuis quod sedem figere Cumis
Destinet, atque unum civem donare Sibyllæ.*

Cæterum de proprio huius phœbadis nomine plurimum discrepant inter se authores. Pausanias eam vocat *Demo*: Alij *Amaltheam*; Suidas, *Eriphilen*: Virgilius, *Deiphobem* Glauci filiam, qui & ipse clarus fuit vaticiniis ac divinatione: Aristoteles *Melanchrenam* cognominat; Lactantius lib. de *Ira Dei*, eam esse affirmat quæ Tarquinio libros fatales vendidit: Virgilius verò & Ovidius longè antiquiorem esse volunt, qui testantur ad eam venisse Aeneam sciscitatum de statu fortunarum suarum; certum autem est inter Aeneam & Tarquinium, intercessisse annos plusquàm sexcentos. Refert Iustinus

Iustinus Martyr, se cū Cumis esset in Campania, vidisse locum quendam, vbi basilica ingens erat vno fabricata saxo, ibiq; oracula reddere solitam Cumæam Sibyllam, affirmasse accolas. Eam basilicam durasse tradunt ad annū Domini 1539. quo terrę motu eversa est. Etiam nū hodiē, teste Boissardo, ostenditur super lacu Averno spelunca, quæ Sibyllæ dicitur, vasta & spatiosa, artificiosa testudine excavata; hæc post longum amplumq; meatum sub monte extēsa, tandem muro obducto finitur; qui ideò extructus est, quod plurimi advenæ curiositate ducti, per anfractus illos subterraneos, obscuros & multiplici ambage reticulatos, sese in inferiora loca demittebant; cumq; illis reditus liber non daretur, lucernis propter sulfureas exhalationes suffocatis, miserrimo vitæ exitio pœnas nimix curiositatis suæ luebant. Eam specum sic describit Virgilius *Aen. 6.*

*At pius Aeneas arces, quibus altus Apollo
Præsidet, horrendæque procul secreta Sibyllæ
Antrum immane petit; magnum cui mentem
animumq;*

*Delius inspirat vates, aperitq; futura &c.
Talibus ex adyto dictis Cumæa Sibylla
Horrendas canit ambages, antroq; remugit,*

*Obscuris vera involvens. Ea fræna furenti
Concutit, & stimulos sub pectore vertit Apollo.*

Huius Sibyllæ nomine feruntur varia oracula; De vno Deo; De Christo vero eius filio, æquali patri; De eius incarnatione & à Virgine Maria ortu; De adoratione Magorum in Bethlehem &c.

Vulgò creditur ex huius prædictionibus, Virgilium petiisse Eglogam suam quartam, in qua γενεθλιακὸν Salonini Pollionis filij describit, cuius principium est, *Sicelides Musæ* &c. in qua varia contineri putant, quæ nonnisi in Christo completa sunt, maximè quæ sequuntur,

*Iam redit & Virgo, redeunt Saturnia regna
Iam nova progenies cælo demittitur alto &c.
Te duce si qua manent sceleris vestigia nostri,
Irrita perpetua solvent formidine terras. &c.*

Ex huius Eglogæ versuum lectione Secundianum pictorem, & Marcellianum oratorem, Christianos factos esse narrant. Eamq; totam recitat Constantinus Magnus, & interpretatur de Christo. Verùm, vt optimè observavit Blondellus, nihil Christiani sapit hæc Elogia; tota Ethnica est, estq; mera assentatio, quâ Poëta Pollioni benefico cui Consulatus
tempore

*Orat. ad
Sanct.
cæsum.*

tempore natus erat filius, palpatur, proq; eius
& infantuli salute vota nuncupat. Ea q; poëti-
co more fingit; tantam scilicet sub Salonino il-
lo cūm adoleverit, omnium rerum fœlicitatem
futuram pollicetur, vt rediisse credatur ætas
illa aurea qualis erat sub Saturno, vbi & aër
saluberrimus erat, & terra fœcundissima, quæ
nullo cultu aut labore, per se dabat omnia; &
homines iustissimi qui,

————— *Vindice nullo*

Sponse sua sine lege fidem rectumq; colebant,
vt canit Ovidius: vbi reditura sit *Virgo*, id est
Astræa illa virgo quæ cūm hominum scelera
ferre non posset, se in cœlum desertis terris
receperat, vt ait idem Poëta *Metam. l. 1. 4.*

*Admon.
ad Græc.*

————— & *Virgo cæde madentes*

Ultima cœlestium terras Astræa reliquit.

Si quæ autem extabant huius Sibyllæ car-
mina, ea apud Aenam civitatem, Iuliano im-
perante combusta esse, scribit Amm. Marcel-
linus. Quæ itaque illius nomine præferuntur,
fictitia sunt.

Pariter & commentitium est quod narrant
Solinus & Isidorus, eius sepulcrum Lilybæi in
Sicilia, suo ævo adhuc mansisse. Fabulam ex
eo natam censet Cl. Bochartus, quod ad Sibyl-

*Solin. c. 5
Isid. l. 8.
c. 8.
Boch.
Geogr.
Sac. p. 2.
c. 25.*

læ nomen alludit Hebræum זבול (Zebul) *Habitatio*, quod pro sepulcro passim vsurpatur, quia in eo quivis habitat; & Arabs غمما (Gummaa) *Universitas*. Coniectat itaque Vir ille sagacissimus, quia *Zebul gumaa*, id est, *Habitatio universitatis*, seu communis omnium sedes & locus, alicui sepulcro ad Lilybæum inscriptum erat, ex illo *Zebul gumaa*, factum *Sibylla Cumæa*.

ERYTHRÆA

Erythraea Demophile sive Athenais.



*Ioniis divum responsa ferebat Erythris,
Demophile Pythio Phoebas amata Deo.*

ERYTHRÆA SIBYLLA

HÆc inter Sibyllas fuit nobilissima, eiusq; scripta apud multas nationes summa cura servata sunt, maximè Erythris, vnde Romani ea Romam transferri curaverunt. Strabo *lib. 14.* duas hoc nomine Phœbadas fuisse dicit; vnam antiquissimam; alteram recentiore, quæ responsa dabat Alexandri M. tempore. Priorem illam, volunt ante bellum Troianum vixisse, Troiæq; everfionem, & Helenam in perniciem Europæ & Asiæ nascituram, prædixisse. De eius patria discrepant authores. Lactantius Babyloniam fuisse dicit, vocatamq; Erythræam proprio nomine, non ab aliqua vrbe aut regione. Alij verò ab Erythris dictam affirmant: quod Erythræi inprimis pertinacissimè asserebant, antrum phœbadis nativitate clarum ostentantes. Vnde & Apollodorus Erythræus, eam popularem suam fuisse gloriatur.

Statim exciso Illo, Aeneæ & eius sociis futura prædixisse fertur, iussisque eos versus Occidentem eò vsque navigare, donec eò locorum pervenerint vbi mensas comederent, referente Halicarn. *lib. 1.* Quod & factum fuit, quando

quando in Italia triticeas crustulas loco mensæ substratas simul comederunt ; vbi Ascanius, teste Virgilio, *Et mensas consumimus*, exclamavit, & vaticinio de sede hac fatali fidem fecit. Quæ vulgò illius nomine feruntur carmina, varia complectuntur, De creatione mundi generatim, & hominis seorsim; De Christo Dei filio venturo: De eius miraculis; De bonis quibus mundum beaturus est; De extremo iudicio; De pœnis malorum, & fœlicitate bonorum; De fine mundi; De Antichristo, & vario Ecclesiæ statu.

Huic autem Sibyllæ nobilissimæ, Constantinus Magnus tribuit acrostichin illam de qua suprâ, cuius versuum literæ initiales, has dictiones constituunt, *Iesus Christus, Dei filius, Servator, Crux*, Sibyllamq; veram fuisse huius authorem, testem laudat Ciceronem lib. 2. de *Divin.* cuius verba sunt., *Ea quæ acrostichis dicitur, cum deinceps ex primis versus literis aliquid connectitur, ut in quibusdam Ennianis, id certè magis est attenti animi quàm furentis. Atqui in Sibyllinis ex primo versu cuiusque sententiæ, primis literis illius sententiæ carmen omne prætexitur: Hoc scriptoris est, non furentis; adhibentis diligentiam, non insani.* Verùm falsò Erythrææ Sibyllæ acrostichin illā

*Serm. ad
Conv.
Sanct.*

tribui, vel ex ipso Cicerone patet. Is enim docet eam fuisse carminum Sibyllinorum texturam & artificium, ut primus sententiæ versus, in capite & ad latus poematis scriberetur: in hoc verò Pseudo-Erythrææ poemate acrostichis ex solis ad latus literis constat, non sunt eadem in primo versu. Deinde ex eodem Cicerone manifestum est, omnia carmina Sibyllinorum librorum quæ apud Ethnicos celebrabantur, eodem artificio contexta fuisse; cum in iis octo libris carminum Sibyllinorum quos iactant Christiani, extent duntaxat triginta quatuor acrosticha. Vnde liquet horum librorum farcinatores, nec libros Sibyllinos tantoperè à Paganis decantatos legisse, nec ipsum Ciceronem, cum de Acrostichis loquitur hos intellexisse.

SAMIA

Samia Phyto sive Phijgo.



*Divino quoties pectus stimulat ab oestro
Enthea fatidicis ora resolve modis.*

SAMIA SIBYLLA

Sexta Sibylla, quæ annis plus-quàm quin-
 gentis Erythræam secuta dicitur, Samia
 fuit, nomine Phyto. *Ælian.lib. 12. Var. Hist.*
 eam vixisse scribit temporibus Numæ Pompilij.
Aug. De Civ. Dei l. 18. c. 14 Augustinus sic de ea lequitur. *Numa regnante*
Roma, & apud Hebræos initio regni Manassæ, Sa-
miam fuisse Sibyllam scribunt. Hęc post Erythræam
 docuisse fertur, Vnum esse solum Deum con-
 ditorem omnium, cognoscendum & colen-
 dum; & avertisse Gentes à cultu Dæmonum
 & Idolorum. Christum filium Dei esse dicit, &
 excandescit in Iudæos qui eum Regem suum
 non agnoverint. De præmiis bonorum &
 impiorum pœnis multa habet, eoq; spectant
 huius oracula, vt homines à vitiis avertant, &
 ad morum correctionem adducant. Suidas
 hanc primam Lyræ triangularis inventricem
 facit.

CVMANA

Cumana Amalthea vel Demophile.



Venales auro redime hos rex maxime libros.
 Romanas sortes pagina sacra docet.

CVMANA SIBYLLA

M. Terentius Varro Cumanam Sibyllam à Cumæa distinguit. Appellatam dicunt à Cumis, vrbe Locrensis agri, quæ fuit in Ionia Asiæ minoris, inter vrbes olim florentissima. Commigravit postea Sibylla in Italiam, vbi oracula reddidit. Multa vaticinata esse dicitur, De Romanorum potentia, & imperio futuro; De Christo & eius mysteriis. Plerique tamen hanc eandem esse censent cum Cumæa illâ suprâ dictâ, & perperam duas constitui. Hancq; proinde esse quæ Tarquinio Romanorum Regi, suprâ commemoratos libros vendidit.

HELLESPONTICA

Hellepontiacæ Demo vel Deiphobæ.



Marpesso orta feror celebrato in Troade vico
Phoebæ Apollineo clara ministerio.

HELLESPONTICA SIBYLLA

HAnc oracula celebri fama reddidisse Cyri
Hac Solonis tempore, id est, ante Christum
159. tradunt; & Marpessi oppido Troadis na-
tam, unde Marpesia dicta. Nomen proprium
fuit Demo. Falluntur qui eam cum Deiphobe
Glauci filia, quam consuluit Aeneas cum ex
Troade venisset in Italiam, confundunt.
De Christo etiam varia prædixisse fertur; ma-
ximè tenebras illas quæ in eius morte, medio
die sine vlla naturali causa, contigerunt.

PHRYGIA

Phrygia Phaennis .



Responsis quondam celebrata est Ancyranoſti
 Concepto incaluj quando anima Dea.

PHRYGIA SIBYLLA

DE hac Sibylla ista habentur apud Cœl. Rhodiginum l. 14. c. 1. *Dardanus Samothraciâ relictâ in Phrygiam venit ad Teucrum regem, cuius filias duas uxores duxit, Batiam & Nesonem: ex Nesone nata est filia fatidica quæ spiritu divino afflata, populis sciscitantibus responsa de futuris pronuntiabat, nomine proprio dicta Sibylla: quapropter summo honore culta est in Asia, propter communicationem quam credebatur habere cum Apolline, qui illi inspirabat oracula admiranda. Ea ut plurimum responsa sua dedit Ancyrae, quæ est vrbs Asiæ minoris, inter Paphlagoniam & Galatiam. Hanc ferunt prædixisse Christi nativitatem ex Virgine Maria, quam illi Angelus Gabriel annuntiavit; Item mortem Christi; Resurrectionem post triduum; sui manifestationem Apostolis, & quæ exhibuit impressa pedibus & manibus clavorum vestigia; Resurrectionem mortuorum, & Iudicium postremo seculo futurum.*

TIBVRTINA

Tiburtina Albunea.



Templa meo Herculeum vovit sub nomine Tibur
 Divorum interpres clara ubi visa fui.

TIBURTINA SIBYLLA

DEcima & vltima Sibylla Tiburtina fuit, quæ paulò ante Christum natum floruit. Aliàs nominata est Albunea ab Albula fluvio. Propter excellentes futurorum prædictiones ab incolis Anienis seu Albulæ fluvij, pro Dea patria culta est: maximè postquam in vivis esse desiit. Illam templo, aris & sacrificiis decoraverunt. Quia verò Tiburi ad Albulam, sua reddidit oracula, Tiburtina dicta est. Hæc dicitur Augustum Cæsarem, puerum Hebræum Virgine natum, adorare iussisse; populumq; instituisse documentis salubribus; iusticiam servandam inter homines docuisse; unicuique ius suum tribuendum; integritatem vitæ sectandam; nec quicquam admittendum quod ius concordiamq; læderet. Multis post illius mortem annis inventa est eius statua lapidea, in profundo Anienis gurgite, quam Senatus Romam solenni pompa transferri curavit, & in Templo Iovis Capitolini cum Sibyllæ libris reponi. Plinius *lib.* 34. scribit suo tempore tres Sibyllarum statuas pro Rostris positas Romæ.

EPIROTICA

Epirotica. Phaennis.



Fatidicas inter numerat Dodona Phaennin,
 Quæ cecinit Pythio plena futura Deo.

EPIROTICA SIBYLLA

Quamquam M. Terentius Varro decem tantum Sibyllas annumerat, tanquam præcipuas, quarum libri maxima religione & cura servari Romæ credebantur; certum tamen est multas alias fuisse Phœbadas, quæ Dæmonum afflatæ spiritu, variis in locis vaticinatae sunt. Ex harum numero fuit Epirotica, quæ proprio nomine Phaënnis fuisse dicitur. Fateor nonnullos velle hanc eandem esse cum Phrygia illa de qua supra, plerique tamen secus sentiunt. Tradunt eam simul atque ex utero materno prodiit, quamprimum de Vniuersi coagmentatione philosophatam esse. Fortasse ea est, quam Europæam nonnulli cognominant, quæ Thesprotiæ Epiri nata est, & in Dodonæo templo reddidit oracula. Liber antiquus qui est in Bibliotheca regia, ut refert Boissartus, illi hos versus tribuit,

*Virginis æternum veniet de corpore verbum
Purum, qui valles & montes transiet altos.
Ille volens etiam stellato missus Olympo,
Edetur mundo pauper: qui cuncta silenti
Rexerit imperio (sic credo & mente fatebor,)
Humano simul & divino semine natus.*

ÆGYPTIA

Aegyptia.



Sum Pelusiacas vates celebrata per urbes
Quæ summi ostendi mystica Sensa Dei

ÆGYPTIA SIBYLLA

Scribit Clemens Alexandrinus *in Prometheo*,
 fuisse iudicium Hebræorum tempore, re-
 gnante apud Aegyptios Pharaone Taracho,
 fatidicam Sibyllam. Ea est procul dubiò quæ
 Aegyptia dicta est, quamq; Aelianus inter
 quatuor præcipuas Phœbi Sacerdotes fatidi-
 cas recenset; Erythræam scilicet, Samiam,
 Sardicam, & Aegyptiam. Pausanias tamen
 hanc eandem esse censet cum ea quæ Persica
 dicta est, vel Aethiopica, nomine Saba. Ut-
 cunque sit, nam de his nihil certi tradi potest,
 huius nomine variæ feruntur prædictiones;
 De Christi Servatoris adventu; De eius incar-
 natione in utero beatæ Virginis; De eius mi-
 raculis, passione, & extremo iudicio. Monuit
 populos, ut converterentur ad numen illud
 summum, quod suæ divinitatis socium admittit
 neminem. Ephesini templi tota Asia celeberrimi,
 everisionem prædixit. Isidis quoque, &
 Serapis idolatriam taxat, quorum cultum ne-
 fastum abolendum pronunciat. Lælius Cleo-
 passus hos illi versus tribuit,

— *Qui Lux æterna, Lumen de Lumine, semper*
Qui

ÆGYPTIA SIBYLLA 223

*Qui fuit, estq̃, & erit, sydera summa tenens;
Virginis Hebrææ, castam descendet in alvum;
Factus homo tandem est hac genitrice Deus.
Hoc mediante Deo coniungimur : illius ergò
Progenies summi dicimur esse Dei.*

Gg

Colophonia Lampusia.



Sum Chalcante fata, et Phoebo dilecta Sacerdos,
 Responfa in culta quæ Colophone tuli.

LAMPVSIA SIBYLLA

FVisse dicitur Calchantis illius filia, qui cum Græcis in expeditionem Troianam profectus est, quem in dubiis, ceu oraculum consuluit Agamemnon Imperator, & sine cuius consilio nihil moliebantur Græcanici exercitus Principes. A parente igitur instituta Lampusia, Apollinis Pythij Sacerdos consecrata est, magnumq; nomen sibi vaticinandi peritia comparavit. Nec solum in Asia, sed per totam Græciam Europæam, celebris habita est. Maximam ætatis partem egit Colophoni, quæ vrbs est Asiæ Minoris, ex qua Homerum natum voluerunt eius cives; vnde Colophonia cognominata est.

Varia leguntur eius prædictiones; De mutationibus regnorum; De bellis, aliisque eiusmodi, quæ ad hanc vitam mortalem spectant: Item præcepta quibus homines ad benè vivendum hortatur, vt illius iram vitent, qui malos malè perdet & æternis suppliciis afficiet. De hac Strabo, *Sibylla Colophonia Lampusia dicta, à Calchante oriunda, & ipsa divinationes oraculaq;, & alia quædam versibus edidit.* Lælius

Cleopassus hoc exasticon illi tribuit,

Me Phœbi cortina tulit, Colophonia vatem

Mendacis tripodes execror usque Dei.

Est Deus aternus, qui nomine non eget; ille

Solus enim mundi possidet imperium.

Huic soli vora atque preces effundite; grata est

Illi, quæ ex puro victima corde venit.

MANTO

Theſſalica Manto



Templa Clari prima erexi, atque oracla reſolvi
 Et noſtris gaudet Mantua nominibus.

MANTO SIBYLLA

FLoruisse dicitur Manto, Creontis & Thesæi Thebanorum Regum crudelissimorum temporibus, & fuisse Tiresiæ vatis, de quo suprà, filia. Hæc post patris obitum tyrannorum sævitiam fugiens, in Asiam venit, Clarumq; appulit, vbi templum Apollini ædificavit, eiusq; sacris præfuit. Cum enim vaticinationem à patre edocta esset, Phœbiq; inspiratione adiuta, brevi in tanta celebritate fuit, vt cum clarissimis Phœbadibus & Sibyllis æquaretur. Tandem Asia relicta venit in Italiam, ibiq; à Tiberino rege Albæ Longæ adamata est, propter egregiam formam, & animi præstantissimas dotes. Ex eo suscepit Bianorem, aliàs Ocnium dictum, de quo Virgilius *Egloga* 10. & *Aen.* 10. Is mortuo patre Tiberino, (qui in Albulam fluvium, ab eo Tiberis vocatum, lapsus periit,) cum matre in transpadanam Italiæ regionem se contulit, & in ea planitie urbem ædificavit, quam appellavit *Mantuam*, de nomine matris: Sic enim Virgilius *Aen.* 10.

*Ille etiam patriis agmen ciet Ocnus ab oris,
Fœdica Mantus & Tusci filius amnis*

Qui

MANTO SIBYLLA 229

Qui muros, matrisq; dedit tibi Mantua nomen.

Mantua dives avis &c.

Nihil scriptis illa mādavit quod quidem ad nos pervenerit. Nonnulli tamen, inter quos Ruilius, affirmant eam de Christo venturo in mundum, de eius ex Virgine ortu, deq; paupertate, vaticinatam esse, ideoq; in Sibyllis numerandam. De hac Ovidius *Metam. lib. 6.*

Fab. 3.

*Nam sata Tiresia venturi præsicia Manto,
Per medias fuerat divino concita motu,
Vaticinata vias.*



Cephisi ad ripas templò sum culta Vetusto
Deucalionæi tempore diluvij.

THEMIS



έμης, fas, quod iustum est & positum ad observandum, à τίθημι pono. Gentiles, suo more, Deam faciunt, quam fingunt Cœli & terræ filiam: quia scilicet homines docet pietatem erga Deum, & iusticiam erga homines colere. Eam aiunt Saturni sororem & Iovis amitam; quæ Ogygis avi pietatem secuta, homines assiduis adhortationibus ad benè vivendum compulerit, tum voce tum exemplo; Deoq; nihil gratius esse pietate erga cœleste numen, & charitate erga proximum, docuerit. Huic honores divinos tribuerunt, tanquam Deæ iusticiæ faulrici, & Dei Sacerdoti primaria. Fatidicam etiam esse dixerunt, quæ futura hominibus prædiceret, & rerum incertos eventus explicaret. Hanc à Iove compressam fabulatur Hesiodus in Theogonia, peperisse horas Εὐνομίην τε Δίκην τε ἔν εἰρηνήν τε θαλοῖαν. Post obitum ad cœlos remeasse credita est, & illic plurimum authoritatis adepta; Iusticiæ præesse; regibus regni iura præscribere; populos ad obsequium erga præfectos cogere, æstimata est:

H h

denique in tanta veneratione fuit, vt sine eius numine existimauerint mundum constare non posse. Ideo illi Tempia & honores divinos statuerunt. Iam ante Deucalionis diluvium illi structum erat delubrum in Bœotia ad Cephissum amnem, vbi sacras sortes dare dicebatur: Huc venisse Deucalionem & Pyrrham canit Ovidius *Metamorph.* i. vt Deam consulerent, qua arte genus humanum quod diluvio perierat, reparabile esset; quibus respondit Dea, velarent caput, ossaq; magnæ parentis, id est lapides qui in corpore terræ, magnæ parentis hominum, sunt velut ossa, post terga iactarent.

CARMENTA



*Fata Italos Ventura docens Evandria mater
Est inter Latias annumerata Deas.*

C A R M E N T A

E A alio nomine Themis & Nicostrata dicta est : fuitq; Ionij Regis Arcadiæ filia. Carmenta appellata vel à Carmine, cùm enim fatidica esset, oracula carminibus reddere solebat; vel quasi *carens mente*, propter furorem quo cùm enthusiasmo correpta erat, invadebatur. Ea mater fuit Evandri. De his Livius lib.I. Dec.I. *Evander tum ea loca profugus ex Peloponneso, authoritate magis quàm imperio regebat: venerabilis vir miraculo literarum, rei novæ inter rudes artium populos: venerabilior divinitate credita Carmentæ matris, quam fatiloquam ante Sibyllæ adventum in Italiam miratæ hæ gentes fuerunt.*

Carmenta itaque propter insignem pietatem & futurorum præscientiam, existimata est commercium familiare habere cum Diis, quorum numine afflata prænosceret futura, & prædiceret hominibus ad eorum conservationem. Ideo pro Dea culta est inter Aborigenes & Arcades Tiberis incolas: Sacraq; illi instituta sunt *Carmentalia*, quæ quotannis celebrabantur à matronis 18. Cal. Februarij: ab ea dicta est porta *Carmentalis*, sub Capitolio, vbi

CARMENTA

235

vbi illi templum extructum à matronis Romanis versus Tiberim: Ita enim Solinus, *Pars infima Capitolini montis habitaculum Carmenta fuit, vbi & Carmentale fanum est; à quo Carmentalis portæ nomen.* Vnde & P. Victor in VIII. vrbis Regione ponit *Templum Carmentale*.

Dicitur autem Carmenta ex Arcadia literarum Græcarum characteres primùm in Italiam attulisse, & iis conceptum mentis exprimere scripto docuisse: quæ res prius incognita Aboriginibus, mirifica iudicata est, & divini ingenij certissimum argumentum. Quod & superiori seculo contigisse legimus Americanis.

Hh 3

Cassandra Priami et Hecubæ filia.



*Prædixit Troicæ excidium Priameia Virgo:
Atque Agamemnonicæ tela cruenta necis.*

CASSANDRA.

SCholiaſtes Homeri *in Iliad. B.* tradit, Priamum regem ex Hecuba vxore, Helenum & Caſſandram ſuſcepiffe : Infantes in templo Apollinis Thymbræi, vbi γενέθλια celebra-
bant, colludentes obdormiſſe : Famulas quibus puerorum cura erat demandata, tem-
ulentiores eorum oblitus domum abiſſe : Poſtridiè in templum reuerſas, viſiſſe ſerpentes
linguis puerorum ſenſoria organa obſtruere;
Territas vociferationem edidiſſe : Serpentes
clamore excitas, ſub proximas lauros ſe abdi-
diſſe : Infantes nihil omninò oblæſos exinde
vaticinio claros fuiſſe. Cæterum Caſſandram
dici opinantur, quia Caſin, id eſt fratrem He-
ctora, ſtrenuum habuerit, ac virilem imprimis.
Eadem & Alexandra nuncupatur *παρὰ τὸ* *Calius*
ἀλῶσαι, quoniam congreſſus hominum vitavit *Rhod.*
maximè; vel ab ἀλέξειν, quia vaticinando pro-
deſſet pluribus. *l. 24. 6.* Plutarchus *in Agide*, refert
Caſſandram diem ſuum obiſſe Thalamis, vr-
be Græciæ, vbi & Templum habuit oraculis
& vndequaue hominum confluentium fre-
quentia celeberrimum, ibique Paſiphaen vo-

cari δια τὸ πάντας φαίνειν τὰ μαντεία, quod omnibus vaticinia declararet.

*Lycophron in
Cassandra.*

*Virg.
Aen. 2.
8.*

*Propert.
l. 3.*

Cassandrae autem historia aut fabula hæc est. Fuit puella eximiâ formâ, ideòq; perditè ab Apolline amata; qui cùm eius concubitus ambiret, puellâq; potiri non posset, hanc iubet poscere quodcunque vellet, seq; id præstatum per Stygiam paludem iurat, modò corporis copiam faciat. Illa hac conditione promittit, modò divinandi artem edoceatur; quam cùm Apollo tribuisset, à Cassandra quæ impuro promisso stare noluit, delusus est. Is repulsam ægrè ferens, cùm vaticinandi donum sacramento concessum, revocare non posset, ab ea petit, ut sibi saltem osculum daret, quod cùm illa præstitisset, os eius inspuat Apollo, effecitq; ut Cassandra quidem vera vaticinaretur, sed ut eius vaticiniis nemo fidem adhiberet. *Virg. Aen. 2.*

--- --- Fatis aperit Cassandra futuris

Ora, Dei iussu non vnquam credita Teucris.

Item *Aeneid. 3.*

Sola mihi tales casus Cassandra canebat;

Sed quis ad Hesperiae venturos littora Teucros

Crederet? aut quæcum vates Cassandra moveret?

*Frustra itaque prædixit Troianis omnia
mala,*

mala, quæ si illi recta suadenti creditum esset, vitari potuissent. Primò enim cùm somniasset Hecuba eius mater, Paridem vtero gestans, se facem ardentem peperisse, Cassandra interpretata est, puerum qui nasciturus, causam futurum incendij Troiæ; quod & evenit ob raptam à Paride Helenam Menelai vxorem. Deinde cùm decimo Iliacæ obsidionis anno, equus ille ligneus ad vrbis mœnia duceretur, Cassandra machinam illam fatalem esse prædixit, ac proinde in urbem minimè admittendam; sed nemo salutaribus eius admonitionibus fidem adhibuit. Admissus est itaque equus, in quo latebant validissimi Græcorum duces, qui noctu machinâ per Sinonem apertâ erumpentes, portam vrbis recluserunt, Græcosq; reuersos ex Tenedo admiserunt, & Ilium ferro flammâq; deleverunt.

Venerat Geraſtus Mygdonis regis Thraciæ filius, ad Troiam, Phrygibus opem laturus; is infano Cassandræ incensus amore erat, eiq; desponsatus; hunc Cassandra identidem monebat vt se in Thraciam reciperet, alioqui ipsum cum Ilio periturum, quod & accidit: cùm enim ea nocte qua vrbs incensa est, auxilium conaretur ferre Cassandræ, quam Ajax

Oileus crinibus arreptam trahebat in Miner-
væ templum, vbi & vim intulit puellæ, à Pe-
neleo Bœotorum duce, interfectus est,

Infelix, qui non sponsæ præcepta furentis

Audierat &c. Furentis, id est vaticinantis.

At stuprum Cassandræ non impunè tulit
Ajax : Eo enim irritata Minerva, illum, cum
domum repeteret post excidium Troiæ, me-
dio mari ictum fulmine, cum navi miserando
perdidit naufragio. Misella verò Cassandra
tot malis superstes, in prædæ divisione, Aga-
memnoni Græcorum Imperatori sortitò ob-
tigit. Cum reditum pararet herus, eum seriò
admonuit Cassandra, vt sibi caveret ab insidiis
vxo-
ris, cuius proditione interimeretur. Sed
prædictiones mulieris, ceu deliræ, risit Aga-
memnon, quas tamen exitus verissimas esse
comprobavit. Agamemnon enim post varia
terra mariq; emensa discrimina, Mycenæ ve-
nit, vbi à Clitemnestra vxore, conspiratione
facta cum Ægistho adultero, vnà cum Cas-
sandra trucidatus est.

Quæ de Cassandra vera monente, cui ta-
men semper fides defuit, narrant Poëtæ, my-
thologicè interpretantur, nonnulli; aiuntq; fa-
bulam in eos confictam qui ingenio sunt per-
vicaci

vicaci & aspero, nec se Apollini, *id est*, Deo ^{Raco de} Harmoniæ submittere volunt, vt rerum mo- ^{Sapientia Ve-} dos & mensuras, sermonumq; veluti tonos, ^{terum.} acutos & graves, aurium etiam magis peritarum, & magis vulgarium differentias, tempora denique tum loquendi, tum silendi, ediscant & observent: licet enim sint prudentes & liberi, & consilia afferant sana & bona, nunquam tamen ferè suasu & impetu suo proficiunt; neque ad res tractandas efficaces sunt; sed potiùs exitium iis apud quos se ingerunt maturan; & tum demum post calamitatem & eventum, vt vates & in longum prospicientes, celebrantur. Sanè huius rei exemplum eminet in M. Catone Uticensi. Ille enim interitum patriæ & tyrannidem, primò ex conspiratione, deinde ex contentione Cæsaris cum Pompeio secutam, diu antè tanquam è specula prævidit, & velut è tripode prædixit; sed nihil profecit interim, verùm obfuit potiùs, & mala patriæ acceleravit. Id quod prudenter advertit, & eleganter describit Cicero, cum ad amicum ita scribit, *Cato optimè sentit, sed nocet interdum Reipublicæ: loquitur enim tanquam in Reipublica Platonis, non tanquam in sæce Romuli.*



*Lemnia sum Vates, Phoebæ dilecta Polyxo;
Ulcisci facinus per scelus ausa virum.*

POLYXO




DVas mulieres nomine Polyxo celebrat antiquitas ; vnam Argivam Tlepolemi Principis Rhodij , qui in expeditione Trojana cecidit, vxorem; quæ famosa reddita est cæde Helenæ. Cùm enim mortuo Menelao , ab eius filiis pulsa esset Rhodumq; venisset ad Polyxo cognatam suam; hæc necem mariti vlcisci cupiens, Helenam hospitio excepit, & in eam dum lavabat, ancillas furiarum ornatu immisit, quæ illam prehensam & ad arborem suspensam, laqueo necarunt ; vt refert Pausanias in *Laconicis*. Altera verò fuit Polyxo magna, atque à mendace & homicida spiritu obfessa , quæ Lemnios aliosq; Græciæ populos decepit. Fuit enim Lemnia & Sacerdos Apollinis , quæ sciscitantibus reddebat oracula ac futura prædicebat, magno hominum concursu.

Narrant, aliquando Lemnias mulieres Superis omnibus sacrum fecisse, Iunoni maxime Pronubæ nuptiarum præsidi; Dianæ item Lucinæ, quæ parturientibus & infantibus in lucem venientibus opem ferret; vnius Veneris

numen consultò neglexisse; quod esset incitatrix ad insanas libidines quibus iuventus à nuptiali thoro avocatur. Hunc contemptum Venus cùm ferre non posset, in matronas Lemnias animadvertere statuit. Mephitim graveolentiæ Deam immittit, quæ mulierum alis & inguinibus virus suum immitteret; vnde factum ut maritis fætores essent intolerabiles. Hi itaque vxoribus repudio misso, nuptias mutarunt, & thalamo puellas è Thracia atque Asia accitas, substituerunt. Lemniæ matronæ ignominioso hoc divortio perculsæ, Polyxûs vatis consilium requirunt; ea suadet ut conjuratione facta omnes viri trucidentur. Immane id consilium, statim executioni mandatum est; viros enim nihil tale timentes, per somnum adortos omnes iugularunt. Post interfectos viros, Lemniæ mulieres, hortatu Polyxûs Venerem placare studuerunt, & avertendæ graveolentiæ causa hircum & capram Deæ immolarunt, quibus victimis reconciliata est Venus. Sed tetro in posterum avertendo odore, secum terram illam Lemniam, redactam in pastillos & sigillo capræ, seu ut vult Galenus, Dianæ signatam, gestabant. Etiamnum hodiè ea terra quæ *Sigillata* vulgò dicitur ab impressione

sione putà sigilli, summo est in precio. Vt verò olim signum capræ vel stellæ, ita nunc characteres Turcici, adulterationis metu, globulis illius terræ imprimuntur. Literis Arabicis inscribitur *Tin imachton*, hoc est; *Terra sigillata*. Locus vnde terra illa eruitur ita absconditus est & tectus, vt nisi ab accolis cognosci nullo modo possit. Effoditur statuto tempore ac solenni ritu, eamque magna difficultate robustissimi fossiores, in profundissimis venis latitantem, rimantur & perquirunt. De hac Busbequius Epistola 3. sic scribit. *Fuit, inquit, Græcorum institutum vt non nisi sexto die Augusti, festo Transfigurationis Domini, specus recluderetur, vnde in Lemno terra, quam Αἴγος σφραγίδα à sigillo capræ, vocabant, hauritur. Idem institutum hodieq; servant Turcæ; & vt olim Sacerdos Græcus liturgiam ibi celebrabat, sic & illam hodie celebrari volunt, ipsi quidem sacrorum ex longinquo tantum spectatores.* Pinguis est illa terra, mollis, adstringens, rubricæ aliquando non dissimilis, nisi quod manus contrectantium non inficit. Memorabile verò est, non modò ex hac terrâ seu argillâ, speciosissima elaborari vasa; sed esse quoque eius vsum in Medicinâ commendatum; quippe

& adstringens est, quod ex adhæsu ad linguam probatur; unde vsurpatur sistendis profluviis, ac potissimum sanguinis: & vim alexipharmacam habet; unde adversus serpentum morsus aliaq; venena, est vsui: eoq; nomine etiam vasa ex eâ confecta, preciosa habentur. Cæterum P. Belonus Observ. lib. 22. proponit typos terræ sigillatæ imprimi solitos, hac forma.



Hirtia Sesostris Aegyptiorū regis filia.



*Sesostris pater est Aegypti sceptrā habitur,
Is Colchos bello deprimet atq; Getas.*

HIRTIA

Herodotus *lib. 2.* Sesostris inter Reges Ægypti primas defert; qui multas nationes debellavit, & subactarum trophæa variis in locis posuit, ex quibus se multa vidisse ipse testatur. Sesostris autem eximia belli facinora suasu & consilio Hirtiae filiae suscepisse aiunt. Erat enim mulier illa fatidica Serapidis ministerio dicata, cuius afflatu plurima prædicere credebatur. Hæc patri suavit ut Colchis bellum inferret, certam enim victoriam à Diis promitti: id foelix eventus brevi comprobavit; expugnatis enim urbibus, tota se provincia eius potestati permisit. Iterum author fuit Sesostris, ut Mæridi tum Ægypti regi potentissimo bellum inferret, propicios Deos victoriam spondere. Illum Sesostris invasit & superavit; præfuitque Ægypto summa fælicitate. Is fuit qui templa magnificentissima per totam Ægyptum maximis sumptibus ædificari curavit; in quibus fuit illud Alexandrinum Serapidis, de quo diximus in Serapide.

F I N I S.



INDEX NOMINVM ET RERV.

A

A Crostichis Sibylla Erythrae	
pag.	207
Egyptiorum superstitio	63
Egyptia Sibylla	222
Agelasti fiebant qui descendebant	
in antrum Trophonij	49
Agenora Silentij Dea	138
Electriomantia	162
Alexander M. credi voluit filius	
Iovis Hammonis	37
Alexander Severus	155
Amphiaraius	102
Amuleta	114
Andromache	125
Anubis	62.63
Apis bos, Idolum Egyptiorum	57
Apollo Pythius 40. author Medi-	
cina & Musica	42
Apollonius Tyanens	148
Arbores vocales	32.33
Argonautæ	98
Aristodemus filiam interficit, &	
semetipsum	22
Aruns vates Hetruscus	107
Ascleparionis, de Domitiani cade	
vaticinium	5
Astrologia vanitas	8.117
Astronomorum pradictiones	7
Asylas	116

Asylum	73
Augures & auguria	107.114
Augurum vanitas	16.17.18.117
Avium voces à Magis intellectæ	105.122.152

B

Bacchus	35
Boissardus	24
Bos paret Pythagoræ	133
Branchus	53
Brennus	45

C

Cambyxis mors	60
Canes culti Egyptiis	63
Castoris & Pollucis phantasmata	12
Caphareus scopulus	125
Capnomantia	85.86
Capitolium unde dictum	120
Caracalla	155
Carmenta & Carmentalia	234
Cassandra	237
Chalchas vates	21
Cham, dictus Iupiter Hammon	38
Chiromantia	124
Cholchica expeditio	97
Christus Demones compefcuit	28
Colophonia Lampusia	225
Colophonem addere	47

K k 3

INDEX NOMINVM

<i>Columba vocales</i>	33	<i>Extispices</i>	108
<i>C. Corneliy mira predictio</i>	12	<i>Erythraa Sibylla</i>	206
<i>Cortina</i>	43	F	
<i>Crepitacula Dodonea</i>	33	<i>A Fabis abstinere</i>	141
<i>Cræsus deluditur ab oraculo Delphico</i>	10.15	<i>Femur aureum Pythagoræ</i>	133
<i>Crotona</i>	137	<i>Fons Harmonis</i>	36
<i>Cumea Sibylla 200. eiusdem spelunca</i>	201	<i>Futurorum præcognitio</i>	6
<i>Cuma urbs</i>	200	G	
<i>Cumana Sibylla</i>	212	<i>Genij 134. Geniorum mors</i>	26
<i>Cyclopes</i>	80	<i>Germanici mors</i>	60
<i>Cyro predictum imperium</i>	10	<i>Goetia</i>	161
D		<i>Grandinis avertenda ratio</i>	113
<i>Dæmones mendaces 16. Homicidæ 21.44</i>		H	
<i>Dæmonum cognitio 8.9.10.11</i>		<i>Hammon Iupiter</i>	36
<i>maleficia 14. Subtilitas</i>	11	<i>Hannibal delusus ab oraculo</i>	60
<i>Experientia</i>	13	<i>Harpocrates, Silentij Deus</i>	138
<i>Damias Apollonij cornes</i>	149.152	<i>Helenus</i>	124
<i>Delphica Sibylla</i>	197	<i>Hellepontica Sibylla</i>	214
<i>Delphicum templum</i>	42.45.46	<i>Hermaphroditus</i>	84
<i>Delus</i>	40	<i>Hermes Trismegistus</i>	75
<i>Divinatio multiplex</i>	1.4.6.7	<i>Heroës pro Diis culti</i>	19
<i>Divini</i>	1	<i>Hetrusci</i>	113
<i>Dodoneus Iupiter</i>	32	<i>Hirtia</i>	249
<i>Dodoneum oraculum</i>	33	I	
<i>Domitiani cædes predicta</i>	154	<i>Iamblicus</i>	157
<i>Duumviri sacrorum</i>	168	<i>Iason</i>	98
E		<i>Idmon</i>	97
<i>Echemuthia Pythagorica</i>	137	<i>Idololatria origo</i>	19
<i>Enthusiastæ</i>	20	<i>Iosephus cultus Egyptiis sub nomine Serapidis</i>	56
<i>Epirotica Sibylla</i>	220	<i>Isis</i>	61
<i>Equus ligneus Trojanus</i>	127.130	<i>Iulianus apostata</i>	158
<i>Eriphyle</i>	105	<i>Iupiter, unde dictus 31. Is fuit Cham</i>	

ET RERV M.

Cham 35. Dodoneus 32. Ham-
mon 36

Oscines

107

Osiris

56

L

Libyca Sibylla

195

Lituus

108

Loxias, Apollo dictus

16

Lyra inventrix

210

M

Magi Mathematici dicti, Roma
puli 18. Saxo Tarpeio dejecti 1b.
eorum voces barbare

161

Magia naturalis

161

Manto

228

Mardonius dux Persarum

103

Medea

98

Medicina author Apollo

41

Memnonis statua

58

Mephis graveolentia Dea

244

Mercurius Trismegistus

75

Metempsychosis Pythagorica

135

Miracula Pythagoræ 133. Apollo-
nij

150

Mopsus

90

N

Navis Argo cur loquax

99

Necromantia

86.161

Nero delusus ab oraculo Delphi-
co

45

Nerva mors predicta

154

Nilus

61

Numa Pompilius

138

O

Olenus Calenus

120

Oraculorum origo

19.20

fallacia & ambages

15.16

Descriptio

29

P

Palici 71. Palice vrbs

73

Panis Magni mors

26

Pasiphaë

237

Persica Sibylla

191

Pestilentia à Mago excitata, &
sedata

14

Philo, pater Trismegisti

75

Phrygia Sibylla

216

Pimander Trismegisti

77

Polyphemus ab Vlysse excacatus

80

Polyxo

243

Porphyrius

157

Præpetes aves

107

Priamus

124

Proteus

65

Prylis

130

Puer triceps

153

Pullarij 108. Pullorum tripudium
ibid.

Pyromantia

85

Pyrrhus oraculo delusus

15

Pythagoras 133. Pythagorici omnes,
Magi

157

Python 40. Pythia

44

Pythici ludi

41

Q

Quercus vocales

32

S

Sacri Scriptores

4

Samia Sibylla

210

Serapis

56

Serpens fatidica

62

Sesostris Rex Egypti

250

Sibylla unde dicta

167

Kk 4

E. G. Allen l/s 2/18/99

INDEX NOMINVM ET RERVVM.

<i>Sibyllini libri</i>	168.169	<i>T burtina Sibylla</i>	218
<i>Sideromantia</i>	116	<i>Tiresias</i>	21.84
<i>Sigalion silentij statua</i>	62	<i>Titi mors predicta.</i>	154
<i>Sigillata terra</i>	244.245	<i>Trasyllus</i>	8
<i>Spurinna</i>	145	<i>Trinitatis mysterium à Trismegisto</i>	
<i>Statue subdiales</i>	36	<i>agnitum</i>	75
T		<i>Tripus</i>	43
<i>Tages</i>	112	<i>Trophonius</i>	49
<i>Telemus</i>	80	<i>Typho</i>	57
<i>Templum</i>	108	<i>Tyri destructio predicta</i>	9
<i>Theagenes, pradixit Augusto im-</i>		V	
<i>perium</i>	5	<i>Vellus aureum</i>	88.97
<i>Themis</i>	231	<i>Ventorum cohibendi ratio</i>	113
<i>Themistocles</i>	131	<i>Virgilij Egloga quarta</i>	202
<i>Theurgia</i>	161	<i>Vituli aurei idololatria unde</i>	58
<i>Thrasyllus Astrologus</i>	5	X	
<i>Thyodamas</i>	122	<i>Xerxes</i>	130
<i>Tiberius pradixit Galba imperiū</i>	5		

FINIS.

